



BIBLIOTECA NAZ.
Vittorio Emanuele III

XV III

B

11

NAPOLI







C.111.K.3

XVIII

B -- 11.

~~44~~

JURIS PUBLICI UNIVERSALIS
THEOREMATA



JOANNIS M.^{AE} LAMPREDI

FLORENTINI

IN PISANA ACADEMIA ANTECESSORIS

JURIS PUBLICI UNIVERSALIS

SIVE

JURIS NATURAE

ET GENTIUM

THEOREMATA

Quae ab eo in eadem Academia exponuntur & declarantur.

PARTIS I. TOMUS II.

In quo & Pars II. continetur.



LIBURNI A. D. MDCCLXXVII.

EXCUDEBAT VINCENTIUS FALURNUS
PRAESID. ADPROB.





JURIS PUBLICI UNIVERSALIS


S I V E

JURIS NATURAE ET GENTIUM THEOREMATA.

PARTIS I.

CAPUT XII.

*De Jure in re aliena constituto, ubi
de Pignore, Servitutibus, Em-
phyteusi, Censu, & Feudo.*



§. 1. *De Pignore & Hypotheca.*

D Ubiam hominum fidem solemnibus
quos hactenus enumeravimus Contractibus
obligatam interdum arctiori vinculo ob-
stringit Creditor, postulatque ut praeter
fidem datam sibi quid pretio aestimabile,

Tomo II.

A

quod aut pluris, aut tanti saltem sit quanti contracta obligatio aestimatur, debitor tradat, vel ita efficiat ut praestituto tempore debito non exsoluto, ipsi jus sit illud distrahere, & venditionis pretio sibi prospicere & ad suum commodum pervenire. Jus istiusmodi in re debitoris constitutum dicitur *Pignus*, vel *Hypotheca*, & quidem pignus si quod supponitur ob debiti securitatem mobile est, & ad Creditorem transeat, hypotheca vero si immobile, cujus nec ipsa simplex detentio transeat ad Creditorem (1).

Si naturale Jus spectes Creditor pignus & hypothecam naturalem in bonis debitoris habet, sive ea possederit tempore

(1) *Promiscue tamen pignolata dicuntur tam mobilia quam immobilia, nec quidem immerito, nam quod apud Latinos pignus, idem apud Graecos hypotheca significat, & tam mobilia quam immobilia ὑποθήκη recte dicuntur. Vid. §. 7. Inst. De Añ. L. 5. §. 1. ff. De Pign. & hypoth. L. 2. §. 2. ff. De Pign. Añ. L. 238. §. 2. ff. De Verb. signif.*

contractae obligationis, five ea postea quae-
siverit, five corporalia, five incorporalia
sint; atque adeo si solvere debitum detre-
ctet ea Creditori jure proprio invadendi fa-
cultas est naturalis (1). Cum enim omni-
bus imposita sit obligatio ut suum cuique
tribuat, & relativum jus aliis concessum est
ut quod sibi debetur quocumque pacto
vindictent. Si mitiora igitur desint media,
& rem ipsam debitam persequi nefas sit,
quin aliud tantundem valens etiam per vim
licite arripere possim vix ambigendum;
nam Jura omnia perfecta five naturalia,

quod sibi debetur quocumque pacto

ad vi r. istudum in eo, quod dicitur de vi

De vi bonor. rapt. L. 7-8. ff. Ad Leg. Jul.

(1) Jure civili non licet Creditori pignus
arbitrio suo auferre, aut possessionem prae-
dii hypothecae suppositi auctoritate propria
adipisci, quod quidem ad praecavendas tur-
bas utilissimum. Vid. L. 3. Cod. De Pign.
& hypot. L. 11. ff. De Pign. Act. Ministerio
enim Praesidis utatur oportet qui aliquid si-
bi debitum exsequi & exigere vult, quippe
nemo in Civitate regulariter sibi jus dicit.
L. 5. ff. De Acquir. possess. L. 2. §. 18. ff.
De vi bonor. rapt. L. 7-8. ff. Ad Leg. Jul.
De vi priv. L. 13. ff. Quod met.

sive hypothetica & contracta inutilia omnino dicenda essent, si ea persequi & ex-
plere Naturae Legibus vetitum esset. Ita-
que cum rem meam, aut mihi debitam
consequi non possum, ad tantundem licite
feror, quod est morali aestimatione idem (1).

Dubitari tamen posset quid juris sta-
tuendum si plures contra debitoris bona
concurrant eodem tempore ad expletio-
nem juris, & si debitor solvendo omnibus
non sit quis potior in pignore & hypothe-
ca habeatur. Creditorum concursus eodem
tempore in proposita quaestione supponi-
tur, nam si Creditores omnes forte quie-
scant debitoris fide tuti, & quis eorum
sibi debitum petat, & non solventis debi-
toris bona aggressus ea loco pignoris occu-
pet, jure suo utitur, nec ceteris iniuriam
facit, quibus imputandum quod non quae-
sierint ex debitoris bonis, cum adhuc in ejus
dominio essent, debiti securitatem, & a-

(1) Hoc principio innituntur Juris ex-
pletiones inter Gentes, quae Represaliae di-
cuntur, de quibus suo loco.

mici fortasse fidem sequi maluerint .

Si autem omnes eodem tempore jure naturalis hypothecae utantur vel quod una simulque; & veluti ex condicto bona debitoris aggrediantur, vel quod debitor aut expresse aut tacite confessus se omnibus solvendo non esse, bona sua omnia in solutum dederit, vel quod vita functus bona sua Creditoribus obligata reliquerit, videntur naturali ratione sequenti ordine Creditores praeferendi. Primo igitur ceteris omnibus anteferri merentur illi, a quibus aliquid impensum est vel ut debitor Patrimonium auget, vel bona jam quae sita conservaret, vel pretiosiora & aestimabiliora redderet. Secundo eorum praevaleat jus aequum est, qui priores sunt tempore; primi enim in causa fuere ut debitor haberet unde Creditoribus suis satisfaceret, & pecunia sua effecerunt ut salva esset totius pignoris causa, atque adeo cum quodammodo gesserint utiliter Creditorum negotia, quidquid impenderint ad pignoris

conservationem restituatur oportet (1) : alteri vero juxta temporis prioritatem praeferendi , quod ex tempore Crediti Jus quae-
sierint pro rata in bonis debitoris , quod a posterioribus priore invito auferri nequit , si uno eodemque tempore adversus debitoris bona concurrant . (2)

(1) *Concord. L. 22. ff. De haered. vel act. vend. L. 31. §. 8. ff. De Aedilit. Edict. L. 7. Cod. Qui potior. in pign. L. 26. & 32. ff. De Reb. act. Jud. possid. L. 6. §. 1. & 2. ff. Qui potior. in pign. vel hypoth.*

(2) *Concord. L. 2. & 4. Cod. Qui potior. in pign. Plura tamen sunt privilegia Romanis Legibus introducta, per quae posteriores tempore prioribus multoties praeferuntur ; privilegia enim apud eos non tempore aestimantur , sed ex causa , & titulo , et si eadem causa sit , concurrunt , licet diversitates temporis in his fuerint L. 32. ff. De Reb. act. Jud. poss. ut ecce Hypothecarii Creditores Chirographariis praeferuntur . In praediis rusticis fructus qui ibi nascuntur , in urbanis quae in ea inducuntur illata sunt locatori oppignoratata pro pensione &c. censentur . L. 2. 3. 4. & 7. ff. In quib. caus. pign. & hypoth. L. ult. Cod. eod. L. 5. Cod. Locat. Fiscus in rebus omnibus quas debitor post*

In Naturali statu igitur conventionalis hypotheca inutilis omnino, in Civili vero

A 4

contractam cum eo obligationem acquisivit potior est, & Respublica Creditrix chirographariis omnibus creditoribus praefertur L. 28. & 46. ff. De Jur. Fisc. L. 38. §. 1. ff. De reb. auct. Jud. possid. Impensa funeris omne creditum praecedat L. 12. & 45. ff. De Religios. & sumpt. fun. L. 17. ff. De reb. auct. Jud. possid. In bonis Mensularii (sive publici Depositarii) post privilegia potiores sunt qui pecuniam apud mensam deposuerunt, & anterioribus creditoribus ob diversum titulum praefertuntur L. 24. §. 2. ff. eod. L. 8. ff. Depositii: quod iniquum omnino est. Ex bonis enim publici Mensularii solvenda prius debita, quae ipse tamquam privata persona contraxit juxta prioritatem lege loci introductam, dein vero Creditores pecuniae depositae dimittendi primum ex ipsa pecunia deposita, si reperiatur, dein ex facultatibus quae fraudatori supersunt, iisque exhaustis, ipsa Respublica Deponentes indemnes praestet aequum est; ei enim improbi Ministri fraus & dolus jure meritoque imputatur. Causae reliquae, in quibus hypotheca tacite contrahitur Legum Romanarum auctoritate, ex uberiori Digestorum &

utilissima, quippe conventionalis hypothe-
ca naturalem vincit juxta ordinem cujusque
loci legibus definitum.

Non idem dicendum de Pignore, quod
Creditori in debiti securitatem reipsa tradi-
tur ut illud vendat si intra constitutum tem-
pus debitum non solvatur, eo enim utilior
contractus istiusmodi quo pretiosior res ha-
beretur quae extat quam ea quae sit exti-
tura; qui enim sine pignore credidit futu-
ram solutionem sperat, qui autem cum pi-
gnore certo novit. Itaque in contractu pi-
gnoratitio Creditor Jus exigendi debitum
cum jure vendendi praestituto tempore rem
certam debitoris permutat.

§. 2. *Consecutaria ex Natura Pignoris.*

I. Jus igitur Creditori in pignore nul-
lum aliud est, nisi ut illud vendat solutio-

*Codicis lectione hauriendae, quippe quae ad
Jus Naturae vix pertinent: quapropter nec
eadem apud omnes Gentes Creditoribus pri-
vilegia conceduntur, nec eadem sunt hypo-
thecae legales. Vid. tot. tit. ff. Qui potior.
in pign. & hypoth. Tit. De reb. auct. Jud.
possid. & relat. Tit. in Cod.*

ne non facta (1), medioque tempore custodiat detineatque apud se tantum, non autem eo utatur (2).

II. Et cum jus vendendi transtulerit debitor, quod uni domino competit, quae sua sunt tantum pignori dare potest, non aliena, nisi Dominus in pignus rei suae aut tacite aut expresse consentiat (3).

(1) *Concord. L. 4. ff. De Pign. Act. L. 9. & 14. Cod. De Distract. Pign.*

(2) *Si Creditor pignore utatur furti tenetur L. 54. ff. De Furtis.*

(3) *Vid. L. 17. & 26. §. 1. ff. De Pign. & Hypoth. L. 3. & 5. Cod. si aliena res pignor. data sit. Quapropter Jure Civili datur contra oppignorantem de dolo actio, & felonatus poena plebitur dolosus simulator L. 36. §. 1. ff. De Pign. Act. Licet tamen & alienam rem pignori dare sub conditione si debitoris facta fuerit. Vid. L. cit. 17. ff. De Pign. & 5. Cod. si aliena &c. Quaedam sunt licet sua, quae Jure Civili pignori vel hypothecae data obligari non possunt, ut ecce vestis, lectum, instrumenta ruralia, boves ararii, stipendia militum, dona Principis &c. quae tacite excepta intelliguntur sub generali bonorum hypotheca L. 7. ff. De Pign. & hypoth. L. 1. 7. 8. Cod. Quae res pign. Le-*

III. Apud creditorem est rei oppign-
ratae detentio, apud Debitorem Dominium
qui ipsum in alium transferre potest, salvo
Creditoris jure, creditor autem Jus Pigno-
ris alteri cedere, vendere poterit eo quod
jura nostra quaesita distrahere, aliisque ce-
dere facultas Jure Naturae est (1), servata
tamen debitori reluendi pignoris facultate,

*ges enim praesumunt credibile non esse eas
res specialiter debitorem pignori dare, &
sub generali pacti conventionem contineri vo-
luisse: quae quidem praesumptio licet for-
tasse Civitatis bono utilis, attamen nullum in
Jure Naturae fundamentum habet, cuique
enim licet uti & abuti rebus suis ex senten-
tia. Quapropter nec ubique ea praesumptio
veluti legitima habetur, & res exceptae uti-
liter pignori supponuntur.*

(1) *Vid. L. 3. ff. Quae res pign. L.
II. §. 4. 16. ff. Qui potior. in pign. L. 22.
Cod. De Pign. Exinde subrogationes & suc-
cessionem in locum Creditoris vel Judicis au-
thoritate, vel Legum praescripto concessae na-
turali aequitate innituntur, quoties successio
solventem pecuniam juvat, & nemini inju-
riam facit. Vid. Tot. tit. Cod. De his qui
in pr. Cred. loc. succed. & LL. supr. cit.*

ceterisque juribus quae adversus primum pignoris detentorem ipsi competunt.

IV. Pignus debitori perit, apud quem est dominium, & quidquid commodi sive incommodi accessit sine Creditoris culpa ad eum pertinet (1).

V. Si res fructifera pignori data sit, aut ea quae accessione aliqua augeri possit, quidquid postea rei oppignoratae accedit tenetur, cum enim pignus includat jus vendendi eo jure multoties uti non possem si accessiones cum ipsa re vendere vetitum esset (2).

VI. Quaesitum est an elapso solutionis tempore a Creditore Debitor monendus de proxima pignoris distractione, & mihi monendus esse videtur; quippe cum lex Naturalis jubeat ut in exsecutione juris sui non tantum alterius damnum, sed etiam

(1) *Concord. §. ult. Instit. Tit. Quib. mod. re contr. obligat. L. 5. & 6. Cod. De Pign. act. L. 21. §. 2. ff. De Pign. & hypoth.*

(2) *Concord. L. 13. & 29. §. 1. & 2. ff. De Pign. & hypoth. L. 16. 18. 21. ff. De Pign. Act.*

damni inferendi periculum vitemus, cum non bene constet an Debitor luere pignus velit non interposita ulteriori mora, aut ipse pignus vendere potius velit, sibi que adeo fortasse melius consulere, aequum est ut a Creditore moneatur, tum ne in malae fidei suspicionem incurrat, tum ne quid detrimenti afferat debitori (1).

VII. Quae de Pignore proprie dicto exposuimus eadem facile & ad hypothecam

(1) *Apud Romanos jus erat Creditori propria auctoritate distrahendi pignoris L. 4. ff. De Pign. Act. L. 3. & 9. Cod. De Distract. pignor. nisi forte convenisset ne distraheretur; tunc enim creditor si distraxerit furti obligatur, nisi debitori fuerit denunciatum ut solvat, & cessaverit. At fere ubique gentium naturalis aequitas est revocata in pignorum distractione, quae fit Judicis auctoritate multis servatis solemnibus, hasta plerumque posita, & adhibita licitatione, & additione plus licitanti facta. Dispositio autem Justinianeae L. ult. Cod. de Jur. Domin. impetr. nullibi fere servatur, cum plerarumque Gentium moribus Creditores ipsi hypothecarii qui subhastationem obtinuerunt ad licitandum admittantur.*

tam conventionalem, quam legalem aptari possunt.

VIII. Cum licitae usurae sunt & Antichresim licitam esse non ambigitur, sive pactum quod pignori fructifero accedit, ut Creditor fructus percipiat loco usurarum donec pignus luatur (1); si enim fructus licitarum usurarum mensuram non excedant (2), statuto rerum pretio, non video in quo Antichresis a contractu foenebri differat.

IX. Quaesitum est an in Contractu Pignoratitio, cui accessit Antichresis, solutione a debitore oblata restituendum sit pignus & acceptanda solutio, & non restituendum videtur nisi Creditor a fructifero

(1) Vid. L. 11. §. 1. ff. De Pign. & hypoth.

(2) Si excedant aequum est ut qui super sunt restituantur; nisi aliter propter incertum fructuum proventum partes contrahentes convenerint, aut convenisse legiime praesumantur. Vid. L. 1. 2. & 3. Cod. De Pign. Act. L. 1. Cod. De Distract. pign. L. 17. Cod. De Usuris.

pignore tantundem fructum perceperit; quanti aestimantur usurae; id enim ex ipsa Contractus natura sequi dicendum est, nisi quis velit ut Contractus istiusmodi illusorius omnino fiat.

X. Cum libera contrahentium voluntas Contractibus legem dicat, poterunt contrahentes quancumque honestam, licitamque conditionem oppignorationi apponere, puta ut interitus pignoris liberet debitorem (1), ut creditor ex pensio nibus vel fructibus pignoris creditum recipiat (2), ut si intra certum tempus non sit soluta pecunia, Creditor jure emptoris possideat rem justo pretio tunc aestimandam (3); ut Creditori non liceat pignus vendere (4), ut pactum commissorium pignori accedat, ut nempe nisi debitor intra certum tempus pignus luat proprium Creditoris fiat; quod

(1) *Vid. L. 6. Cod. De Pign. Añ.*

(2) *L. 20. ff. De Pign. & hypoth.*

(3) *L. 16. §. 9. ff. cod. L. 1. Cod. De Pñ. pign.*

(4) *L. 4. in fin. ff. De Pign. Añ.*

quidem licet Jure Romano vetitum (1), atamen Jure Naturali externo licitum esse patet, cum cuique de rebus suis, uti libuit statuendi facultas sit. Jure interno tamen, & pretio rerum constituto pretium pignoris debito equipolleat oportet.

§. 3. De Servitutibus.

Si quis licite dominium rei suae transferre potest, poterit etiam & dominii partem alienare, sive alteri actionem vel positivam vel negativam cedere, quae ipsi veluti Domino competat: Cessiones istiusmodi *Servitutes* dicuntur, quae alienae utilitatis gratia constituuntur, atque adeo veluti Personales haberi omnes possunt (2).

(1) Vid. L. ult. Cod. De Pact. Pign. & de Leg. commiss. in pign. rescind.

(2) Romani servitutes in personales, & reales partiuntur: alteras dicunt cum res personae, alteras cum res rei servit. Liqueet tamen nonnisi improprie rem rei servire dici, & jura quae facultates morales sunt, rei physicae & inanimatae aptari; servitutes enim nil aliud sunt quam jura in rebus alienis constituta, quorum vi dominus pati tenetur ut alter in re sua faciat, quod dominii jure

Quot sunt utilitates & emolumenta, quae ex Dominio ortum ducunt, tot etiam servitutes esse possunt, atque adeo translati juris, siue constitutae servitutis quantitatem sola transferentis voluntas dimetitur; ita ut si utilitatum Summa, quas ex Dominio rei meae habere possum aequalis sit 100. Servitutes impositae per seriem arithmeticae ad eum numerum crescere possunt, ut mihi nudum domini jus absque ullo emolumento supersit.

Frequentiores tamen servitutes Jurisconsulti Romani complexi sunt, eisque nomina certa (1), certamque juris quantitatem im-

impêdire pctuisset, vel sibi obligationem imponit id non faciendi, quod eodem dominii jure facere sibi licuisset. Personales igitur sunt servitutes omnes, quarum subiectum est actio humana vel positiva vel negativa.

(1) Ut ecce usumfructum, usum, habitationem, operas legatas servitutibus personalibus accensuerunt, realibus vero servitutes signi immittendi vel proiiciendi, luminis non aperiendi, alius non tollendi, ne luminibus officiat, prospectus, stillicidii, cloacae,

imposuerunt, quod licet fortasse utile in Civitate ad lites compescendas, attamen adeo civile est, ut integrum sit ceteris Legumlatoribus & diversam vocabulis significationem imponere & quantitatem juris diversam definire.

Nos, ut solemus, nonnulla quae magis ab Jure Naturae in Romanis Legibus discedere videntur indicabimus, cetera enim a Contrahentium voluntate omnino pendent (1).

§. 4 De Jure effodiendi metalla in fundo fructuario.

Uususfructus igitur est juxta Romanorum mentem jus utendi fruendi alienis re-

Tom. II.

B

fluminis, fumi immittendi, quibus accesserunt servitutes praediales rusticae iter, actus, via, aquaeductus, aquae haustus, pecoris pascendi &c. de quibus agitur in Pandectarum libris septimo & octavo, qui adeundi.

(1) Servitutes enim ut ceterae omnes praestationes pactionibus, mutuisque promissis & acceptationibus, uno verbo consensu Domini, ad quem jura omnia ex dominio derivantia

bus salva earum substantia (1), ex cuius juris natura sequitur fructuarium re aliena uti frui non posse nisi sicuti est, atque adeo substantialem rei mutationem, ejusque deteriorationem ipsi vetitam, eandem enim rem finito usufructu domino restituere debet.

Si quis rem probe perpenderit facile in eam ibit sententiam aurifodinas, lapidicinas, ceterasque earum rerum, quae in terrae visceribus delitescunt, effossiones instituere non posse fructuarium, tum quod metalla, ceteraque fossilia fundi fructus non sunt, nec enim ut ceteri fructus nascuntur, videlicet ut fruges ab agro, foetus a grege, foenum a prato, sed semel effossa aut non amplius, aut forsitan post longum temporis intervallum gignuntur, atque adeo non ad fructus, sed ad fundi substantiam pertinent; tum quod cum ejusmodi

pertinent, constituuntur. An Praescriptio & Usucapio quid valeat ad servitutes inducendas in Jure Gentium dicemus.

(1) Concord. L. 1. ff. De usufr. & quemadmod. pr. Instit. Tit. eod. L. 5. pr. ff. Si usufruct. petat.

effossiones institui nequeant nisi in amplas
cavitates, profundosque hiatus terra scin-
datur, tota fundi facies, & substantia im-
mutatur, atque adeo fundus istiusmodi ab
intacto fundo plurimum differt, nec iden-
titas in restitutione obtineri potest: fructus
autem colligendi sunt a fructuario dummo-
do substantia rei fructiferae non immutetur,

Contrarium tamen docent Jurisconsulti,
& metalla, ceteraque istiusmodi quae e
terrae visceribus effodiuntur, in fructu esse
asserunt (1). Non negamus civilibus legi-
bus fieri posse, ut inter fructuarii jura,
& fossilium colligendorum jus enumeretur;
id tamen ex ipsa ususfructus natura non
procedere, ceterisque Jurisconsultorum re-
gulis contradicere affirmamus. Ajunt enim
annosas arbores, aut sylvam non caedam
caedere fructuarium non posse (2), quia
fundus deterior fieret; at nonne deterior

B 2

(1) L. 9. §. 3. L. 13. §. 5. L. 59. §. 1.
ff. De Ususufructu et quemadm.

(2) L. 10. 11. 12. 19. ff. eod.

fit fundus si centum millia pondo auri vel argenti, quod in terrae visceribus delitebat, eruantur, quam si quinque vel sex caedantur annosae arbores? Ajunt etiam fructuarium nec sylvam ad pratum, nec voluptarium praedium ad alium modum convertere posse eo quod causam proprietatis deteriore facere non debet (1): at nonne deterior causa fit proprietatis si venae metallorum inquirantur, & eruantur facie fundi omnino immutata? Id quidem & ipse sensit *Ulpianus*; parumque sibi constans jus istiusmodi denegavit fructuario; si fortasse quas ipse instituit aurifodinae, lapidicinae, aliaeque fossilium collectiones coelum corrumpant agri, aut magnum apparatus sint desideraturae opificum aut legulorum, quae non potest sustinere proprietarius (2): parum sibi constitit; inquam, *Ulpianus*; nam si fossilia ad fructuarium pertinent, poterit suo jure uti etiam si ali-

(1) L. 7. in fin. L. 8. 10. 13. §. 4. 7. 8. L. 15. §. 3. 5. ff. eod.

(2) L. 13. §. 5. et 6. ff. eod.

quid damni proprietario obveniat, nam ei, qui in executione juris perfecti alteri damnum affert, damnum non imputatur.

At si fundi ususfructus concederetur, cujus præcipuos fructus lapidicina, aut aurifodina jam instituta praeberet, non ambigitur & eas in fructu esse (1); præsumitur enim eum qui constituit ususfructum in deteriorationem consensisse eodem pacto, quo in deteriorationem necessariam, quam lapsus temporis arboribus frugiferis affert, consensisse præsumitur.

Naturale etiam non est ut si fructuarius mortem obeat antequam fructus pendentes perceperit, fructus omnes ad proprietarium pertineant (2). Nos distinguendum

B 3

(1) Concord. L. 9. §. 2. ff. eod.

(2) L. 25. §. 1. in fin. ff. De Usur. et fruct. L. 13. in fin. ff. Quib. mod. usufr. L. 8. in fin. ff. De Ann. Legat. Jus Saxonicum contrarium omnino statuit; jubetque ut si campi sati jam sunt, aut vinea putata vivente fructuario ad ejus hæredes fructus pertineant. Vid. Huber. Prælect. Cap. 8. Werner. Elem. Jur. Nat. et Gent. Cap. 14. §. 42.

censemur inter fructus naturales & industriales, & primos quidem ad proprietarium spectare affirmamus, cujus sunt jura omnia, quae a dominio ortum ducunt statim ac jus fructuarii expiravit, alteros partim haeredibus fructuarii pro rata culturae & operae, partim domino pro fundi pretio acquiri habita temporis ratione, quo fructus quodammodo alieni in suo pendent solo; fructus enim pendentes non tam fundi fructus haberi debent, quam industriae fructuarii. Si igitur proprietarius suos omnes faciat, alienae operae pretium eriperet, fieretque locupletior cum aliena jactura (1).

(1) Sunt qui asserunt eam legem a Romanis latam circa fructus pendentes et a fructuario non perceptos ratione non carere: usufructu enim legato jubebatur haeres a fructibus licet maturis colligendis abstinere, si cum dies legati cesserit, adhuc pendentes fructuarius invenisset L. 27. ff. De Usufruct. et quemadmod. Aequum igitur fuit ut maturos et pendentes etiam restitueret. At non tanti ponderis ejusmodi argumentum mihi videtur, si enim fundum fructuarius habuisset

§. 5. De Jure Domini in Fructuarium.

Cum fructuarii ea sit obligatio ut rebus utatur fruatur salva substantia, ut idem quod datum est proprietario restituat, jus relativum domino competat oportet cogendi fructuarium ut causam proprietatis culpa aut dolo deteriore non reddat. Huic juri certos fines Natura non praescribit, licitique actus omnes dicendi sunt, sine quibus eum finem obtinere proprietarius nequit, dummodo jus suum exsequatur cum mini-

B 4

post messem, & post factas in sationem et similia impensas decessisset? Sed fructus, ajunt, jure Romano intelliguntur qui supersunt, deductis impensis, atque adeo fructuarii haereditibus restituendum quidquid impensum est pro agricultura, atque adeo nulla ipsis fit iniuria, quod falsum est; nam cum Testatoris mens fuerit ut ex fundo legato aliquid utilitatis fructuaris perciperet donec in vivis esset, si tantum quod impensum est in messem parandam, colendumque agrum restituitur non solum nullam utilitatem ex usufructu capit fructuarius, sed damnum patitur; poterat enim ex impensa pecunia aliunde lucrum facere, quo iniuria haereditas ejus privatur.

mo fructuarii detrimento. Civiles igitur Leges, per quas usufructus finitur non utendo per modum & tempus, aut utendo cum rei fructiferae jactura poenales potius sunt, quam naturales (1).

(1) *Apud Romanos jure antiquo servitutes omnes non utendo per biennium peribant. Justinianus compendiosum hunc interitum emendavit, jussitque ut usufructus, ceteraeque servitutes omnes amitterentur non utendo per decennium contra praesentes, per viginti annorum spatium contra absentes. Vid. §. 3. Instit. Tit. De Usufr. L. 14. & 28. ff. Quib. mod. usufr. amitt. L. 10. ff. Quemadmod. Servit. amitt. L. 13. & ult. Cod. De Servit. & aqua. Sunt tamen aequitati naturali consentaneae Leges, quae jubent ut fructuarius, vel usuarius, eodem enim loco ambo habentur, caveat se fruiurum usurum boni viri arbitrato, & finita servitute rem eandem in specie restitutum L. 1. pr. L. 5. ff. Usufruct. quemadmod. caveat. Quapropter et permittendum proprietario ut inventarium conficiat ut restitutionis tempore constet quarum, qualium, quantarumque rerum usufructus datus sit, et ut idoneos fidejussores ab usufructuario exigat, qui cautionem interponant de utura restitutione, ne proprietarius jure*

§. 6. De Emphyteusi .

Proprietatis jura duo sunt essentialia , nempe jus alienandi , & jus immutandi fundi substantiam . Si in fructuarium etiam jurium hujusmodi partem transferat proprietarius , ut ecce , facultatem det immutandi fundum fructuarium , vel etiam certa lege alienandi , jus distinctum a simplici usufructu oritur , quod tam diversum , variumque esse potest , quam diverse jura illa proprietatis essentialia modificari dominus potest fructuarii favore . Jus igitur fructuarii sola domini transferentis voluntate ponderatur .

Attamen consuetudo invaluit ut si quis rei suae usumfructum cum facultate immutandi substantiam , aut etiam alienandi certa lege sub annuo canone in agnitionem domini aut in perpetuum , aut ad longum tempus tradat , jus ex ejusmodi concessione possessori enatum *Emphyteusis* dicatur ,

aut malitia , aut inopia fructuarii destituatur L. 5. §. 1. L. 13. ff. De Usufr. et quomodod.

fi vero pro annuo Canone servitia ſibi ſtipuletur Proprietarius & ne res ſine ſuo conſenſu alienetur *Feudum* (1): de utriſque generalia principia, ut ſolemus, exponenda.

§. 7. *Conſectaria ex natura Juris Emphyteutici.*

I. Quia canon, ſeu penſio traditur in

(1) *Jus hoc in re aliena conſtitutum dicitur dominium utile, quod utilitates fere omnes, quae ex dominio ortum ducunt in alium a proprietario translatae ſint, jus autem quod ſibi reliquum eſſe voluit habita proprietatis ratione Dominus, dominium directum. Emphyteuſis graecum vocabulum latine plantationem, ſive inſitionem ſignificat quod principio agri ſterilis et minus fructiferi colonum fortasſe non reperientes ſub modicae penſionis lege concederentur cultoribus, ut plantatione et cultu meliores, utilioresque redderentur. Mos deinde invaluit ut foecundi etiam agri, quin et urbana praedia vel ut diruta reaedificarentur, vel ut in meliorem redigerentur ſtatum, in emphyteuſim concederentur, quamvis meliorationem per plantationem, ſimilemque culturam non recipient. Vid. Authent. Si quas ruinas. Cod. De Sacroſanct. Eccleſ. Novell. 120. Cap. 1. §. ult. et Cap. 6. §. 2,*

agnitionem dominii, ejus quantitas a voluntate transferentis pender, nec rationem habeat ad fructus fundi emphyteutici necesse est, atque adeo si fortasse aliquando accidat, puta sterilizatis, aut inundationis causa ut fructus nulli sint Canon jure externo solvendus (1): jure externo, inquam, nam si canon redditibus fundi emphyteuticarii sit aliquo pacto proportionalis, & vi majore aut fundus imminutus, aut infructuosus factus, ut Dominus Canonis partem remittat aequitas postulat naturalis, tunc enim ad locationem conductionem contractus propius accedit. Quin si ager vegetigalis, sive emphyteuticarius adeo diminutus sit sine culpa & dolo (2) possessio-

(1) *Concord. L. 1. Cod. De Jur. Emphyteut. ubi quae fortuito casu eveniunt damna non domino, sed emphyteutae tribuuntur nisi tanta emerferit clades, quae prorsus etiam ipsius rei faciat interitum. Vid. §. 3. Instit. De Locat. et conduct. L. 15. §. 2. et 4. L. 25. §. 6. ff. Locat. conduct.*

(2) *Si autem culpa emphyteutae vel prae-
rioris ager, vel infecundior factus sit Cano-
nis solutionem subterfugere non poteris aut*

ris, ut fructus non amplius Canoni respondeant, emphyteutae jus erit a contractu recedere, & dominium utile domino restituere, cum cuique liceat beneficio sibi collato renunciare.

II. Domino directo jus illud tantum reliquum est, quod reliquum esse voluit, nempe exigendi canonem, non autem privandi Emphyteutam jure sibi quaesito si canonis solutionem protraxerit (1), nisi id expresse in stipulationem deductum sit.

contractu recedere, nisi proprietarium indemnem praestet, aequum enim est ut qui damnum dedit illud propria reparet impensa. L. 7. ff. De Aqua et aquae pluv. L. 65. ff. De usufr. et quemadm. L. 203. ff. De Reg. Jur.

(1) *Jure Romano si emphyteuta per triennium in mora fuerit ab emphyteusi cadit L. 2. Cod. De Jur. emphyt. Novell. 7. Cap. 3. §. 2. Nec morae purgationem Romanum jus admittit argum. Tit. ff. De Leg. commiss. L. 23. ff. De recept. qui arbitr. recep. L. 23. ff. De Obligat. L. 35. ff. De Condict. indebit. purgationem tamen medio-cris morae fere ubique leges aequiores admiserunt.*

III. Si emphyteuta causam proprietatis deteriorem faciat directum dominum laedit, ad quem pars proprietatis spectat. Itaque tenetur ad id quod interest, dominoque competit jus cogendi emphyteutam, ut a fundo deteriorando absteat, non eum privandi jure emphyteutico, quod poenale & civile est.

IV. Cum Dominium utile jus emphyteutae sit, illud ab eo in alium transferri posse, salvis domini directi juribus, non ambigitur.

V. Cetera quae hic exponi possent de Laudemio, de consensu domini in alienatione fundi emphyteutici, de quinquagesima parte pretii ei solvenda ab emptore, de Jure praelationis, vel a voluntate contrahentium pendent, vel a civilibus Constitutionibus, quae Legumlatorum arbitrio variabiles esse possunt (1).

(1) Vid. tot. Tit. Cod. De Jure Emphyteut. et ff. Si ager vectigal. ibique Comment.

§. 8. *De Jure Censitico et superficiario.*

Jus etiam in re sua constituit; qui alteri jus dat ut e fundo suo fructifero annuos percipiat fructus, vel ut in fundo suo aedificium habeat. Primum Jus dicitur *Census* (1), qui si emitur venditur contractus licitus est in statu Civili, si fructus qui percipiuntur licitas usuras non excedant: alterum vero *Jus superficiei* nuncupatur, quod nonnulli (2) amitti omnino docent si aedificium a fundamentis corruat aut comburatur, quod quidem mihi falsum videtur; cum enim jus illud in eo situm sit, ut quis habeat aedificium in alieno solo non videatur primo aut combusto aut diruto, alterum excitari nequeat.

(1) *Diversa omnino est apud Latinos veteresque Jurisconsultos Censuum significatio. Censuum enim nil aliud erat quam descriptio et aestimatio bonorum juxta ac personarum, et ob id agebatur non solum ut de cujusque facultatibus constaret, sed ut tributa et vectigalia imponi possent. Vid. tot. Tit. ff. De Censibus.*

(2) *Vid. Pufend. Lib. 4. Cap. 8. §. 4; et ibi Barbeyr. not. 3.*

§. 9. De Feudo.

Emphyteusi proximum est Feudum, & in eo tantum differt, quod primum jus sub annua pensione constituitur, alterum sub conditione mutuae fidelitatis. Feudum enim non incongrue definiri potest jus in praedio alieno in perpetuum vel ad tempus utendi fruendi, quod pro beneficio dominus dat ea lege ut qui accipit sibi fidem & servitium aliquod exhibeat (1). Nomina

(1) Vid. Cujac. Lib. 1. Feud. Tit. 1. De Origine Feudorum et vocis etymo diversa tradita sunt a Scriptoribus rerum Feudalium, quae huc referre instituti nostri ratio non patitur. Consulendi inter multos Giphanius De Feudis Cap. 2. n. 4. Rittershus. De Feudis Lib. 1. Cap. 1. n. 2. et seqq. Vultejus De Feud. Lib. 1. Cap. 1. Alteserra De Origin. et stat. Feud. Cap. 1. Du Cange cum addition. Monach. S. Bened. Verb. Feudum. Tom. 3. Gloss. med. et infim. Latinitat. Illud hic loci animadvertendum est quod quavis principio Feuda tantum in immobilibus constituerentur, postmodum mos invaluit ut etiam in mobilibus, iisque rebus quae solo aequiparantur constituerentur, cujusmodi sunt quae Feudistae vocant Feuda soldatae,

quidem hic varia (1), substantia tamen contrahentium eadem ac in emphyteusi. Cetera a Contrahentium voluntate, consuetudine; & Legibus cujusque Curiae pendent, atque adeo immobilibus Juris Naturae regulis non subiiciuntur.

Nam

seu Camerae et Cavenae, quae in Jure annuae praestationis consistunt; Camerae enim dicitur, cum Vassallo annua pecuniae quantitas tribuitur ex aerario Domini, Cavenae autem cum stipendium ex cavea, cella, seu penu Domini solvitur, ut ecce pars annonae, vini, frumenti etc. quae soldatae dicuntur, quasi in jure exigendae mercedis (soldo) sint constituta.

(1) Qui Feudum accipit Vassallus, miles, beneficiatus, devotus, homo, fidelis infeudatus dicitur, qui vero Feudum dat Dominus, & quandoque Senior. Vid. Lib. 1. Feud. Tit. 1. in fin. Bona Feudo supposita Feudalia dicuntur, quae autem fidei vinculis soluta & libera ab omni clientela sunt Allodia sive Alaudia dicuntur. Feudum autem quandoque significat ipsum jus in re aliena constitutum, quandoque ipsam rem juri suppositam Lib. 2. Feud. Tit. 26. §. 1. & Tit. 27. Nomina tamen rem non mutant, & Feudum fere per omnia aequiparatur emphyteusi.

Nam quae Jurisconsulti *naturalia* & *substantialia* Feudi appellant, ut ecce, Dominium utile, & Fidelitas in Vassallo, Directum vero, & mutua fidelitas in Domino, non adeo ex Natura Contractus definiuntur, ut diversa esse non possint juxta varios Gentium mores, & contrahentium voluntatem; fidelitas enim servitia quidem complectitur eminenter, non specialiter, & ut ajunt, taxative (1). Quae ex contra-

Tom. II. C

(1) Exinde diversae Feudorum denominationes juxta varias leges, consuetudines, & voluntates contrahentium. Feuda ligia dicuntur, in quibus Vassallus servitia praestat contra omnes, non ligia si quae excipiuntur personae, franca cum Domino sola fidelitas in genere, non franca cum praeter fidelitatem etiam ordinaria servitia praestantur. Exinde etiam feudum perpetuum quod ad descendentes transmittitur, temporale quod morte Vassalli finitur, haereditarium quod cum haereditate Vassalli transit ad quoscumque extraneos, non haereditarium quod ad solos agnatos transmittitur ex pacto & providentia primi acquirentis, proprium, improprium, nobile, ignobile, regale, non regale, &

Etus natura sequi videntur haec sunt quae sequuntur.

I. Si vel Dominus vel Vassallus immutetur contractus Feudalis est innovandus (1), nisi contrarium expresse in stipulationem deductum sit; nam cum fidelitas obligatio sit personalis, neque in alium

cetera hujusmodi, ex quibus manifeste patet mutuas tam Domini quam Vassalli obligationes vel ex consuetudine cujusque Curiae vel ex voluntate contrahentium deducendas esse. Idem dicendum de Investitura, ejusque solemnibus, de Laudemiis &c. quae quidem diversa sunt juxta diversitatem Curiae Domini directi, ubi Vassallus investitur, quod & ipse fatetur Feudista Lib. 2. Feud. Tit. 23. & quamvis quaedam Feuda sint, quae servitia quodammodo habeant definita, cujusmodi sunt quae vocant Guardiae, Gastaldiae, Advocatiae, attamen servitii modus & tempus consuetudine & moribus determinatur.

(1) Concord. Lib. 2. Feud. Tit. 24. & Tit. 40. Innovatur autem contractus per petitionem Investiturae quae fit per modum & tempus consuetudine vel legibus curiae domini infeudantis constitutum, nisi de ea re cautum sit in prima Investitura. Vid. lib. 1. Feud. Tit. 22. & Tit. 24.

voluntate transferentis transmitti possit, successor obligationem contrahere nequit nisi promittendo.

II. Rem Feudalem a Vassallo alteri in subfeudum dari posse, salvis Domini directi juribus, nemo est qui dubitet; quisquis enim dominium utile in re aliena habet cum proprietatis aliqua parte potest illud in alium transferre iis apposis conditionibus, de quibus partes convenerint (1).

C 2

(1) *Concord. Lib. 1. Feud. Tit. 1. pr. Tit. 7. 15. 16. 17. Lib. 2. Tit. 10. Si tamen non in subfeudum conceditur, sed alienatur Feudum ad exemplum emphyteusis consensus domini accedat oportet post Constitutionem Lotharii & Friderici Lib. 1. Feud. Tit. 13. pr. Lib. 2. Tit. 44. 52. 56. Tunc autem si Feudum antiquum sit, quod ad successores transmittatur ex providentia primi acquirentis, alienatio valet quamdiu vivit alienans Lib. 2. Feud. Tit. 26. §. 5. Tit. 34. §. 2. Tit. 52. 55. Nonnullibi tamen constitutio Lotharii & Friderici recepta non fuit, et Feuda sine consensu domini alienantur saltem ad alienantis vitam si antiqua sint, laudemiiis tantum domino solutis. Vid.*

III. Cum praestanda sit mutua fidelitas nequit Vassallus licite Feudum Domino renunciare, si renunciatio damnum Domino inferat, ut ecce, ne praestet servitia, quibus Dominus indiget, vel ut hostiliter contra eum agat &c (1). Si nullum vero emergat Domino damnum renunciari posse puto Feudum; Fidelitas enim modus est quodammodo, quem si quis implere nolit, & beneficio ea de causa collato renunciet nemini injuriam facit.

IV. Exinde fit ut tam Vassallus, quam Dominus jure suo naturaliter excidat si modum non impleat, vel *feloniam* admittat. *Feloniam* autem dicitur actio tam positiva, quam negativa obligationibus Feu-

Rosenthal. *De Feudis Cap. 9. Conclus. 58.*
 Gudelin. *De Feud. P. 4. Cap. 2. num. 16.*
 Matthae. *De Auction. Lib. 2. Cap. 4. num. 16.*
pr. et num. 27. in fin.

(1) *Discord. Lib. 2. Feud. Tit. 14. et 38. in fin. ubi conceditur Vassallo ut Feudum renunciet Domino etiam invito et reluctanti sive simpliciter, sive ut proxime succedens agnatus investiat.*

dalibus in contractu definitis contraria (1). Si quis enim modum non impleat, juri quod sibi ex impleto modo quaerebat, renunciassse praesumitur. Attamen ut tacitae ejusmodi renunciationi locus sit, oportet ut fidelitatis violatio & non exigua sit & constans; levis enim culpa, praecipue si reparatio oblata illico sit, veluti renunciatio tacita praesumi minime potest.

V. Si tamen Feloniae causa quis Feudo privatur non jus successoribus adimitur; ipsis quippe nec culpa aliena imputari, nec ob factum alienum jus auferri quaesitum potest. Infideli igitur Vassallo vita functo Feudum successoribus Naturali Jure restituendum (2),


C 3

(1) *Actiones in genere, quae feloniam continent, enarrantur in Lib. 1. Feud. Tit. 5. 17. 21. et Lib. 2. Tit. 24. 54. 57. Vid. Rosenthal. De Feud. Cap. 10. Conclus. 16. Rittershus. De Feud. Lib. 2. Cap. 5. De Felonia autem Domini vid. Lib. 2. Feud. Tit. 6. Tit. 26. §. 5. Verb. Domino committente. et Tit. 47.*

(2) *Discord. Lib. 2. Feud. Tit. 26. §.*

CAPUT XIII.

*Quibus modis contractae obligationes
tollantur.*



§. 1. *De solutionibus & liberationibus.*

Eam esse pactorum & contractuum originem inter homines diximus, ut sibi quisque perfecte debitum efficeret quod imperfecte debebatur, & vitae necessitatibus prospiceret in futurum vel alienae beneficentiae ope, vel per mutuas praestationes.

5. *Verb. si Vassallus culpam, et Tit. 31. ubi liberi et descendentes excluduntur omnino a Feudo Vassalli delinquentis. Apud multas tamen Gentes Naturalis Juris aequitas revocata est, et extincto Vassallo ad successores ejus omnia intacta restitui decretum est. Vid. Joann. Papon. Lib. 8. Tit. 3. Arrest. 17. Charond. Respons. Lib. 2. Cap. 16.*

Quisquis igitur obligationem perfectam contraxit nullo alio pacto fidem datam solvet, nisi id adamussim praestet, ad quod praestandum se obligavit, & si mutuae sint utrimque praestationes constitutae, non prius liberabitur fides, quam uterque id quod promiserat integre perfecteque praestiterit; nisi forte contrahentes nulla etiam promissi praestatione intercedente, se a contractae obligationis vinculo liberaverint; aequum enim est ut quae consensu mutuo colligantur mutuo dissolvantur dissensu (1), & cuique integrum sit juri per contractum quaesito renunciare.

C 4

(1) *Concord. §. 4. Inst. Tit. Quib. mod. toll. oblig. L. 35. ff. De Reg. Jur. Consensus hic loci tam expressus, quam tacitus intelligitur; qui enim in Contractibus, qui mutuas continent praestationes, quas conditionis loco haberi posse alibi diximus, conditionem non implet, alterum tacite a contracta liberat obligatione, quamvis ipsi integrum sit statuere an velit alteram partem ad implendam conditionem cogere, vel a contractu recedere. Vid. Tom. I. Cap. XI. §. 11. pag. 300.*

Ceterum nisi haec renunciatio inter-
 cesserit obligatio contracta nullo alio pacto
 extinguatur, nisi praestatione eius quod de-
 betur, quae quidem *solutio* (1) dicitur, &
 quae liberationem parit, si omni ex parte
 perfecta sit, & non tantum praestationem
 rei debitae contineat, sed etiam modos de-
 bendi numeris suis omnibus absolvat & ex-
 pleat: *debitum* enim collectivum quid est,
 quod non tantum substantiam rei debitae,
 sed etiam modos debendi complectitur,
 quorum aliquis si in solutione negligitur, id
 praestitum esse quod debebatur nullo pacto
 affirmari potest.

Itaque pars pro toto, aliud pro alio (2)
 invito creditori non recte solvitur (3), nisi
 res quae praestanda erat perierit, quo casu
 necessitate exigente rei aestimatio solvenda (4).

(1) *Pr. Inst. Tit. eod.*

(2) *Concord. L. 41. §. 1. ff. De Usuri-
 ris. Lex 21. ff. De Reb. cred. ad humani-
 tatem potius quam ad Summum Jus refertur.*

(3) *L. 16. Cod. De solut. L. 2. §. 1.
 ff. De Reb. cred.*

(4) *Concord. §. 4. Inst. De Legat. &*

In quo tamen illud distinguendum cenſeo an vi majore & fortuito, an vero culpa debitoris res debita deſierit eſſe in rebus humanis: primo caſu nudam ſimplicemque aeſtimationem arbitrio boni viri ſolvendam cenſeo, altero autem quanti intereſt Creditoris re ſibi debita carere, ſi enim damnum patiatur ultra nudam rei aeſtimationem, ut ab eo reficiatur, cuius culpa datum eſt, aequitas poſtulat naturalis (1).

L. 26. §. ult. L. 71. §. 3. ff. eod. I. Tot. Tit. ff. De Condiſt. Triticar. Authent. Hoc niſi. Cod. De Solut. Hoc principio innituntur dationes in ſolutum, quas una licitas reddit neceſſitas; ſi enim fieri non poſſit ut debitor quod promiſit praeſtet, Creditor aliud tantundem valens accipere cogitur, quod morali aeſtimatione idem habetur; quapropter & res & jura & operae ipſae in ſolutum dantur, niſi aliud Debitori ſuperſit, operas enim rebus aequiparari, introductis dominiis, ſaepe diximus. Ceterum rebus in ſolutum a Creditore acceptis liberatur debitor, & ad primaeva jura regredi neutri facultas eſt, ipſo enim in ſolutum dationis & acceptationis factō & jura & obligationes evanuiſſe patet utroque conſentiente.

(1) Discordare videtur L. 3. ff. De Condiſt. Tritic.

At si res fungibilis in genere debita sit, & nil dictum sit de qualitate, quaesitum est quid juris, & rem mediae notae praestandam esse verior sententia est ex praesumpta contrahentium voluntate; qui enim ab altero stipulatur frumenti vel olei aut vini quantitatem, id quo communiter homines illius urbis utuntur intellexisse, nec in vilissimam pessimamque ultimi generis speciem consensisse censetur (1)

(1) *Nec rationi nec veritati videtur consentanea Romanorum doctrina, qui distinguunt inter genus debitum ex ultima voluntate, & illud, quod ex contractu debetur: primum praestandum censent saltem mediae bonitatis, alterum praestari posse etiam ex vilissima specie. Vid. L. 37. & 110. ff. De Legat. I. L. ult. §. 1. in fin. C. Commun. De Legat. L. 52. ff. Mandat. L. 4. ff. De Trit. Vin. vel oleo legat. In utroque enim casu agendum est a debitore ex praesumpta aliena voluntate. Sed fortasse Interpretes non bene mentem Romanorum assecuti sunt, nam cum ajunt haeredi aut debitori liberum esse cujus velit generis oleum aut triticum Legatario vel Creditori dare, id non intellexerunt ut ex eo genere, quod solvere vo-*

§. 2. De tempore solutionis.

Item & tempus praefinitum in obligatione spectandum est, & cum dies venerit tantum sine mora, non autem ante diem solvendum (1). Si tamen dies adiectus in debitoris gratiam, solutio & ante diem legitima, quisque enim potest juri & utilitati suae renunciare (2); si autem praefinitum esse diem in creditoris gratiam constat, non prius solutio fieri potest quam dies venerit, nisi in id consenserit creditor, cum nemini invito jus positivum aut negativum auferri possit. Si tamen debitor paratus sit solvere creditori quanti interest solutionem ante diem factam esse, cum nulla tunc esse possit causa, cur solutionem recuset creditor, & cum aliquid temere & sine causa agere Lege Naturae vetitum sit, debitam praesta-

luit, pessimam & vilissimam eligeret speciem, sed ut tantum ex generibus vilissimum eligere posset, at ex eo mediae notae solveret speciem.

(1) Concord. §. 2. Inst. De Verb. oblig. L. 15. ff. De Ann. Legat.

(2) Concord. L. 38. §. 16. L. 41. ff. De verb. obligat. L. 70. ff. De solut. . .

tionem & ante diem accipere tenebitur.

Sed si pure debetur nulla temporis adiectione, & creditori quovis tempore petendi, & debitori solvendi debitum jus est; quod enim cautum sit inter contrahentes ut creditor possit quandocumque placuerit debitum postulare non impedit quominus & debitor quocumque tempore ab obligatione liberari possit, altera enim conditio alteram nullo pacto excludit, nec ultra voluntatem propriam contrahentes teneri aequum est.

Si vero arbitrio debitoris permissa solutio, non prius a creditore exigenda praestatio quam post ipsam debitoris mortem, cum nempe nullum ipsius arbitrium, nullaque voluntas esse potest. Et obligationem igitur & solvendi onus debitor transmittit haeredi, qui poterit statim post mortem debitoris conveniri.

§. 3. *De loco solutionis.*

Quod de tempore diximus id & de loco intelligendum. Nisi sit locus adiectus, ibi solutionem faciendam esse constat ubi

contracta est obligatio (1); praesumitur enim contrahentes id voluisse, quod ut plurimum inter homines fieri solet. Sed si locus adiectus, & alibi solvere velit debitor, paratusque sit creditori praestare quanti interest solutionem alibi quam condicto loco factam, iniuria reiiceretur ob eandem quam paulo ante adduximus rationem, cum de solutione ante diem facta dicebamus.

§. 4. *Cui & a quo solvendum.*

Quia solutio est praestatio eius quod debetur, ei autem tantum debetur, cum quo obligationem contraximus, qui creditor dicitur, creditori tantum solutio facienda, vel ei cui creditor solvi iusserit, ut ecce Adiecto, Procuratori cui id sit mandatum specialiter, vel cui omnium negotiorum administratio mandata est (2), Tutori, Curatori, Cessionario, uno verbo iis omnibus, qui creditorem legitime repraesentant.

(1) *Concord. L. 3. ff. De reb. auçt. Jud. poss. L. 19. §. 2. De Jud. L. 21. ff. De obligat. & Action.*

(2) *Concord. L. 12. L. 34. §. 3. & 4. L. 86. ff. De solut.*

Quamvis autem regulariter is solvat qui debet, nec alio pacto quam solvendo a contracta se liberet obligatione, attamen cum Creditori nullum aliud jus sit quam creditum exigendi, quisquis vel sponte vel a debitore jussus solvit, aequè liberat debitorem (1).

Dubitari tamen posset an qui sine mandato alieno debitum solvit jus acquirat perfectum contra debitorem, ut quod pro eo solutum est restituat: nobis visum est illud jus saltem externe ab ipso solutionis facto non derivare; nam cum jura omnia hypothetica ab obligatione contracta originem ducant, nec obligatio contrahatur nisi expresse vel tacite promittendo, nullum jus solventi esse potest contra debitorem, qui nihil promisisse ei constat (2).

At si manifeste appareat illud fuisse solventis consilium non ut donaret, sed ut amici famae vel utilitati consulere, credi-

(1) *Concord. L. 23. 40. 53. ff. eod. Pr. Instit. quib. mod. toll. oblig.*
 (2) *Vid. L. 5. Cod. De Solut.*

totemque dimiserit, qui nulla poterat exceptione submoveri (1), ut quod impensum est restituatur aequitas postulat naturalis, ut supra & de expromissore, & de eo qui cambialem litteram *ad honorem acceptat* monuimus (2).

§. 5. *De mora & morae purgatione.*

Si quis cum dies solutionis venerit id minime praestet ad quod praestandum se obligaverat per vim etiam ad solutionem jure cogitur: non prius tamen vis inferenda quam debitor interpellatus dolo vel culpa sua recusaverit aut detrectaverit solutionem, a die enim interpellationis creditor manifeste declarat re sibi debita egere, damnumque sibi illatum iri ex dilata solutione (3). Exinde *mora* contracta dicitur, atque adeo obligatio oritur indemnem creditorem praestandi. Damni aestimatio in statu naturali

(1) *Vid. L. 22. & 23. Cod. Mandat. quibus repressa est litium redemptorum avaritia, qui litigiosa debita in se transferri curant.*

(2) *Tom. 1. Cap. XI. p. 338. & 376. n. 2.*

(3) *Concord. L. 105. ff. De Solut.*

apud Creditorem est, in civili aut usurae legitimae debentur ob moram, aut id quod interest arbitrio boni viri aestimatur.

Mora autem purgatur, & usurae cessant simulac solutionem reipsa offert debitor, reipsa inquam, nam si res mobilis solvenda, praesto fit oportet, & coram creditore posita, si immobilis, oblatio verbalis vim solutionis habet, siquidem res in eo statu posita sit a debitore, ut nullo obstaculo intercedente possit creditor & possessionem nancisci, & dominium acquirere.

Oblatione reali interposita solutio facta dicitur, & ab obligatione contracta debitor liberatur, licet rem oblatam acceptare recusset creditor, ipsi enim imputandum quod usu rei suae diutius carere velit. Quapropter debitor rem oblatam in medio etiam relinquit creditoris periculo, dummodo expleverit omni ex parte quod in vim contractae obligationis praestare debuerat.

Hinc in Civitate ad lites praecavendas fere ubique invaluerunt Leges Romanae, quibus jubentur debitores, creditore non acceptante solutionem, ut pecuniam debitam oblatam, numeratam & obsignatam in publico

publico solemniter deponant creditoris periculo (1) facta ipsi facultate eam sibi acquirendi.

Exinde etiam intelligitur cur Depositum, ut plenissimum solutionis effectum habeat, integrum, liberum, & expeditum esse debeat, nullaque extrinseca conditione implicatum (2); nam cum solutio reipsa facta intelligatur cum res praestanda vel in dominium creditoris transierit, vel in eo sit statu, ut creditor possit jura omnia domini super ea exercere, si Depositum extrinseca aliqua conditione implicetur iniuria impeditur dominus, quominus re sua uti & abuti nullo obstaculo intercedente possit, atque adeo solutio facta non intelligitur, & mora purgata. Conditio autem extrin-

Tom. II.

D

(1) L. 18. ff. De Constit. pecun. L. 2. L. 6. L. 19. Cod. De Usuris.

(2) L. 6. Cod. De Distract. pign. L. 41. §. 1. ff. De Usuris. L. 122. ff. De Verb. obligat. L. 2. Cod. Debit. Vendit pign. L. 2. Cod. De Fidejussor. L. 12. Cod. De Compensat. L. 25. §. 14. ff. Fam. ercisc.

seca dicitur quam nec Lege jubente, nec propria aut tacita aut expressa promissione implere tenetur creditor priusquam solutionem recipiat.

Ceterum cum solutio non sit solutio nisi & alienatio sit (1), Depositi dominium est apud creditorem, atque adeo eidem corrumpitur, perit, fructificat. Nec obstat voluntatem necessariam esse ad acquirendum dominium, & jura in invitum transferri non posse; qui enim diem solutioni in contractu dixit voluntatem eodem tempore declarasse intelligitur, veniente die, rei solvenda vel praestandae acquirendi dominium, quam voluntatem immutare non potest cum alterius jactura, nam qui cum altero pepigit se certo die a contracta obligatione liberaturum, altero expresse vel tacite consentiente jus acquisivit se reipsa liberandi, quod jus a creditore eripi sine iniuria nequit.

(1) *Vid. Cujacium in Lib. X. ff. Salv. Julian. ad. L. 19. ff. De Reb. cred. §. Si Pupillus. Opp. Tom. 6. pag. 51.*

Solutione facta extinguitur obligatio principalis, atque adeo accessoriae omnes, ut ecce fidejussiones, pignora, expromissiones liberantur omnino (1).

§. 6. *De Acceptilatione & Pacto liberatorio.*

Haecenus de naturali praestatione eius quod debetur diximus. Liberatur tamen debitor si is cui debet vel juri suo renunciet omnino, vel quocumque pacto debitorem a contracta liberet obligatione.

Frequentioribus liberandi debitorem modis sine naturali eius quod debetur praestatione sua Jurisconsulti nomina propria affixerunt, certasque praescripserunt Juris regulas. Nobis ea indicasse & definivisse sufficiet, quandoquidem & obligationes & jura contrahentium & ab eorum voluntate pendent, & traditis jam regulis facile ponderantur.

Itaque liberatur creditor etiam accepti-

D 2

(1) *Concord. Pr. Inst. Quib. mod. toll oblig. L. 41. ff. De Solut.*

latione, pacto liberatorio, confusione, compensatione, novatione, delegatione.

Acceptilatio est declaratio creditoris, qua significat se pro accepto tulisse quod alter solvere debebat, *Pactum liberatorium* autem est itidem declaratio, qua Creditor significat se nunquam in posterum petiturum esse quod alter debet. Vix altera ab altero naturaliter & quod ad substantiam differt; in utrisque enim remittit creditor jus suum, spondetque se nolle ut debitor praestet id ad quod praestandum obligabatur. (1)

(1) *Apud Romanos tamen, qui multoties nuda verba potius, quam rerum naturam meditantur, maxima erat inter acceptilationem, & pactum liberatorium differentia, nam acceptum ferre nemo poterat nisi per solemnem stipulationem; quapropter si verbalis non esset obligatio, sed ex alia causa contracta per acceptilationem extinguere non poterat, nisi prius in stipulationem deduceretur per novationem, quem in finem prodita fuit stipulatio Aquiliana L. 8. §. 3. L. 18. §. 1. ff. De Acceptilat. L. ult. Cod. eod. §. 1. & 2. Inst. Quib. mod. toll. oblig. Quae tamen omnes Juris subtilitates sublatae sunt postquam & nudis pactis vis obligandi concessa est.*

Si debitor acceptet jam actus expletus & liberatio perfecta vel in totum vel pro parte prout creditori placuerit, qui conditionem offert, eodemque tempore obligationes accessoriae omnes vel in totum vel pro parte tolluntur aequae ac in solutione diximus (1).

§. 7. *De Confusione & Compensatione.*

Est etiam quaedam imaginaria solutio (2) quam Jurisconsulti *Confusionem* dicunt, cum nempe in eandem personam jus stipulantis promittentisque devenit, ut ecce si creditor debitoris, aut debitor creditoris adierit haereditatem, cum enim nemo apud eundem pro eodem obligatus manere possit, praecedens obligatio extinguitur saltem pro parte qua succeditur pro qua & obligationes accessoriae, veluti fidejussiones & pignora liberantur (3), cum nemo esse possit

D 3

(1) *Concord. L. 9. 13. 17. ff. De Acceptilat.*

(2) *Vid. L. penult. in fin. & L. 95. §. 2. ff. cod.*

(3) *L. 5. & 6. Cod. De Haeredit. Action.*

fui ipsius & debitor & creditor eodem tempore; haeres enim testatorem repræsentat, & Persona moralis fit quasi subiectum iurium & obligationum, quæ ad Testatorem pertinebant. Si igitur apud Testatorem erat obligatio aliqua erga haeredem vel creditum, cum haeres idem sit cum persona Testatoris, & obligatio & creditum evanescit, cum hæres sibi ipsi debere non possit. Confunditur igitur obligatio si creditor adeat hæreditatem debitoris, & viceversa, vel potius obligatio tollitur solutionis potestate (1), quia ipse sibi creditor adeundo hæreditatem debitoris pecuniam solvere præsumitur: quod quidem clarius apparebit cum infra de hærede dicemus.

Eodem pacto obligatio suapte natura extinguitur, si is cui aliquid in specie debe-

L. 7. Cod. De Pactis. L. 21. §. 3. L. 38. §. 1. ff. De Fidejussor. L. 75. & 95. §. 2. ff. De Solut.

(1) *Vid. L. 50. ff. De Fidejuss. L. 71. eod. L. 12. §. 1. in fin. ff. De Liberat. legat. Vid. Cujacium in Lib. 37. Quæst. Papin. ad cit. L. 50.*

tur a me praestandum, idem in specie mihi debere incipiat; ex quo enim coepit utrimque deberi, mutuae obligationes ipso jure perimuntur, & *compensantur*, atque adeo fidejussores liberantur & pignora (1), & cursus usurarum cessat, licet debitum principale usurarium, alterum non item fuerit (2). Qui enim idem debere incipit nec solvit, ipse quod debet in solum accipisse recte praesumitur (3); atque adeo compensatio solutionis vicem obtinet (4). Ita-

D 4

(1) *Concord. L. 4. ff. De Compensat. L. 12. Cod. eod.*

(2) *Concord. L. 11. & 12. ff. eod. L. 4. & 5. Cod. eod. L. 7. Cod. De Solution. Apud Romanos tamen in negotiis tantum bonae fidei quis tutus erat, in negotiis autem stricti juris juvabatur tantum opposita doli mali exceptione.*

(3) *Quapropter potest creditor renunciare compensationi & solvere vel requisitus, vel sponte, ut integrum servet jus crediti. L. 1. §. 4. ff. De Contr. Tut. & util. action.*

(4) *Concord. L. 4. Cod. De Compensat. L. 4. ff. Qui pot. in pign. L. 19. ff. De Liberal. caus.*

que si debitum non idem sit quod ad omnes modos nullo pacto compensari potest. Genus igitur cum specie (1), quod statim debetur cum eo quod in diem praestandum, debitum liquidum cum illiquido compensari nequit; liquidum autem dicitur quod jure aperto nititur, & certum ac indubitatum est (2). Quapropter si liquido non constat an creditor tibi quid debeat, vel non apparet quantum debeat, & dies solutionis venerit, iniuste incertum futurumque debitum cum praesenti & certo compensare postulas, cum enim compensatio quasi solutio sit, absurdum est te solvisse id de cuius existentia adhuc ambigitur.

Eodem argumento ostenditur compensationem, seu imaginariam hanc solutionem fieri non posse nisi inter debitorem & cre-

(1) L. 10. §. 2. L. 11. & 12. ff. De Compens. L. 4. & 8. Cod. eod. nam aliud pro alio uti animadvertimus solvi nequit L. 51. ff. De Legat. I. L. ult. §. 1. in fin. Cod. De Compens. L. penult. Cod. Depositum.

(2) §. 30. Inst. De Act. L. ult. §. 1. Cod. De Compens.

ditorem: quod igitur mihi veluti singulari homini debes cum eo quod a me tibi debetur tamquam Persona morali compensari nequit me invito; actualis enim praestatio debita non solvitur eo pacto sed permutatur potius cum jure exigendi tantundem a debitore creditoris, quod quidem dissentiente creditore fieri non posse patet. Itaque si tecum agat nomine proprio Tutor, Procurator, Institor, Socius &c. compensationem minime pati tenetur cum eo quod pupillus, mandans, praeponens, societas (1) tibi fortasse debet.

§. 8. De Novatione.

Novatione etiam quis se a contracta obligatione liberat: est autem novatio obligationis contractae in alterius generis vel

(1) *Nisi tamen societas universalis esset bonorum omnium, quo casu & jura & obligationes societatis sociorumque illico communicantur. Vid. Tom. I. Cap. XI. §. 17. Hac restrictione intelligendam censeo Papiniani sententiam in L. 10. ff. de duob. reis constituend.*

modi obligationem (1), creditoris & debitoris intercedente consensu, facta permutatio. Si igitur cum debitore convenias ut quod tibi debebat ex empto debeat ex mutuo, ut pro centum aureis debitis, gregis sui potius partem certam praestet, vel milles diurnam operam, novasse diceris; quippe debitor obligationem praecedentem, cum altera quam sibi imponit permutavit, tu vero item jus exigendi centum cum jure exigendi aut partem gregis, aut operas debitoris permutasti.

§. 9. *Ex natura Novationis consecutaria.*

I. Creditoris & debitoris consensu no-

(1) *Ut ecce: si pura obligatio in conditionatam, simplex in alternativam transfunditur, nam licet stipulatori permissum sit ex praecedenti obligatione agere, attamen cum promissori integrum sit alterum pro altero solvere, quasi novatum esse dicendum est, quod quidem innuere videtur Lex 44. §. ult. ff. De Obligat. & Action. quamvis nonnullorum sententia fuerit poenae stipulatione priori obligationi apposta Novationem non committi; de qua re inutilis est disceptatio, dummodo de contrahentium voluntate liquido constet.*

vatio perficitur, & conditione oblata, factaque acceptatione antecedens obligatio extinguitur, novaque emergit contrahentium consensu.

II. Quia consensus creditoris ad novationem necessarius, is tantum vel qui eum legitime in bonis administrandis repraesentat, habeturque loco domini valide novationem contrahit (1).

III. Et cum novatio praecedentem extinguat obligationem principalem, etiam accessoriae omnes perimuntur (2), quae ita principali adhaerent, ut ea soluta & ipsae solutae intelligantur & evanescant, nisi aliter convenerit inter contrahentes; fieri enim potest ut altera obligatio in alteram immutetur consensu partium, quae tamen paciscantur id actum utrimque esse sine animo

(1) Non igitur adiectus ad solutionem, non Procurator, nisi speciale mandatum habeat, aut constitutus sit cum libera, eique universorum bonorum administratio commissa sit. Vid. L. 10. ff. De solut. L. 10. L. 20. §. 1. & L. ult. §. 1. ff. De Novation.

(2) Concord. L. 15. & 18. ff. eod.

novandi ita ut accessoriae obligationes omnes & privilegia fi qua fiint legibus priori credito concessa fuerint, & ut pepigerint contrahentes inter fe ita jus erit.

IV. Itaque fi aliquid mutuo debitoris & creditoris confensu additur priori obligationi fine obligationis eiusdem peremptione, novatum esse non intelligitur, ut ecce fi solutionis tempus prorogetur, fi fidejussiones, aut pignora, aut usurae accedant (1), fi constitutum &c. subsistit praecedens obligatio.

V. Ex contraria ratione cum voluntas contrahentium contractibus legem dicat necesse non est ut novatio exprimatur, dummodo ex iis quae acta inter contrahentes sunt animus & voluntas novandi perfecte innotescat (2).

(1) *Causa tamen debendi non immutata. Vid. L. 44. §. 1. ff. De Administr. & peric. Tutor.*

(2) *Discord. L. ult. Cod. De Novat. §. penult. in fine Institut. Quib. mod. toll. oblig. ubi novatio est exprimenda; licet in foro multorum opinio invaluerit etiam ex*

VI. Perfecta novatione quia promissa servanda nec debitori primam rem debitam pro altera praestandi, nec creditori eam exigendi jus est.

§. 10. *De Delegatione.*

Itidem imaginaria solutio est *delegatio*, cum nempe creditor pro praestatione sibi debita jus eam exigendi ab alio in solutum accipit, atque adeo primum liberat debitorem; permutat scilicet jus exigendi id quod sibi debetur ab uno cum jure idem exigendi ab alio, qui ab expromissore vix differt, & *debitor delegatus* dicitur (1).

§. 11. *Ex natura Delegationis consequentia.*

I. Ad delegationem perficiendam trium personarum consensus accedat oportet, creditoris, qui spondet se vice praestationis debitaе jus & actionem eam a delegato exigendi in solutum accepturum, delegati qui promittat se delegantis debitum soluturum,

coniecturis & praesumptionibus novationem colligi posse, atque adeo Caesaris legem aequitate naturali temperandam.

(1) *Vid. L. 11. ff. De Novat.*

debitoris tandem, qui eo pacto potius quam actuali rei debitae praestatione se a contracta obligatione liberari consentiat (1).

II. Solvisse igitur censetur debitor (2) quandoquidem si non quod debuit, saltem quod creditoris aestimatione idem habetur solvit, & loco actualis praestationis eo consentiente accipitur; atque adeo prior obligatio soluta omnino penitus evanescit, etiamsi debitor delegatus solvendo non sit; non deleganti enim, sed creditori imputandum quod in eam permutationem consenserit, ex qua damnum patitur, dummodo fraus, dolus & calliditas omnis a delegante abfuerit, nam si dolo malo delegans deceiverit creditorem suum, & decoctorem delegaverit idoneum asserens, jure interno & externo creditori satisfaciat oportet, damnum

(1) *Vid. L. 1. & 6. Cod De Novation. L. 45. §. penult. ff. Mandati.*

(2) *Concord. cit. L. 11. ff. De Novat. L. 3. ff. Ad Senatusconsult. Vellejan. Itaque ut in Novatione diximus obligationes accessoriae perimuntur, nisi aliter in delegatione sit cautum.*

enim non creditoris negligentiae, sed eius dolo tribuendum patet, cui obligatio perfecta imposita erat ut verum eloqueretur (1).

III. Cum per se delegatus vix ab expromissore differat, nil refert an debitor sit delegantis, sibi enim cuique ex sententia novam imponendi obligationem jure Naturae facultas est. At si quis alienum debitum soluturum creditori promiserit putans tantundem a se debitum deleganti, si postea errasse, nihilque deleganti se debere compererit, poterit ne a promisso recedere, vel

(1) Cum scires, inquit Gajus Jurisconsultus in L. 8. ff. De dol. mal. eum facultatibus labi, tui lucri gratia adfirmasti mihi idoneum esse: merito adversus te cum mei decipiendi gratia alium falso laudasti, de dolo judicium dandum est. Vid. L. 29. & 38. ff. eod. Exinde fit in praxi ut in delegatione creditor paciscatur ut plurimum cum delegante, ut is solvat quod a delegato salvum habere non potuit: quo casu delegatio vix committitur, & quod inter creditorem & debitorem gestum est potius ad assignationem accedit, vel solvendi mandatum, quo prior debitor non liberatur nisi solutione facta.


quod jam solvit condicere? Non posse venior sententia est; nam quamvis errantis promissio invalida sit cum error causam promissioni dederit, attamen alibi diximus damnum alteri errore meo vincibili illatum a me refarciendum (1). Cum igitur qui opinionem debiti sui delegari passus est non promissum servet damnum irreparabile creditori inferat, qui nec regredi ad primum reum, nec a delegato suum recipere posset, in collisione aequum est ut potius damnum patiatur is qui collisioni locum dedit, & qui poterat debebatque rationes suas diligentius supputare, quam qui fidem delegati sequutus nec novisse poterat nec debebat an error promissioni causam dederit (2). Poterit tamen delegatus a delegante indebite solutum repetere.

CAPUT

(1) *Vid. Tom. 1. Cap. X. §. 5. pag. 288.*

(2) *Concord. L. 44. ff. De Condiat. indeb. L. 12. & 13. ff. De Novat. L. 5. §. 5. ff. De dol mal. & metus except.*

CAPUT XIV.

De Interpretatione.

F Idem in Contractibus, de quibus hactenus verba fecimus, sancte servandam multoties diximus: at quoniam verbis potissimum mentem suam contrahentes explicant, nec ea quid firmum & immobile tum ob utentium defectum, tum ob sermonis egestatem significant, saepissime accidit ut controversia de promissionis quantitate & duratione suboriat, cuius aliquando difficilima dijudicatio est.

Itaque cum nec promissori, nec promissario jus sit verborum sensum interpretari, alter enim affigendo sensum quem vellet se ab obligatione liberare, alter vero obligationem ultra promissoris voluntatem extendere posset, ne nulla obligatio sit, & res exitum habeat, in id consensisse contrahentes praesumuntur, ut exorta controversia dijudicetur juxta eas interpretationes.

regulas, quas quisque admittere necessario debet, quae scilicet rectae rationi consentaneae sunt, atque adeo demonstrari possunt: demonstrandae igitur apud nos interpretationis regulae.

R E G U L A I.

Verba intelligenda sunt ex communi & vulgari significatione, a qua non recedendum, nisi validissima rationum momenta suadeant contrahentes a communi verborum usu & significatione recedere voluisse (1).

Nam cum uterque contrahens & verum eloqui, & mentem suam clare expromere teneatur, idque fieri nequeat nisi per verba, quae communiter intelliguntur ex vulgari significatione, sequitur utrumque eo pacto verbis uti debuisse, atque adeo aequum est ut verbis iis affingatur sensus, in quo ex communi vulgarique significatione intelli-

(1) *Vid. Grotium. Lib. 2. Cap. 16.*

guntur, quandoquidem in eo sensu verbis
uti contrahentes tenebantur (1).

Corollaria.

I. Si procedente tempore verborum significatio est immutata, quis esset eorum communis sensus tempore contractus est inquirendum.

II. Mentales igitur restrictiones in contractibus illicitae, nulloque pacto admit-
tendae, quippe quae adversantur veracitati
& obligationi se clare & perspicue expri-
mendi, quae duo praecipua esse promitten-
tium officia alibi diximus (2).

III. Cum omnium Artium fere com-
mune sit, ut suis utantur verbis, quae pu-
blica & vulgaria dici nequeunt, Technica

F 2

(1) *Vid.* Just. Henning. Boehmerum.
*De Interpretatione contra eum facienda, qui
clarius loqui debuisse.*

(2) *Vide ejusmodi probrosae calliditatis
exempla apud Grotium l. c. & apud Pufen-
dorf. De J. N. & G. Lib. 5. Cap. 12.*

verba ab artis illius peritis explicanda.

IV. Si manifestae sint coniecturae contrahentes a vulgata verborum significatione recedere voluisse, ad eorum voluntatis normam interpretatio est componenda.

R E G U L A II.

Si quando accidat ut in contractu vel Lege homonymia, vel amphibolia sit, nempe ut unius verbi, vel verborum complexionis plures esse significationes possint, ea seligenda est, quae materiae, de qua agitur, aptior videtur & accommodatior.

In fide quid senseris non quid dixeris est cogitandum, atque adeo mens contrahentium quaerenda. Cum igitur quisque antequam externa signa eligat ideas in mente habuisse praesumatur, quibus externa signa respondeant, in verborum electione praesumitur ea selegisse, quae ideas materiae de qua agitur magis accommodatas repraesentent; ergo si plures sint unius verbi, aut verborum complexionis sensus, is eligendus, qui subiectae materiae aptior videtur.

Corollaria.

I. Cavillationes igitur, dicti nempe aut facti interpretationes, quae nullam subiectae materiae rationem habent, & interpretis malam fidem arguunt, & penitus reiiciendae.

R E G U L A III.

Interpretatio, quae aut manifestum absurdum (1) aut nullitatem actus induceret, non admittenda.

Cum illud omnium hominum officium sit, ut perfectam quoad fieri possit actionum rectitudinem quaerant, & ut nil temere agant, praesumendum nullo pacto est contrahentes aut quod absurdum est, nempe quod effectum a ratione alienum post se traheret (2), voluisse, aut in id consensisse, quod nullo pacto exitum habere potest.

F 3

(1) *Vid. L. 19. ff. De Legib. L. 3. ff. De Reb. dub.*

(2) *Vid. L. 13. §. 2. ff. De Excusat.*

R E G U L A IV.

Si verba prius adhibita subobscura, posterius de eadem re clara & manifesta fuerint, ita interpretatio instituenda, ut obscura per manifesta explicentur.

Cum dilucide patet quid voluerint contrahentes non praesumuntur voluntatem immutasse, nisi id manifeste indicent: at in hypothesi alicubi de contrahentium mente perspicue constar, ergo & idem voluisse cum obscure locuti sunt praesumuntur.

Corollarium.

Exinde sequitur absurdum omnino esse ex una aliqua particula non ex toto verborum contextu contrahentium aut Legum propositum esse judicandum (1).

R E G U L A V.

Si ratio patet, quae contrahentis, aut legem ferentis voluntatem movit, omnia ita interpretanda sunt, ut cum ratione illa conveniant (2).

(1) *Concord. L. 24. ff. De Legib.*

(2) *Concord. L. 18. ff. eod.*

Id tamquam axioma assumi potest, nam aliquem voluisse ea quae cum ratione voluntatis pugnant absurdum omnino est.

Corollaria.

I. Si plures sint rationes voluntatem moventes, animadvertendum an omnes simul sumptae, an singulae per se voluntatem inflexerint, & interpretatio eo pacto concinnanda.

II. Si verba laxiorem aut strictiorem significationem habeant, ea seligenda, quae rationi voluntatis magis accommodata videtur.

III. Atque adeo si de mente & consilio aut imperantis, aut contrahentis liquido constat, verborum sensus interpretandi eo pacto, quo uterque eos interpretaretur si ad emergentes circumstantias animum advertisset (1). Nam nemo potest omnes res per scripturam amplecti, & commodissime scribit qui curat ut quaedam ex quibusdam

F 4

(1) Vid. L. 10. ff. De Confirmat. Tutor.

intelligantur . Quapropter in fraudem Legis aut contractus facit qui salvis verbis aut contractus, aut Legis sententiam eius circumvenit (1) .

IV. Quamvis tamen interpretatio menti & consilio contrahentium respondeat oportet, attamen si quid exinde emergat, quod naturali Legi contrarium sit, id excipiendum omnino, nemo enim praesumitur ea quae naturali aequitati adversantur voluisse .

V. Si igitur Pactum aut Lex cum naturali Lege collidatur, Lex naturalis etiam contra manifestam verborum significationem servanda est, eam enim fuisse vel jubentis vel promittentis mentem, si de ea re cogitasset, recte praesumitur (2) .

(1) *Vid. L. 29. & 30. ff. De Legib.*

(2) *Itaque qui promisit rem depositam reddere, non reddet si sciat alienam, & dominus eam repetat, non reddet domino furienti si ex Depositi restitutione vel ei vel aliis damnum aut periculum immineat; hunc enim casum excepisse Depositarius praesumitur, cum ad restitutionem se obligavit. Vid. L. 31. ff. Depositi. Grotium l. c. §. 27.*

R E G U L A VI.

Celebris Regula, quae jubet ut in odiosis strictius, in favorabilibus laxius verba sumantur, nec satis valido innititur fundamento, nec utilis est.

Fides in contractibus obligata strictè sanctèque servanda, & illud est Interpretis officium ut mentem & consilium contrahentium exquirat ex toto scripti contextu, ex materia, ex coniunctis, non ex extrinseca Regula, cuius forte promissor fidem obligans nullam rationem habuit. Statim ac contrahentes in idem placitum consensere omnia aequalia inter eos dicenda sunt, nec alicui grave putandum id quod sponte promisit. In contractibus igitur nihil est per se nec odiosum, nec favorabile. Idem de Legibus intelligendum, quarum obiectum cum sit publica salus & communis felicitas favorabiles omnes dici & esse debent; & cum pœnalia Legum idem consilium sit non video cur odiosae dicendae sint. Si qua igitur Lex odiosa revera sit, nempe cum utilitate publica pugnet, vel temperanda vel abroganda potius quam strictius interpretanda.

Itaque cum neque in Contractibus, neque in Legibus vulgata illa favorabilium & odiosarum rerum distinctio valeat, corruit etiam recepta sententia de qua agimus, & quam post Romani Juris Interpretes secuti sunt *Grotius*, ceterique fere omnes Juris nostri consulti. Nec enim quae favorabilia & odiosa sunt eos probe definisse patet, nec animadvertisse strictiorem aut laxiorem interpretationem in nonnullis tum Contractibus tum Legibus ex loquentis potius manifesto consilio, aut ex recepta consuetudine certum sensum alicui verbo affigendi, quam ex Regula illa originem ducere.

Cum igitur nil sit per se & abstracte aut favorabile aut odiosum ita ut persaepe quod uni utilitatem alteri incommodum afferre possit, illud etiam ab ea Regula sequeretur, quod idem Contractus, eadem Lex & favorabilis & odiosa uno eodemque tempore dicenda esset, & habita diversarum personarum ratione & strictius & laxius interpretanda, quod quidem omnino absurdum. Quapropter mens aut contrahentium aut imperantium sedulo inquirenda est, omniaque ad eius normam interpretanda,

aut odiosa aut favorabilis, ut ajunt, res sit de qua agitur (1)

R E G U L A VII.

In collisione Pactorum, quae quis de eadem re cum diversis iniit, priora in tempore posterioribus anteponuntur (2).

Cum nemo obligari possit ultra moralem facultatem, fieri nequit ut qui aliquid praestare tenetur alicui certo tempore, id eodem tempore praestet alteri, ergo cum altero de eadem re contrahens exceperit oportet collisionis casum. Primo autem non alteri praestare quod promisit tenetur, quia obligatio cum primo absoluta, cum altero nonnisi conditionata esse poterat.

(1) *Vid.* Christian. Thomas. *Appendic. ad Lib. 2. Instit. Jurispr. divin. ubi quaestio proponitur de Definitione favorabilium, & odiosorum.* Barbeyrac. *ad Pufend. Lib. 5. Cap. 12. §. 12.*

(2) *Idem de Legibus intelligendum L. 4. ff. De Constitution. Princip. L. 16. ff. De Legib.*

R E G U L A VIII.

Si praestationes duarum rerum, quas quis eidem promisit collidantur, ea praestanda, quae utilior promissario videtur.

Qui sibi alterum obligat utilitatis suae rationem habet; praesumitur igitur ut promissarius in collisione id quod melius utiliusque sibi est praestari voluerit.

R E G U L A IX.

In Contractibus interpretandis attendenda sunt potius verba conditionem accipientis quam offerentis.

Cum enim nemo ultra voluntatem suam obligetur, promissoris verba obligationis quantitatem definiunt non eius qui conditionem obtulit.

CAPUT XV.

De Societate in genere & Imperio privato.§. 1. *De Societatis in genere origine, natura, & Legibus.*

I. **H**actenus homines quatenus eadem natura, atque adeo hisdem obligationibus & juribus praediti sunt, consideravimus, primamque & universam generi humano a Natura ipsa latam legem docuimus, ut quisque sibi felicitatem propriam comparet, & alienam pro viribus promoveat.

II. Interea ut verum assumimus, quod & supra multoties monuimus, & infra identidem demonstrabimus, homines singulatim sumptos propriis tantum viribus non posse sibi perfectam felicitatem comparare, atque adeo naturalibus obtemperare Legibus nisi sociam invicem operam communicent. De-

dit enim Natura hominibus ingenium, intelligentiam, providentiam, industriam, dedit Terrae quam incolunt foecunditatem, cuius ope & necessitati & jucunditati vitae consulere possint, attamen nec homines progredi ultra brutorum animalium naturam, nec Terra rudem suam illam, indigestam, horridamque formam exuere, nimis luxuriantem ubertatem compescere & temperare, & ridentem hanc, qua nitescit, & aspectabilem formam induere potuisset, nisi homines ipsi mutuis officiis abscondita quodammodo rationis & perfectibilitatis semina invicem fovissent & excitassent, & Terrae lascivienti foecunditati, ceterisque elementis leges quodammodo collatis viribus praescripserint. Et inanimata enim & animata omnia, quae ad vitam hominum tuendam, expoliendam, ornandam, conservandam pertinent pleraque sunt hominum operis effecta, quae nec haberemus nisi manus & artes multorum hominum, quos sociale foedus coniunxerit, accessissent. Omnia aspera, horrida, inculta sine hominum condito labore & manu; nostra sunt enim vestimenta, & te-

ta, & urbes, & animantia domita, & jugo supposita, nostra frugum, fructuumque suavium perceptio & conservatio, nostri ductus aquarum, derivationes fluminum, agrorum irrigationes, moles appositae fluctibus, metallorum effusiones & artificia, portus manu facti, mercium exportatio & invectio, uno verbo multitudo artium omnium, sine quibus non dicam expolire & perficere, sed ne servare quidem vitam homines possent, & quas exercere nefas nisi societatibus & coetibus institutis multi in commune & operas & vires conferant, certasque mutuo consensu dicant & operarum administrationi, & labori perferendo, & percipiendis exinde fructibus leges.

III. Inde exortae societates tum privatae tum publicae: inde exui naturalis aequalitas inter homines cepit: quod tamen fieri non potuit nisi pacto vel quasi pacto intercedente; quis enim in alterum nolentem & recusantem jus singulare acquirat?

IV. Ubi inaequalitas igitur ibi pactum, aut quasi pactum intercesserit oportet: quin ipsa societas quaecumque pactum est, quo

plures conveniunt se collaturos vires ut finem aliquem assequantur.

V. Itaque uti convenerit inter socios ita jus sit oportet. Pacto sociali inito mutua sociorum obligatio perfecta: quantitas obligationis ex sociorum paciscentium voluntate, & ex fine societatis ponderanda.

§. 2. *De necessitate Legum in Societate.*

I. Si quantitas obligationis ex voluntate paciscentium & ex fine societatis ponderanda, sequitur & eam manifeste declarandam esse, & media que ad finem assequendum accommodatiora videntur decernenda. Cum enim pactum generale de viribus conferendis indeterminatum sit, nec plane singulorum sociorum obligationes significet, & plura esse possint media, quae juxta loci & temporis conditiones propositum societatis bonum parere possint, manifeste patet obligationes singulorum esse definiendas: quod quidem nonnisi unanimi consensu fieri posse ex naturali aequitate deducitur.

II. Si obligationes & jura sociorum omnium aequalia fuerint, societas aequalis erit, si secus inaequalis.

III.

III. Quod unanimi consensu sociorum statutum est id Lex societatis dicitur, quae & optima, & sapientissima merito nuncupabitur si commune societatis bonum promoveat, bonum autem societatis in eo praecipue versatur ut perpetuo ad finem perfecte assequendum progrediatur, ob quem inita fuit.

IV. Consensus sociorum Leges constituit, idemque eas abrogat vel moderatur, quisque enim voluntatem immutare, ni alterum laedat, potest.

V. Leges igitur veluti sponsiones mutuae singulorum erga omnes haberi possunt, atque adeo nisi revocentur perfecte obligant, spondit enim quisque se collaturum vires, & adhibiturum media, quae ad finem societatis assequendum ducunt, media autem sunt Leges.

VI. Quamvis obligatio servandarum legum cuique imposita perfecta sit, attamen cum naturalis & interna obligatio aliquando non satis valida sit ut ad agendum vel non agendum impellat (1), societati jus erit ad

Tomo II.

F

(1) *Vid. Tom. I. Cap. V. §. 3.*

committendas vel omittendas actiones legibus praefinitas & poena & praemio socios aut impellere aut excitare. Qui se legem servaturum promisit, idem poenam subiturum, si legem violet, spondit. Inde societatis universae jus puniendi legum violatores, & obligatio promissa praemia praebendi. Quisquis recte perpenderit quid sibi velit sponsio singulorum erga omnes, is jus puniendi ex pacto derivare facile intelliget, quemadmodum ex pacto jura omnia singularia derivantur.

VII. Cum Leges sint media finis quem sibi societas proposuit consequendi, & absurdum sit, & contra societatis indolem & naturam, ut aliquis sit socius qui nihil virium ad consequendum finem conferat, quisquis in socium adscisci vel postulat, vel patitur tacite consensisse in Legum socialium custodiam praesumitur.

§. 3. *De Voluntate societatis, ubi de suffragiis, eorumque aestimatione.*

I. Quidquid unanimi consensu socii voluere id societatem voluisse facile intelligitur, quippe quae Persona moralis est ex singulis individuis constans. Voluisse igitur

societas aliquid dicetur , cum id singuli Personam moralem componentes voluere .

II. Singularis haec cuiusque voluntas suffragium dicitur . Itaque in societate aequali & omnes suffragia ferant oportet ut de voluntate societatis constet , & suffragium unum tanti aestimetur . quanti alterum ; non enim de cuiusque socii sapientia , sed de voluntate quaeritur . Haec quidem in societate valent nisi aliter inter se convenerint socii , aliquando enim suffragium tanti aestimatur , quantum quisque ad bonum commune societatis promovendum confert .

III. At cum difficile sit ut omnes de eadem re idem sentiant , societas ipsa statuatur oportet in rebus emergentibus , quae in deliberationem deducuntur & definitionem exposcunt , qui suffragiorum numerus pro suffragio generali , sive pro voluntate societatis habendus sit . Qua re constituta dissentientes veluti consentientes externe habentur ex pacto , quamvis spectato jure interno actiones suis auctoribus imputentur . Si igitur statutum sit ut major pars suffragiorum pro generali suffragio habeatur societas voluisse

dicitur quod pleraque sociorum pars voluit.

IV. Cum suffragium unum tanti aestimandum sit quanti alterum, vota numero paria negotium de quo consulitur indecisum, & in pristino statu relinquunt (1); quapropter statuatur oportet societas quonam pacto generalis voluntas praesumenda si suffragia paria sint, & negotium, de quo

(1) Si igitur duodecim Judices sint & hominem accusatum sex reum sex innocentem pronuncient, praesumptus reus absolvitur, & in pristinum statum restituitur, in quo ante Judicium fuerat. Haec Lex naturali aequitati & rectae rationi consentanea, ut nempe paribus calculis reus vincat, a nostri Juris Interpretibus dicitur Calculus Minervae. Nomen Legis deductum a fabula Orestis, cui in Areopago causam parricidii sui dicenti opem tulit Minerva, quae, cum absolventes Judices a damnantibus uno suffragio vincerentur, suum calculum absolventibus adjecit, & Orestem paritate suffragiorum liberavit. Vid. Euripid. in Oreste & Electra, Aeschylum in Furiis. Minerva apud eundem Euripidem in Iphigenia Taurica eam dicit futuram esse perpetuam Legem v. 1268.

agitur, definitionem exposcat, & uti convenit inter socios ita jus esto.

V. Si igitur major suffragiorum pars pro generali voluntate haberi debeat, atque adeo vincat, quaestio suboritur quonam pacto suffragia numeranda sint, ut de eorum pluralitate constet. Mirum quantum ea de re disputaverint nostri Juris Interpretes. Nobis visum est distinguendum esse inter quaestiones facti, quae unum exitum tantum, & inter quaestiones Juris, quae plures exitus habere possunt. Quod ad primas attinet coniungenda tantum ea suffra-

F 3

Καὶ τοῖσι λοιποῖς ὁ δὲ νόμος τεθήσεται
Νικᾶν ἴσαις ψήφοις τὸν ποσούλ' αἰεὶ

Et ceteris lex ista promulgabitur

Ut usque paribus calculis vincat reus.

Vid. Henr. Coccejum *Dissert. De eo quod justum est circa numerum suffragiorum inter Exercit. Curios. Vol. 2. Dissert. 36.* Boecleri *Dissert. De Calculo Minervae.* Gabr. Schwederi *Dissert. De Origin. Jur. Suffrag. inter. Dissert. Vol. 2. pag. 732.* Interpretes ad Gronium *Lib. 2. Cap. 5. §. 17. & seqq.*

gia dicimus, quae prorsus eadem sunt, in factum enim aut consentire aut dissentire consulentes debent.

In quaestionibus autem Juris aut moralibus, in quibus gradatio, quantitas & mensura intelligitur, non singulae sententiae prorsus eadem enumerandae, ita ut quae plures in idem consentientes habet ceteras vincat, sed sententiae omnes potius in eo quod commune habent coniungendae, & quod maiori parti visum est pro voluntate generali accipiendum; non enim quae sententia separatim & divisim sumpta plura habeat suffragia quaeritur, sed quae sit maioris partis voluntas, pars autem hic loci maior dicitur non quae partes singulas seorsim sumptas vincit, sed quae maior est relate ad singulos componentes, quod quidem nemo, quod sciam animadvertit, inde tamen pendet propositae quaestionis recta diiudicatio. Rem hanc subobscuram, & aliquantum implicatam exemplo explicabimus. De reo novem Iudices cognoscant, eaque sententia sit rata, quam plures ex eo numero dixerint. Cum novem Iudices cogno-

vissent tres censuerunt reum capite puniendum, duo exilio, duo alii pecunia mulctandum, reliqui duo reum absolverunt (1). In quam poenam consensisse maior Judicum pars diceretur? Non quidem in poenam mortis, sex enim vitam reo servant; si igitur damnaretur, contra pluralitatem suffragiorum, atque adeo contra Jus & fas mortem subiret. Itaque illud commune habent sex suffragia ut vitam reo servant mors igitur excludenda.

Qui mortem reo infligi jure posse arbitrati sunt multo magis aequissimam poenam exilium existimabunt, si enim reus maiorem poenam meretur juxta eorum sententiam multo magis minorem merebitur, quae quidem progressio de mitiori ad severiorem poenam fieri nequit: tres ergo implicite, duo autem explicite exilii reum damnant, ergo si sententiae in eo quod

F 4

(1) Non absimilis quaestio exponitur ab Aulo-Gellio Noct. Attic. Lib. 9. Cap. 15. quam quidem ἀπορον sive inexplicabilem dicit.

commune habent coniungantur, reus pluralitate suffragiorum exilii damnabitur (1).

Qui diversam sententiam amplectuntur & coniungendas eas tantum sententias docent, quae in genere & in specie eadem sunt, & juxta pluralitatem suffragiorum

(1) Wolf. *P. VII. Jur. Nat. Cap. 1. §. 88. Vid. Grot. Lib. 2. Cap. 5. §. 19. Qui proxime accedit ad nostram sententiam. Henricus Coccejus cit. Dissert. De eo quod just. est &c. eandem tuetur sententiam, eam tamen non ad solida principia revocat. Pufendorf. Lib. 8. Cap. 2. §. 18. Grotii doctrinam transcribit, ubi vero ab ea discedit errasse videtur. Consentanea igitur rectae rationi non est Jurisconsulti sententia in L. 27. §. 2. ff. De Receptis qui arb. recep. ubi si ex tribus arbitris unus quindecim, alius decem, tertius quinque condemnet, quaeritur cui sententiae stetur; & Julianus scribit quinque debere praestari, quia in hanc summam omnes consentiunt; quod quidem falsum est: cum enim unaquaeque sententia duas ceteras habeat in identitate non consentientes, & locus fiat praesumptioni voluntatis, ea summa eligenda est quae minimum a sententia singulorum distat. Itaque si tertia eligatur, ut docet Jurisconsultus, prima distat decem*

in eamdem sententiam decidendum & id asserunt quod naturali rationi adversatur omnino, & in eum errorem lapsi sunt quod non probe animadverterint id quaeri in hisce negotiis non quae sit sententia quae seorsim & separatim sumpta plura habeat suffragia, quod & ante monebam, sed quae sit generalis societatis voluntas. In superiori enim hypothesei reus morte puniendus esset, quod omnino absurdum, qui enim eum damnant plures sunt quidem habita ratione eorum qui separatim sumpti non idem

ab illa, si vero secunda tam prima quam tertia distat aequali summa a secunda. Praesumitur igitur majorem arbitrorum partem voluisse potius decem quam quinque. Huc accedit quod si sententiae in eo quod commune habent coniungantur, manifeste patet duos arbitros exclusisse quinque, atque adeo in id majorem partem consentire, tertia igitur sententia nunquam eligenda: & cum qui quindecim voluit multo magis decem voluisse censeatur, secundae sententiae standum. Nec regerendum puto & multo magis voluisse quinque, nam publicatis suffragiis liquido constat duos arbitros, atque adeo majorem eorum partem tertiam summam exclusisse.

sentiunt, non vero ratione habita omnium, qui reo vitam servant.

§. 6. *Confectaria ex nostris Principiis de Societate in genere.*

I. Societarum omnium consilium & obiectum generale est mutuum hominum auxilium, ut collatis viribus aliquid ad felicitatem vel comparandam vel augendam consequantur.

II. Atqui homines sibi invicem officia humanitatis, sive mutuum auxilium jure Naturæ debent, ergo inter homines universos Natura ipsa societatem constituit.

III. Sed quia officia humanitatis imperfecte debita sunt, ideo speciales hominum societates initæ, particulares communitates separatim institutæ, & pacta percussa sunt ut perfecte debita fierent, & per vim exigi possent.

IV. Cum ex individuis sociorum voluntatibus societatis voluntas constet, socii autem homines sint, societati veluti Personæ singulari Leges omnes Naturæ non immerito aptantur, quatenus tamen Confociationis obiectum & specialia sociorum pacta id fieri sinunt; nisi enim pacta intercesserint, nullo

alio vinculo homines obstringi possunt, nisi obligatione naturali.

V. Suprema igitur Societatum omnium Lex ad instar Naturalis Legis illa est ut sui ipsius perfectionem obtineat: perfectio autem societatis in eo sita est ut nullo careat medio ad propositum finem assequendum: & cum media ipsa obtineri nequeant nisi singulorum sociorum vires sufficiant ad finem consequendum, socii cuiusque officium est ut in dies aptior utiliorque fieri curet.

VI. Ergo Societas omnis per se uti Persona Moralis quod ad ceteros homines omnes extra communitatem positos naturali libertate gaudet: quin socii cuiusque singularem sumpti actiones omnes, quae Societatis obiectum non respiciunt liberae sunt, nec singuli singulis aut universae Societati aliud debent quam quod est assequendo fini consentaneum, atque adeo expressis legibus, aut mutuis sponsonibus constitutum (1).

(1) Quisque me etiam non monente intelliget generalibus hisce principiis & subditorum & imperantium jura & obligationes

VII. Mutuo consensu initur Societas, mutuoque dissensu dissolvitur. Interit etiam factio potius naturali, quam dissensu Sociorum, si forte vel Socii omnes pereant, vel ad eum numerum vel statum redigantur, quo non amplius ad consequendum finem sufficiant.

VIII. At potest ne quisque singulatim Societatem deferere? Cum Societatis detrimento non potest, etenim contra pactum ageret. Si damnum Societati non inferatur cuique permissum irrequisita etiam & inconsulta Societate, nisi diversum quid lege cautum.

IX. Quaesitum est an Socius, qui eo sine culpa redactus est ut Societas ipsi non utilitatem, sed damnum tantum inferat, ei renunciare licite possit, & id licere pronunciamus, cum in hypothesis aut naturaliter

omnes in Civitate constituta inniti, quod quidem adductis hac illhac exemplis ostendere facile potuissim: ab iis tamen afferendis abstinere ne quae sunt diversae tractationis una permisceam. Haec tamen nostra de Societate in genere Theoremata diu multum-

dissoluta Societas sit oportet, quae non amplius utilitatem parit, aut ceteros omnes recessisse a pacto mutui auxilii praestandi erga eum, quo casu & is ab obligatione sua liberatur (1).

X. Eodem argumento ostenditur Societati licere Socium expellere qui id, ad quod praestandum Societati tenetur, praestare nolit.

§. 8. De Imperio.

Ex Societate igitur primum, nempe ex consensu aut expresse aut tacito, aut saltem praesumpto Jus singulare omnium in singulos ortum est. Imperium igitur, nempe Jus determinandi actiones hominis liberi juxta unius, aut plurium sententiam a consensu derivandum; homines enim omnes aequales, nisi sponte sua aequalitatem exue-

que meditetur, probeque percipiat & addiscat oportet quisquis ad publicas res componendas, gerendas, judicandas accedit; nisi velit in turpes errores prolabi non sine multorum hominum exitio & pernicie.

(1) Vid. supra Cap. XIII. §. 1. Not. 1. & Tom. I. Cap. XI. §. 17. pag. 365. in fin.

rint, & ipsi sibi imposuerint servitutem.

§. 9. *Ex natura Imperii consuetudinaria.*

I. Ex societate Imperium, nulla societas nisi ob Sociorum utilitatem, ergo nullum Imperium, cuius finis non sit utilitas parentium (1).

II. Ex societate Imperium, ex consensu societas, ergo nullum Imperium nisi in consentientes.

III. Ex societate Imperium, ergo actiones tantum, quae ad societatem referuntur subiectae Imperio, ceterae liberae.

IV. Ex consensu Imperium, ergo Imperantis potestas tanta, quantam subiecti detulerint. Cetera cum de Jure Publico agemus.

(1) *Praeclare Cicero Off. Lib. 1. Cap. 4. qui id inter prima Naturae quodammodo enumerat: Huic veri videndi cupiditati adjuncta est appetitio quaedam principatus, ut nemini parere animus bene a Natura informatus velit nisi praecipienti, aut docenti, aut utilitatis causa juste & legitime imperanti.*

C A P U T XVI.

De Societate Coniugali, Paterna, & Herili.

§. 1. *De Societate Coniugali.*

Societatum omnium vetustissima & simplicissima Societas Coniugalis fuit, in mutuum enim coniunctionem, atque adeo in sobolis procreationem mas & femina coeco quodam & praecipiti feruntur imperu, impetum autem Natura dedit, & Naturae auctor Deus, quo exhaustum restitueret genus humanum (1).

(1) Quapropter non immerito Rom. Iurisconsulti inter prima Naturae collocant Matrimonium L. 1. ff. De Just. & Jur. Cum sit hoc commune animantium, ut habeant libidinem procreandi, prima societas in ipso conjugio est, proxima in liberis, deinde una domus, communia omnia. Cicero *De Offic. Lib. 1. Cap. 17.*

Obligatio igitur hominum ad propagationem sobolis & naturalis est, & connata, & universalis (1), ad eam enim doloris in timo sensu, & voluptatis ipsius illecebris impelluntur homines, eamque ratio naturalis probat, quae ex ipsa corporis humani structura, atque adeo ex Dei ipsius voluntate

(1) *Hypothetica tamen non absoluta, nemini enim illud oneris imponitur, cui facultates & physicae & morales non sint ad id ferendum juxta naturalis Legis praeceptum. Itaque si rem familiarem probe administrare, aut liberos alere & educare ut homines decet, non possis, si foeminam quae digna sit ut cum ea fortunarum omnium consortium, & diuturnam vitae consuetudinem ineas secunda fortuna tibi non offerat, non tantum ab obligatione liberaris, sed a contrahenda societate prohiberis, quam in hypothese initurus es cum propriae felicitatis dispendio, & futurae sobolis detrimento. Idem intellige si domesticis & maritalibus solutus curis maius afferre possis humano generi emolumentum, societatis enim universae felicitas, & commune humani generis bonum liciti & illiciti mensuram esse multoties diximus. Huc referantur oportet qui divina consilia sequuti caelibem eligunt vitam,*

rate obligationem naturalem deducit (1).

Obligatio haec naturalis, ut ceterae omnes, ab intellectu, & ratione dirigitur (2); in eo enim homines praecipue a ceteris animantibus differunt. Propagatio sobolis naturalis eiusmodi impetus consilium & obiectum est; ergo quaecumque ratio naturalem dolorem avertendi, quae saltem implicite ad sobolem procreandam non refertur, illicita Lege naturali; si licita esset jam irritum omnino conditoris hominum sapientissimum consilium, irritum mirabile organorum artificium, quorum ope mortis damna reparantur, irrita ipsa hominis creatio, unius enim aevi spatio genus humanum in se ruiſſet.

§. 2. *Ex natura Coniugalis Societatis conſectaria.*

I. Propagatio sobolis praecepta, sobo.
Tomo II. G

ut diligentius & expeditius sacerdotalibus officiis & Religioni vacare possint, ex qua innumera in Rempublicam bona derivantur.

(1) *Vid. Tom. I. Cap. 5. §. 1. pag. 107.*

(2) *Vid. l. c. §. 2. & praecipue Art.*

Id omne pag. 116.

les in lucem edita sine ope parentum illico peritura, educatio igitur, sive obligatio parentum erga natos, eos curandi & alendi donec ad eam aetatem pervenerint, qua possint propriis viribus vitam sustentare & perficere ab obligatione propagandi speciem sponte fluit & altera in altera includitur. Quod ratio suadet id Natura ipsa confirmat, quippe quae vi quadam interna, quae rationis dictamina antecedit, ad curanda & alenda natorum corpora, iisque opem ferendam, donec ea indigent, parentes excitat, impellit (1).

II. Si sobolis educatio praecepta, &

(1) *Et natorum amor inter prima & ingenua hominis desideria merito recensetur quidquid contra dictitent nonnulli, qui omnia ad sui amorem referenda esse docuerunt. Non hic quae alibi adnotavi transcribere animus est. Paradoxum ejusmodi vix confutatione indiget, cum intimus cujusque sensus, & ipsa animalia ratione carentia absurdae opinionis falsitatem arguant. At quid non potest praeconcepta & adamata opinio simulac animum hominis acris ingenii incesse? Vid. Helvet. Espr. Disc. 4. Cap. 10.*

utriusque parentis ope soboles educanda indigeat, uterque ad praestandam operam obligatur. Diuturna hominum infantia, quo tempore natorum numerus crescit, hominis educatio, quae non tantum in corporis, sed & in animi perfectione versatur, postulare videntur ut ambo parentes sociam operam praestent.

III. Utrique igitur Natura sobolis humanae educationem commendavit, ergo concubitus promiscuus, & vulgivagam Venerem vetuit; pater enim esset incertus, atque adeo paterna ope indigeret futura soboles, quam necessariam ad eam alendam educandamque diximus.

IV. Ergo polyandria, sive promiscui feminarum cum viris concubitus Lege Naturae improbantur (1). Huc accedit quod certissimo experimento constat feminas pluribus communes viris difficile concipere

G 2

(1) *Concord. Auth. Hodie Cod. De Repud. Argum. L. 6. §. 1. L. Stuprum 34. ff. Ad Leg. Jul. De Adulter.*

posse, eiusmodi igitur coniunctio sapientissimo Naturae consilio adversatur. Itaque non recte Plato uxores communes in Republica sua constituit (1).

Item ab Jure Naturae aberrasse videtur Lycurgus (2), qui lege lata permisit ut Cives uxores proprias mutuas interdum alteri darent vel ut ipsi ex strenuo & virtute praedito viro filios in potestate haberent,

(1) *De Rep. Lib. 5. Publicas res non privatas gerendas esse a viris arbitrabatur Philosophus, atque adeo natos a communibus uxoribus genitos publicae educationi quasi non Civium sed Reipublicae filios tradendos. Vid. quod supra diximus de communione bonorum Tom. 1. Cap. 8. pag. 199. not. 1. quod enim contra prima & ingenita Naturae desideria statuitur, quod naturalibus innocuisque animi adfectionibus, quibus ad benevolentiam, industriam, laborem excitamur, adversatur omnino, id semper in Civitate calamitosum: naturales enim adfectus regendi, & ad Communitatis generale bonum convertendi, non extinguendi omnino sunt civilibus Legibus.*

(2) *Vid. Plutarch. in ejus Vita, Xenoph. De Republ. Lacedaemon. Cap. 2. §. 7.*

vel ut alter ex ingenua & praestantissima femina filium sibi compararet. Dubitari potest an mos istiusmodi ita regi & temperari Legibus possit, ut obiecto coniunctionis maris & feminae non adversetur. Fatendum tamen est maximum exinde incommodum oriturum, quod materna ope geaita soboles fere omnino destitueretur, qua potissimum indigere teneriore aetate pubescentes filios liquido constat.

V. Illud extra dubium positum esse videtur Patrem certum, Prolisque educationem juxta praescriptum naturalis Legis haberi non posse, nisi aliqua sit maris & feminae constans vitae consuetudo & familiaritas, saltem donec futura proles ope parentum indigeat (1).

G 3

(1) Exinde apparet Matrimonii iis legibus; quae fere apud omnes valent, contrahi, & quae individuum consuetudinem jubent, si non necessitas, saltem utilitas. Eo pacto Lex Naturae est a sapientissimo Religionis Conditorum ad perfectionem quodammodo redacta. Nil est enim rectae rationi magis consentaneum, nil novae familiae, atque

VI. Atque adeo patet genus humanum nec propagari posse nec educari ita ut Naturam humanam decet, nisi per societatem inter marem & feminam, cuius obiectum sit sobolis procreatio & educatio. Apud nos istiusmodi societas dicitur Matrimonium.

VII. Quaesitum est an unius feminae tantum cum viro societatem Natura imperet. Nobis visum est Polygamiam non esse

adeo Civitati conducibilius, quam ut conjugalis societas sit ad longum tempus, immo in perpetuum contracta; tum quod diu parentibus indigeant nati etiam post patris vel matris, vel utrorumque infœcunditatem, tum quod nulla sincera animi adfectio, & amicitia esse possit inter eos qui ad tempus tantum, & uno procreandae sobolis consilio societatem ineunt, cum sincera inter probos amicitia perpetuitatem desideret. Si post genitam sobolem conjugalis societas dissolvi possit, nec coniugi spes sit in familiae sinu, quam ex suo sanguine procreavit & aluit extremum vitae tempus transigendi, quid erit aliud conjugalis consuetudo, quam muliebris corporis vilissimum mercimonium? quod quidem quam sit natorum prosperitati & educationi contrarium nemo non videt.

absoluto naturali Juri contrariam; nefas enim est ut evidenter ostendatur ea societate constituta nec sobolem procreari, nec eam attente & honeste educari posse. Polygamiā igitur ratio naturalis vetat si obiecto matrimonii adversetur, eam autem absolute adversari non existimamus: prohibitio igitur hypothetica non absoluta, ut fere omnia sunt quae Jure Naturae prohibentur; nam, si pauca excipias, ea quae illicita dicimus, ut plurimum, & hypothetice illicita sunt, nempe ut plurimum humano generi, & universae hominum societati detrimentum afferunt, in quibusdam autem & loci & temporis opportunitatibus licita fiunt, cum nempe id publica hominum utilitas exposcere videtur, quae quidem suprema Lex est (1). Si

G 4

(1) Id quidem & vetus & recens humani generis confirmat historia. Constat enim apud plerasque Gentes Polygamiā permis-
sam sine maxima & Civilis & Humanae so-
cietatis pernicio; quod fieri non potuisse pa-
tet si absoluto Juri Naturae adversaretur,
quae enim ejusmodi sunt non dicam cum ho-

ad haec animum advertissent nostri Juris Interpretes minor fortasse apud eos fuisset de Polygamia controversia; facile enim novisse poterant Polygamiam quamvis fortasse non absoluto, attamen ut plurimum hypothetico Naturali Juri, atque adeo obiecto Matri-

minum societate sed ne cum eorum quidem conservatione possunt consistere. Quisque novit ante Legem Judaeis Polygamiam, a Deo invisibili eorum Monarcha permissam, virosque sanctissimos una plures uxores habuisse. *Vid. Grot. Lib. 2. Cap. 5. §. 9.* Multa tamen sunt, quae contra polygamiam afferuntur argumenta, quae hic referre non vacat, quandoquidem insulsa & inepta pleraque sunt, & scholam potius, quam rectam rationem sapiunt. Qui velit in hisce nugis tempus terere adeat oportet quae hinc inde prodire circa Polygamiam scripta ab anno 1670. usque ad ann. 1717. quae enumerantur a Budd. *Hist. Jur. Natur. inter select. Jur. Natur. & Gent. pag. 57. §. 43.* & a Meister. *Biblioth. Jur. Nat. & Gent. Tom. III. pag. 6. & seqq.* Primum certatum est argumentis a ratione, ab Historia petitis, mox majora rixa facta, & incalcescentibus animis, praeliatum est, ut fieri solet inter nostri aevi philosophos si diis placet & literatos, conviciis, maledictis, & contumeliis.

monii contrariam publicis Legibus fuisse cohibendam, ut apud Gentes moratiores ubique factum est (1).

VIII. Monogamiam tamen praeferendam in genere ipsa jubet naturalis ratio, ad eam enim Natura eadem impellit, quae cetera animantia, quorum filii ope utriusque parentis indigent, marem & feminam tantum coniungit, & in humana specie mares & feminas pari fere numero in lucem edit. Et Jure igitur & facto naturali Polygamia in genere interdicitur (2).

IX. Obiectum societatis conjugalis solis procreatio & educatio: sine patre certo mutuaeque coniugum amicitia & procreatae familiae amore aut nulla aut difficilis educatio, ergo prima Lex societatis jus mutuum in coniugum corpora, & id singulare. Si fe-

(1) *Vid. L. 1. ff. De his qui not. infam. L. 2. Cod. De Incest. Nupt. L. 18. Cod. Ad. Leg. Jul. De Adulter.*

(2) *Itaque praeceptum Evangelicum de Monogamia inter divinae Religionis sectatores ipsius Legis Naturalis est interpretatio & perfectio.*

mina ab alio quam a viro suo comprimi patiatur, jam pater incertus, vir autem aliam appetere feminam sine mutuae amicitiae & domesticæ curæ dispendio vix potest. Sine ea lege societas coniugalis non consistere, educatio natorum juxta præscriptum Legis obtineri non posse videtur.

X. Polygamia si quando licita legem moderatur ex consensu contrahentium, non omnino tollit.

XI. Ergo concubitus cum extranea persona inconsulto & invito altero coniuge, qui adulterium dicitur, & jus coniugale laedit, & ab jure naturali prohibetur, quo nulla aliâ coniunctio præter coniugalem admittitur (1).

(1) *Exinde eruitur & Stupri & Fornicationis turpitudine; sive enim liberam & honestam feminam, sive jam corruptam & corpore quaestum facientem compresseris explendae tantum libidinis gratia, jam expressam Naturae violas legem, quae ad egregium & pene divinum opus, nempe hominis procreationem, non ad abiectam sordidamque voluptatem explendam perpetuis stimulis te impellit. Exinde etiam patet castitatem conju-*

XII. Societas omnis ex consensu, ergo & societas coniugalis consensu (1) contrahitur & perficitur. Huc referantur oportet sponsalia, quae pactum sunt de coniugali societate ineunda, quaeque in Jure Naturae veluti mutuae promissiones. Regulis jam traditis ponderantur (2).

§. 3. De mutuis Coniugum officiis.

Educatio prolis obiectum societatis coniugalis, educatio sine sollicitudine & impensis non perficitur, ergo uterque Coniux

galem & pudicitiam Lege Naturae praeceptam. Castus est qui a data in matrimonio fide nunquam deflexit, pudicus qui ab illicitis coniunctionibus abstinuit, nec corpus alienae libidini unquam mutuavit.

(1) Concord. L. 30. ff. De Reg. Jur. L. 15. ff. De Condit. & demonstr. L. 1. 2. 3. 4. ult. ff. De sponsal.

(2) Et quidem causae complurimae, si eas excipias quae Religioni aut civilibus legibus acceptae referendae sunt, ob quas sponsalia in Civitate dissolvuntur & quamcumque aliam promissionem irritam redderent, & principiis jam positis circa validitatem promissionis in genere innituntur. Vid. tot. Tit. ff. De sponsal.

& bona & operas in commune conferat oportet, nisi aliter inter eos convenerit: fortunarum enim omnium societas, bonorumque & operarum communio, quae naturaliter coniugium sequitur, temperari vel privatis pactis, vel Civilibus Legibus (1) potest, at leges omnium optimae, quarum ope societatis istiusmodi vinculum magis magis-

(1) *Romano antiquo Jure bona uxoris in dominium viri ita transiisse ut uxor nihil haberet proprii, sunt qui asserunt. Vid. Heinecc. Antiquit. Rom. Lib. 1. Tit. 10. §. 6. & 7. Lib. 2. Tit. 9. §. 4. & Lib. 3. Tit. 10. §. 6. Jure novo vir dominium quod civile vocant sive usumfructum in rebus dotabilibus habet L. 7. §. ult. L. 75. ff. De Jure Dot. L. 30. Cod. eod. L. 21. §. 4. ff. Ad municipal. & de incol. Attamen non defuere Gentes, quae naturalem aequitatem sequutae latis legibus universam bonorum communionem inter virum & uxorem induxerunt. Vid. Johann. Voet ad Tit. ff. De Rit Nupt. n. 55. & seqq. Wesel de Connub. societ. Quin nec posterioribus Romanis Legibus improbatæ generosae feminae, quae cum coniuge patrios miscerent census, & viro quasi socio & participi gauderent L. 16. §. ult. ff. De Aliment. vel cib. legat. L. 32. §. 24. & L.*

que obstringitur, non quae unius viri impetio faventes id efficiunt, ut uxor in mariti domum deducta nil aliud sit quam extranea femina, quae corpus suum mutuavit viro ut filios gignat, & voluptatibus domini sui inserviat.

IV. Ceterum naturaliter, nisi expressis conventionibus aliter cautum sit, uterque Coniux omnia omnino faciet, ut sobolis educatio perfecta obtineatur; illud enim commune est societatum omnium, ut quisque socius eas operas praestet, quae ad finem societatis assequendum & utiles & necessariae sunt. Civile igitur est ut nisi Patrimonii & industriae fructus sufficiant ad alendos, educandosque natos, paterna bona tantum distrahenda sint, non aurem materna pro rata (1).

26. ff. De Donat. inter vir. & uxor. *Patritia tamen fortunarum omnium societas apud Romanos, non legitima, nam jure civili bona uxoris & mariti distinguebantur. Vid. Not. seq.*

(1) *Bona uxoris apud Romanos in dotalia, paraphernalia, & receptitia divide-*

V. Ex hac Coniugum perfecta vitae consuetudine, & bonorum & operarum communicatione ad prolis educationem ut plurimum necessaria sequitur a Natura improbatas eas omnes coniunctiones, quae mutuam hanc sollicitudinem non includunt (1).

bantur: prima quod ad substantiam salva semper uxori, altera quod ad substantiam et fructus concessa marito simplici administratione, tertia ita uxor pleno jure sibi retinebat, ut et Mariti administrationi et potestati omnino subducerentur L. 8. et 9. L. ult. Cod. De pactis. Vid. Tot. tit. ff. De Fundo Dotal.

(1) Eiusmodi sunt Matrimonia, quae vocantur irregularia, et quae propius ad concubinatum quam ad stabile firmumque conjugium accedunt. Huc referatur pactum, quo vir cum femina convenit, ut si unum vel alterum filium gignat exclusa vitae consuetudine, nulloque inito contubernio, vel ut genitis filiis femina et contubernio una cum procreata sobole excedat soluta ipsi mercede pro natorum educatione, aut patri, recepto tantum praemio, filios educandos relinquat, quod quidem Matrimonium apud Orientales usitatum ad Thalac vocant. Vid. Wolf Jus Nat. P. 8. Cap. 2. §. 479. Sed non tam a naturali Jure abluere videtur Matrimonium

VI. Cum alterius alter coniux in solis educatione poscat opem & coniuret amice, sequitur ut alter alterius felicitatem quantum in se est promovere debeat Natura iubente. Si enim hoc obligationis vinculo obstringuntur homines omnes, quanto magis Coniuges obstringantur oportet, quorum res prosperae & adversae ex societatis ipsius natura invicem communicantur? Amor igitur coniugalis Lege Naturae praeceptus, sine quo nec societatis finis obtineri, nec beatam tranquillamque vitam agere Coniu-

quod dicitur ad Morganaticam apud Germanos et Brabantos frequentissimum; initur enim a viro cum impare femina ea lege ut nec ipsa nec filii ejus amplius habeant de bonis paternis, quam dixerit tempore sponsaliorum; verbi gratia decem Libras, vel quantum voluerit dare, quando eam desponsavit. Verba sunt Lib. 2. Feud. Tit. 29. De vocis Ethymo vid. Henr. Cocceium De Lege Morganatica sect. 2. inter Exercit. curios. Disput. 93. Tom. 1. Du Cange Glossar. med. et infim. Latinit. Voce Morganegiba. Vid. Joh. Henr. Wolfarti Tractat. Jurid. De Matrim. ad Morganat.

ges possunt; quod quidem oh utinam bene perpenderent qui tam imprudenter & temere sacram hanc ineunt societatem! non querelae, non rixae, non discordiae privatas agitarent familias, quo fonte derivata clades in patriam populumque fluit.

VII. Si officia omnia ab ipsa hominum natura derivanda, quis neget Naturam ipsam jussisse ut matres filios lacte suo nutriant, eosque consueti atque cogniti sanguinis alimonia non privent? Idem enim sanguis est in uberibus, qui in utero fuit, quique mirabili solertis Naturae artificio in supernas se profert partes, & ad fovenda vitae rudimenta praesto est, & recens natis notum & familiarem victum praebet.

Attamen Naturae vocibus ut plurimum accluduntur aures, exuitur maternus amor, abiiciuntur partus, & impurissimae feminae fontem illum sanctissimum humani generis educatorem arefacere & extinguere non sine periculo averfi corruptique lactis laborant, veluti si mammarum ubera, ut *Gellius* ait (1),
quasi

(1) *Noā. Atticar. Lib. 12. Cap. 1.*

quasi quosdam naevulos venustiores non liberorum alendorum, sed ornandi pectoris gratia Natura feminis dederit.

VIII. Non autem naturale officium videtur, si conjugalem societatem tamquam naturalem Contractum, non tamquam sacramentum respicias (1), ut uxor sub viri potestate sit: nullum viri in uxorem imperium nisi ex eius expresso, aut praesumpto consensu (2). In Civili statu, ubi Leges Imperium aliquod marito in conjugem suam constituunt, feminae quae conjugalem init societatem praesumitur legitime consensus. Haud equidem Leges Civiles reiiciendas censeo, eas tamen impense laudarem, quae societatis, amicitiae, & amoris vinculum inter Coniuges firmitus, non quae servitutis jugum durius acerbiusque efficerent. Nullus amor inter ancillam & dominum, atque adeo fere nulla ad liberos curandos, educandosque sollicitudo. Sunt qui perperam arbitrantur ex

Tom. II.

H

(1) *Vid. n. 10. Not. 2.*

(2) *Vid. supra Cap. XV. §. 9.*

graviditatis & puerperii necessitate, ex ipsa muliebris corporis structura, atque adeo ex ipsius corporis & mentis imbecillitate ostendi posse feminas ad servitutem natas, quippe quae aliena ope & consilio in via vitae indigeant; nam quamvis ultro concederemus revera in naturali statu masculos in genere & corporis & ingenii viribus praestare feminis, de quo tamen merito dubitari posset, attamen exinde nullum jus singulare alteris in alteras deduceretur, nullumque imperium, quod a consensu tantum ortum ducere diximus (1). Ceterum cum utriusque Coniugis suffragium in administranda re familiari tantidem faciendum, &

(1) *Haec quidem dicta volo de simplici coniugali societate, nam si femina in mariti domum deducatur, et is sit familiae suae caput, et Leges dicat, familiamque regat ex sententia; tunc uxor mixtam quodammodo init societatem, et qua uxor et qua familiae pars, quae Civili societati propius accedit. Quae igitur in novam societatem adscisci patitur vel tacite imperantis Legibus se obtemperaturam promittit, vel pactis expressis Mariti imperium quod ad familiarem so-*

vota paria sint, si sententiae discordes, paciscantur oportet Coniuges qua via expedienda negotia sint, & cuinam praerogativa concedenda. Si res de qua agitur fedulo & sine partibus introspectatur quisque fateatur oportet & privatis & publicis rebus magis expedire ut potius viro quam feminae in genere praerogativa concedatur (1).

H 2

cietatem temperat. Hoc posito facile intelliguntur Romanae Leges quae jus corrigendi puniendique uxorem usque ad necem Marito antiquitus tribuebant, publica enim potestate non adhuc bene perfecteque constituta, Vir tanquam familiae caput quasi summi Imperantis juribus in quibusdam utebatur. Vid. L. 4. ff. De His qui sui vel alien. L. 195. §. 2. ff. De Verb. signif. Vid. Dionys. Halicarn. Hist. Lib. 2. Cap. 4. Liv. Lib. 39. Cap. 18.

(1) *Cum igitur humani generis felicitas in genere sit Justitiae et Honestatis fundamentum, Naturalem justitiam sapientissime interpretata est Lex divina positiva in veteri et novo Testamento nobis tradita, quae Viris in uxores potestatem et imperium in genere concessit. Genes. Cap. 3. v. 16. I. Ad*

IX. Quamvis arctissimum sit amoris & consuetudinis vinculum inter Coniuges ipsa Natura jubente, alter tamen ab altero differt, neque actiones alterius alteri jure imputantur (1). Sed si uxor aes alienum educationis causa contraxerit a marito solvendum (2), quippe qui obligatione alendi li-

Corinth. Cap. 14. v. 35. et Cap. 11. v. 7. 8. 9. Ad Ephes. Cap. 5. v. 22. et seqq. Vid. Can. 12. et 14. XXXIII. q. 5. Can. 17. ead. caus. et quæst. C. 39. VIII. q. 1. C. 35. XXXIII. q. 4. C. 10. XXXIII. q. 2. Fuere tamen quibus adeo societatis aequalitas in coniugio placuit, ut nec praerogativam aliquam suffragio viri concedendam asserant; sed rem controversam potius ad communes amicos, sive ad arbitros referendam doceant. Franc. Hutches. A system. of Mor. philosoph. Lib. 3. Cap. 1. n. 7. = But in matters of great importance to the happiness of a family, if they cannot agree, Nature suggests no other method of deciding such controversies, but a submission to common friends, as arbitrators. Nescio equidem an multi eiusmodi sententiae sint subscripturi.

(1) *Concord. Tot. tit. Cod. Ne Uxor pro Marit.*

(2) *Ea est communis Interpretum sententia innixa argum. Legum Tu. ff. De in rem verso.*

beros obstrictus, nisi solveret, ditior fieret cum aliena jactura, quod est contra Legem.

X. Et quamvis Coniugium societas libera sit, attamen eam non solvendam si obiecto ipsius societatis damnum inferatur naturalis Lex jubet. Igitur contra eius praescriptum agerent qui liberis non educatis societatem solverent. Si tamen nulla ope parentum liberi amplius indigeant, aut ii nati non fuerint vel omnes emortui, si libertatem Naturalem tantum respicias, a pacto societatis mutuo dissensu recedere posse Coniuges non ambiges, nihil enim tam naturale est, quam eo genere quidquid dissolvere, quo colligatum est. Et quia in mutuis promissionibus qui a pacto recedit alterum ab obligatione liberat, adulterio, malitiosa desertione, pertinaci conjugalis officii deneigatione, & irreconciliabili fociorum odio (1)

H 3

(1) Hoc principio innititur Justinus Caesar Nov. 140. qua Divortium consensu parium permittit. Eos siquidem qui violento affectu odioque semel correpti fuerint perquam est difficile reconciliare.

superveniente, etiam invita altera parte coniugium diffolvitur; haec enim omnia, & cetera huiusmodi directe contraria sunt societatis coniugalis obiecto. Lege tamen Evangelica Connubium si rite, si valide & legitime contractum fuerit, apud nos indiffolubile omnino, & sola morte dirimendum. Cum enim ad Sacramenti maiestatem Divina Lege evectus sit simplex hic naturalis contractus, novis etiam subiicitur regulis, quarum interpretatio ad Religionis, non ad Iustitiae naturalis Sacerdotes pertinet (1)

(1) Quapropter consulto praetermisimus multa quae nostri Juris interpretes quaerunt circa Divortium, & eius legitimas causas, an scilicet permissum fuerit in veteri Lege simpliciter & absolute, an in nova vetitum omnino, vel adulterii tantum causa, seu & ob alias causas etiam in nova permissum. Nobis enim visum est haec omnia aliena esse ab universali Jurisprudencia, quam tradimus, & in quam Christianae Theologiae tractationes traducere animus non est. Quid homini Christiano liceat, habita Religionis ratione, aliunde petendum. Silet humana ratio si expressa sint Dei Optimi Maximi praecepta, si Sacramenta a Christo Domino instituta ex-

XI. Soluta matrimonio licet viro illico ad secunda vota convolare (1), feminae non item propter incertum uterum, & sanguinis confusionem, certitudinem enim Patris ad prolis educationem necessariam esse diximus. Eo tempore igitur viduitatem servet oportet, quo liquido constare possit se utrum ex priore marito non gerere (2).

H 4

hibeantur, ea enim arcana et sublimiora mysteria continent, quae supra rationem sunt. Qui tamen haec erudite quidem et eleganter pertractata meditari velit apud nostros, adeat oportet Grotium Lib. 2. Cap. 5. Pufendorf. Lib. 6. Cap. 1. §. 21. et seqq. Joh. Selden. Uxor Hebraica. Joh. Milton. De Divort. Henr. Bodini De Jure et errorib. circa Divort. Controvers. circa Jus divort. ubi simul collecta invenies opuscula varia ad hanc materiam pertinentia coniunctim edita Halae 1737. Henning. Arnis. De Jure Connub. Cap. 6.

(1) Concord. L. 9. et 10. ff. De His qui not. infam.

(2) Jure Civili per annum luctus tenetur expectare; si secundo immature nupsit infamis est aliisque plectitur poenis L. 1. 3. 11. §. 1. 3. 4. L. 12. ff. De His qui not. infam. L. 1. Cod. De secund. Nupt.

Haec quidem recte procedunt si nulli sint ex priore coniugio filii superstites, qui adhuc parentum & pe indigeant: si fuerint, & manifeste appareat secundas Nuptias eorum educationi & prosperitati damnum allaturas, eas in genere improbandas paret, quamvis enim conjugalis societas alterius coniugis morte dissoluta omnino sit, attamen immobilis reliqua est obligatio alendi, curandi, educandique liberos, quod munus uno extincto alteri superstiti coniugi *Lege naturali* imponitur, & quod, si ut decet rite probeque implere non possit novam cum altero coniuge societatem initurus, ut ab ea contrahenda absteineat *Lex* imperat, qua quisque jubetur, ut nullam sibi contractam obligationem imponat, quae naturalibus explendis impedimento sit.

Et quamvis in statu civili, secundis nuptiis sine ullo discrimine permissis, prioris sobolis educationi per legitimam agnatorum, sive dativam tutelam aliquo pacto consultum sit, attamen fatendum est & viros & feminas humanitatem omnem abieciisse, si tenera adhuc sobole, paternisque curis vel materna vigilantia indigente tam facile ad

secundas convolant nuptias; alteri enim filiis Novercas, quas perpetuo experimento constat privignis esse infensissimas, inducunt, alterae vero dulcium natorum amore abiecto, sobolem curandam educandamque relinquunt iis, qui etsi velint munus impositum perfecte exsequi, non possunt; ipsis enim deest ingenuus ille amor erga liberos, unde perpetua sollicitudo, cura, diligentia parentum, & quem ex generatione tantum ortum ducere constat. Quapropter magnopere laudandas censeo Civiles Leges quae non tam levium poenarum metu coniuges superstites, si filios in priore coniugio procreaverint, a secundis nuptiis arcent & deterrent (1).

(1) *Binubus vel binuba amittit proprietatem eorum omnium, quae sibi ob quamcumque causam obvenerunt ex defuncti coniugis largitate, cessuram filiis primi coniugii, sibiique tantum retinet usumfructum L. 3. Auth. Lucrum hoc. L. 5. Cod. De secun. Nupt. Novell. 2. Cap. 2. Novell. 22. Cap. 32. Quidquid percepit succedens filiis prioris matrimonii ab intestato quod a parente eorum praedefuncto profectum sit servare tenetur ceteris filiis si*

§. 4. *De Matrimonio inter Propinquos.*

Anceps quaestio est & in utramque partem tam a veteribus, quam a recentioribus Philosophis iudicata, an scilicet matrimonia inter consanguineos sint absoluto Juri Naturae contraria. Rationum momentis, quae ultro citroque afferuntur ad examen revocatis, nobis visum est matrimonia inter Parentes, vel eos qui Parentum loco sunt, & filios & descendentes Juri naturali absoluto adversari; inter consanguineos vero collaterales, qui in eadem familia sunt, hypothetico.

supersint d. L. 3. §. 1. Auth. Ex testament. Cod. De secund. Nupt. Nov. 22. Cap. 46. Non potest plus donare secundo coniugi vel actu inter vivos, vel ei ultima voluntate relinquere, quam uni ex liberis prioris coniugii, cui minimum relictum est L. 6. Cod. de secund. Nupt. Novell. 22. Cap. 27. Mater amittit filiorum tutelam d. Novell. Cap. 40. Pater vero si haeres instituitur, et oneretur Legato conditionali praestando filiis prioris coniugii ad solemnem satisfactionem tenetur d. Novell. Cap. 41. Auth. Sacramentum Cod. Quando mul. Tutor. offic. L. 6. §. 1. Cod. Ad Senatusconsult. Trebellian.

Quod ad primum attinet, insita a Natura ipsa videtur averfatio & fuga quaedam commixtionis cum Parentibus & ex se natis, quae omnem societatis & educationis institutionem antecedit; cum animi enim affectiones, quas ipsa Natura erga filiam, puta, Patri inferuit, immane differant ab iis, quas amoris vel libidinis impetus excitat, & versa vice quae filiae naturaliter insunt plurimum distent ab illis, quas vesani amoris aestus, & sperati concubitus cupido ciet, mutua officia omnia inter eos labefactentur & confundantur, naturalesque affectiones omnes extinguantur oportet, ut novis affectibus locus fiat, quod quidem improbare Naturam patet; eam enim jubere ut quaedam inter parentes & filios officia sint, & non sint contradictorium est. Quinam filialis timor & reverentia cum appetitu ad concubitum? quinam perpetua voluntas Patris animum filiae ad virtutem verbis & exemplo dirigendi cum illecebris & irritamentis libidinis, quae ab amore nunquam dissociatur, & quam Pater compescere potiusquam irri-

tare debet, consistere potest (1) ? Inde non immerito istiusmodi nuptiae inter gentes omnes detestatae, easque Jurisconsulti Romani incestum Juris gentium esse statuerunt (2).

Quod autem ad collaterales attinet cum ex natura coniugalis societatis, & educationis necessitate fiat, ut saltem soror & frater in eadem vivant familia, naturali ra-

(1) *Hac naturali affectuum repugnantia tantum inniti Nuptiarum inter ascendentes & descendentes turpitudinem arbitror, licet subtiliter magis quam vere multi & alias & validiores etiam ejus rei rationes se nactos esse sibi persuadeant, quas quidem singillatim percensere instituti nostri ratio non patitur. Vid. Plutarc. Quaest. Rom. 108. S. August. De Civit. Dei Lib. 15. Cap. 16. Xenoph. Memorabil. Socrat. Lib. 4. Cap. 4. §. 22. Grot. Lib. 2. Cap. 5. §. 12. & seq. & ibi Cocceium Senior. Christian. Wolf. Jus Nat. P. 7. Cap. 4. §. 826 Ernest. August. Bertling. Dissert. De Gradib. prohibet. secundum Jus Natur.*

(2) *L. 38. §. 2. ff. Ad L. Jul. de Adult. L. 34. & L. ult. ff. De Ritu Nuptiar.*

tioni consentaneum esse videtur , ut nuptiae inter eos consistere nequeant ; decet enim ut quae cohabitatio necessaria quodammodo est , eadem pura & sancta esse debeat , quod sane fieri ut plurimum non posset si fratri sororis , sorori fratris concubitum appetere liceret , seque invicem ad amoris illecebras incitare . Nefas igitur est ut Natura rem permitrat , quae sanctitatem & honestatem familiarum pessumdare , easque in lupanaria convertere posset (1) . Has nuptias adversari diximus Juri saltem externo Naturae hypothetico , tam in collisione officiorum ,

(1) Huc accedit quod maximi interest universae hominum societatis ut extra familiam nuptiae celebrentur , tum ut latius pateant amicitiae per diffusas affinitates , tum ne homines a naturali robore , proceritate , & dignitate degenerent , quod quidem futurum esse nonnulli arbitrantur si a cognatis & consanguineis in eadem familia propagentur , ceterorum animalium exemplo , quae a prima bonitate degenerare aiunt , nisi ad procreandam sobolem ex diverso armento masculi admissarii adducantur . Vid. Michaelis *Mosaiches Rect.* et *Lib.* cui titul. *Recherch. Philosoph. sur les Aegypt. & les Chin.*

& si necessitas quasi ab ipso Deo obiciatur quaelibet honesta ratio est expediendae salutis. Eo pacto intelligitur Adami Posteror per incestum non propagatos.

C A P U T XVII.

De Societate Paterna, & Herili:



§. I. *De mutuis Parentum et Liberorum officiis, et Patria Potestate.*

I. **E**X ipsa conjugalis societatis natura sobolis educandae obligatio, nulla obligatio, cui jus non respondeat, ergo Liberis jus a natura concessum, ut a Parentibus educantur.

II. Educare nil aliud significat quam labore & industria liberos ad eum statum redigere, quo possint propriis viribus vitam sustentare juxta naturalis Legis praecepta (1).

(1) *Concord. Rom. Leges quae alimentorum nomine, quae liberis a Parentibus de-*

III. Illud primum potissimumque naturalis Legis praeceptum „ *Felicitatem quaere* „ In eo igitur educationis summa sita est, ut Parentes omnia omnino faciant, ut liberis viam ad felicitatem comparandam sternant quam possunt expeditissimam: quae autem sint elementa, quae felicitatem hominis con-

bentur sive legitimis sive naturalibus, non tantum victum, sed & amicum, habitationem, medicamenta, & disciplinam pro conditione personarum complectuntur. Vid. L. 6. & ult. ff. De Aliment. vel cib. Legat. L. 43. 44. 234. ff. De Verb. signif. Argum. L. 12. §. 2. & 3. ff. De Administ. & peric. Tutor. L. 4. & 5. §. 1. L. 10. ff. De Agnoscend. & alend. liber. L. 4. ff. Ubi Pupillus educari. L. 6. §. 5. ff. De Carbon. Edict. Novell. 18. Cap. 5. Novell. 89. Cap. 12. §. 4. Liberi ex incesto & damnato complexu procreati jure Civili nec alendi a Patre Auth. Ex amplexu. Cod. De incest. & inutibil. Nupt. Quid inhumanius? Cur scelerati Parentis infanda Crimina insontibus filiis imputanda? Aequitas tamen naturalis fere ubique valet, filiique sine ulla distinctione a Parentibus alendi & educandi. Vid. Cap. 5. X: De eo qui duxit in Matrim. quam polluit per adult.

stituunt veram, non fictitiam, non ab animi perturbationibus excogitaram alibi diximus; ergo obiectum educationis praecipuum illud erit ut Parentes animum, corpus, & externum liberorum statum quantum in iis est perficiant.

IV. Cui a natura obligatio imposita est, ei omnia sunt jura tributa, sine quibus obligationem implere nequit: Parentes ad perfectionem liberorum promovendam perfecte obligantur, ergo jus habeant oportet actiones liberas filiorum ad eum finem dirigendi, donec ipsi per se quid agendum vel non agendum intelligant.

V. Hinc paterni Imperii origo, hinc liberorum obligatio ad parendum. Imperium igitur Patris nullum nisi ob felicitatem liberorum (1).

VI.

(1) Imperium Patris Jurisconsulti deducunt ex duplici principio 1. quia filius pars est corporis parentum, atque adeo Pater eum utpote ex suo semine procreatum, tamquam fructum rei suae proprio jure vindicat, quasi vero quae jura rerum sunt propria,

VI. Quae iussa ad felicitatem & perfectionem filiorum non referuntur iniusta & violenta, & Tyranni potius insolenter impet-
Tom. II. I

pria, ea aptari possint homini libero, qui non ad familiam tantum, sed ad universam pertinet societatem. 2. Quia Pater est dominus familiae suae. Vid. L. 1. §. 1. ff. De inspiciendo ventre. L. 195. §. 2. ff. De Verb. signif. Exinde jura omnia Patris in filios a Dominio saltem Quiritario ortum ducunt L. 1. ff. De rei vindicat. L. 1. ff. De Liber. exhibend. L. 14. §. 13. ff. De Furtis. L. 33. & 34. ff. De Noxalib. Actio. Quapropter factum est ut patria Potestas, quae maximum tribuebat jus in filios civilis dicatur, vel propria Civium Romanorum Inst. Tit. De Patr. potest. §. 2. L. 3. ff. De his qui sui vel alien. jur. Ex eo falso principio inhumanae & barbarae consuetudines circa patriam potestatem, quae apud multas Gentes, et apud Romanos etiam valuerunt, qui filios tamquam mancipia habebant: quod quidem et ignorata ab iis principia circa Imperii originem arguit, et Civitatis perfectionem nec suspicatos eos esse manifeste indicat: ea enim tam late patens potestas Patribus tributa in filios cum publica auctoritate et summo Imperio in bene constituta Civitate consistere nul-

rantis, quam Patris tranquille & placide praecipientis sunt iussa.

VII. Quod jus fuerit apud nonnullas gentes filios recens natos exponere, vel necare, vel eos quasi mancipia & jumenta habere barbarum fuit, naturalique aequitati omnino contrarium (1).

VIII. Ceterum cum societas coniugalis naturaliter aequalis sit, Imperium in filios Patri matrique commune est, nisi aliter vel

lo pacto potest. Qui a patre gignitur et filius et civis est: filium pater regit, levique coercionem castigat, Civem summus imperans, eiusque leges moderantur et tuentur.

(1) *Vid. Not. praeced. Execrationem merentur quas Hobbetius de Patria potestate edixit Leges. Apud eum recens natus filius sub absoluto Matris imperio est, quia vel partum abiicere, vel vix natum enecare potuisset. In Matrimonio autem et mater ipsa eiusque jura omnia viro subiiciuntur, quia vir femina potentior validiorque, atque adeo ipsi facultas est & necare, & vendere & in perpetuam captivitatem filios tradere. Quid durius acerbiusque, quid absurdius & inhumanius excogitari poterat? De Cive Cap. 9. §. 2. Leviath. Cap. 20. pag. 100.*

paſtis vel Legibus cautum ſit, utriuſque enim Parentis ope, induſtria, diligentia, praefidio indigent impuberes filii (1).

IX. Imperii obiectum utilitas parentium, ergo ſi quando aliquo doloris ſenſu filii ab inobedientia, & vitiis retrahendi, poenae emendatrices & leves ſint oportet, non crudeles, non corpori aut valetudini natorum damnum inferentes, quippe parentum officium diximus ut felicitatem liberorum quantum in iis eſt promoveant, ad quam conſequendam maximi bona corporis valetudo facienda: uno verbo nimia ſaevitia, & indulgentia vitanda, utraque enim filios corrumpit.

I 2

(1) Jure Romano nulla erat Matri in filios poteſtas, quamvis Ulpianus aliquam ei poteſtatem concedere videatur L. 4. ff. De Curatorib. furioſ. et aliis. Recte tamen eſt apud eos conſtitutum ut ſi Pater incertus ſit, aut is quem habere legibus non liceat, Filius matrem ſequatur L. 23. ff. De ſtat. hom. et ut Patre inope aut mortuo filii egeni alantur a matre opulenta Novell. 17. Cap. 7. L. penult. et L. 5. §. 4. ff. De Agnoſc. et alend. L. 11. Cod. De Jure Dot.

X. Si amor & benevolentia erga omnes homines naturali Lege praecepta, quanto magis liberorum amor erga Parentes, cum quibus arctissimis sanguinis & beneficiorum vinculis sunt devincti? Quamvis enim aliquando negligentiores Parentes fuerint in educandis liberis, attamen maxima in ipsis vitae primordiis, & incunabulis collata beneficia sunt, quibus gratiae nunquam satis rependendae. Ex benefactis igitur Parentum ratio deducenda est cur liberi jubeantur eos amore & honore prosequi, & in pretio habere; haec enim officia ex nudo generationis facto derivari non posse arbitror. Itaque multoties filiorum impietas, de qua tot Parentum querelae, ipforum Parentum culpaè tribuenda, quorum negligentia & fœcordia serius ocyus ab adultis liberis non sine animi dolore detegitur. Quisquis magni fieri vult, magni reipsa sit oportet: odium homines compescere possunt, amorem excitare etiam volentes non queunt, quippe amor intimus sensus est, sive animi interna modificatio, quae a rerum externarum statu erga nos omnino pendet. Attamen benemerati filii vim quodammodo sibi met infe-

rant aequum est, nec unquam Parentibus debitam excutiant reverentiam, aut minimam illis creent molestiam, licet vel rem familiarem negligentius administraverint, vel asperius difficilisque quam par erat cum ipsis egerint; nunquam enim pietas filialis exuenda si id fieri possit sine extrema aut familiae, aut Patriae suae perniciē, tum quod & plurima & maxima sunt etiam a negligentibus improbisque Parentibus beneficia in filios collata, tum quod universae hominum societatis interest ut felicibus auspiciis soboles propagentur, quae efficiant ut genuisse juvet, & generare libeat.

§. 2. *Ex mutuis Parentum, et Liberorum Officiis Corollaria.*

I. Si eo quod diximus amoris & benevolentiae arctissimo vinculo filii erga Parentes coniunguntur, sequitur Parentes ceteris omnibus praeferendos in praestatione officiorum humanitatis (1); iniquissimum

I 3

(1) Quae quidem recte a Civilibus Legibus in perfectam obligationem conversa sunt. Parentes enim inopes alendi in genere a fi-

enim quis merito dixerit patrem vel matrem egere, cum filius fit in facultatibus.

II. Dubitari tamen poffet an in collisione officiorum Parentes etiam uxori & filiis praeferendi fint, quod nos in genere negandum effe cenfemus his innixi argumentis: in collisione felicitas propria in genere alienae eft praeferenda: in collisione res potius propriae, quam alienae fervandae; atqui felicitas propria in genere magis a confervatione familiae fuae, quam alienae pendet, ergo in collisione familia propria paternae familiae eft praeferenda. Quod ratio fuadet natura ipfa confirmat; homines enim ad amorem filiorum caeco impetu feruntur, ad parentum amorem ratione non inflinctu. Et revera qui novam inflituit familiam facto quodammodo naturali promittit fe liberos & uxorem ceteris omnibus in officiis praeflandis praelaturum,

liis funt L. ult. §. 5. Cod. De Bonis quae liberis L. 13. §. 2. ff. De Adminiftr. et peric. Tutor. L. 5. §. 1. 2. 13. 16. ff. De Agnofcend. Liber.

familiam enim Patris deferit, neque amplius eam habere vult tamquam suam. Diximus in genere id æquum esse, nam in specie fieri potest, ut aliquando Pater si non filiis, saltem uxori sit præferendus; quod quidem facile est ostendere iisdem argumentis, quibus contrariam sententiam adstruximus. Huc accedit quod cum Juris naturalis universalis regula sit, ut id æquum & justum esse dicatur, quod Patriæ suæ, quod universo hominum generi in collisione majus affert emolumentum, fieri potest ut in emergente necessitate & Legum collisione, Patrem non dicam uxori, sed & filiis ipsis præferre, aliquando maximum sit & insigne virtutis & fortitudinis exemplum (1).

III. Cum Patris officium sit ea omnia agere, sine quibus filii sui educationem & perfectionem obtinere nequit, naturaliter eum alteri in adoptionem dare non prohibetur, si id educationi & fortunæ filii sit utile iis legibus, quas contrahentes statue-

I 4

(1) *Vid. infra De Jure necessitatis.*

rint, quae tamen ultra pubertatem (1) filii, de qua infra dicemus, non durant; patriam enim potestatem in alium transferre non licet ultra id tempus quod est a naturali Lege definitum. Cum autem adoptio actus moralis sit, nemo jure naturali filium filiamve adoptare prohibetur, dummodo is sit qui adoptivi filii assumptam educationem perficere juxta naturalis Legis praeceptum possit (2).

(1) *Discord. Romani Jurisconsulti, apud quos Filius sub patria erat potestate usque ad obitum Patris nisi emanciparetur, aut legum efficacia liber factus esset. Vid. Inst. Tit. Quib. mod. jus patr. potest. solv.*

(2) *Discord. Rom. Leges in §. 4. et 9. Instit. Tit. De Adopt. L. 17. §. 3. ff. eod. per quas adoptare prohibetur qui plena pubertate non antecedit adoptatum, idest decem et octo annis, aut sit in universum ad generandum inhabilis. Item adoptare non potest femina, aut qui liberos habeat in legitimo matrimonio progenitos, nisi beneficium Principis accedat, aut aliud graves causae suadeant. Quae quidem licet non improbanda nullo tamen naturalium Legum innituntur fundamento: quod enim ajunt Adop-*

§. 3. De Peculio.

Quamvis obligatio Parentibus imposita sit ut propriis impensis alant & educent liberos, attamen si nonnulla quae a Parentibus praestanda essent, ipsi per se consequi possint, obligatio cessat saltem pro ea parte, qua se liberi exhibere possunt (1) praesertim si necessitas id exoptulet, nec ullum educationi detrimentum afferatur. Inde Jus Parentum in operas liberorum tam obsequii quam ministerii; alterae enim pietatis sunt, alterae Justitiae.

Quapropter bona quae fortasse filio sub potestate Patris constituto aliunde obvenierunt, puta ex Testamento, Donatione &c. naturaliter sunt in usufructu Patris,

tionem naturam imitari in genere falsum est; quippe adoptator loco Patris habetur non quod ad generationem, sed quod ad obligationem filii alendi et educandi, quae simul cum patria potestate in eum translata est; ad educationem autem perficiendam nil facit vel generandi impotentia, vel adoptantis sexus, vel legitimi filii supersites.

(1) Concord. L. 5. §. 7. ff. De Agnoscend. et alend.

quatenus tamen iis utitur ad educationis exigentiam, sunt autem in dominio filiorum, atque adeo a Parentibus administrari, non vendi non oppignorari (1) possunt, nisi fortasse actus istiusmodi in manifestam liberorum utilitatem vergant, quae quidem una paternae potestati fines praescribit. Civiles igitur sunt tam veteres quam novae Romanorum de peculio Filiorum Leges, licet recentiores quae deinceps a temporibus Julii & Augusti latae sunt ad Jus naturae propius accedant (2).

(1) *Concord. L. 4. et 6. Cod. De Bon. quae liber. L. 2. Cod. De Bon. Matern. Nov. 22. Cap. 24.*

(2) *Dum stetit Rom. Respublica omnia sine exceptione Parentibus acquirebant filii familias tamquam servi. Summa rerum ad Caesares delata, et imminuta paulatim patria potestate, filiorum familias peculium divisum est in militare et paganum, alterum quod Castrense, et quasi Castrense dictum est proprium filiorum esse placuit ut de eo statuere possent ex sententia Inst. Tit. pr. Quib. non est permifs. fac. test. L. 1. §. 15. ff. De Collat. L. 2. ff. De Senatusconsult. Macedon. Vid. L. 11. ff. De Castr. pecul. L. 1. Cod. eod. L. ult. Cod. De*

Jus autem paternum in bona filiorum naturaliter cessat simulac ad eam aetatem pervenerint, qua possint & ea recte administrare & fructus colligere, eosque ad usum vitae juxta naturalis Legis praescriptum convertere: quin etiam si summum naturae jus spectes, ratiocinia administrationis reddere Parentes deberent, a quibus tamen ut eximantur pietatem filiorum decet.

inoff. Testam. L. 4. & 14. Cod. De Advocat. divers. Jud. Alterum vero, quod in profectitium & adventitium dividebatur, filiis proprium concessum, solo usufructu Patri relicto. §. 1. Inst. Tit. Per quas Person. cuique acquir. L. 4. & 6. Cod. De Bon. quae liber. Haec tamen omnia fere ubique in desuetudinem abierunt, nam apud multas Gentes & adventitia omnia, & castrensia & quasi castrensia filii sibi non patri in solidum acquirunt, servata tantum ex aliqua parte antiqui Juris dispositione in peculio profectio, ad quod commodè reducitur quidquid filii in familia patris constituti, eiusque innutriti impensis vel suis operis, vel ex re patris lucrantur. Id itaque Parentibus cedit potius ob alimentorum compensationem, quam ex antiquo Patriae potestatis jure.

§. 4. *Quandonam cesset Patria potestas.*

Statim ac liberi ad moralem pervenerint pubertatem, scilicet cum naturalibus Legibus actiones proprias conformare & probe intelligunt & possunt sine ope parentum, finitur patria Potestas, eo enim tempore corrui omnino Paterni Imperii fundamentum (1).

Natura certos fines moralis & physicae pubertatis non statuit, atque adeo in civitate ab arbitrio Legumlatorum pendent. Apud nos natura, non parentum voluntas, non Lex filios emancipat & a patria liberat potestate; cum enim pubertatis moralis annos attigerunt perfecti homines sunt, nullaue alia Lege quam naturali diriguntur. Uno verbo si nulla Patris ope indigeant nati, nulla est etiam patria potestas. Non tamen ab obsequio, reverentia, ceterisque naturalibus erga Parentes officiis liberantur filii sui juris facti, ea enim immobilia sunt

(1) *Id veluti corollarium §. 3. n. 5. assumi potest, nec demonstratione indiget.*

& perpetua, quandoquidem maximis beneficiis nulla par gratia nisi perpetua.

Si quis tamen maturo consilio pollens, & viribus corporis praestans, attamen in familia Patris immorari velit, & ex paternis innutriti bonis quamdam quasi contrahit societatem, cuius obiectum est, ut collatis viribus familiae felicitas promoveatur, in quam si adscisci velit filius jam puer factus, iis legibus obtemperet oportet, quas societatis caput, sive Pater constituerit, quas si infringat filius Patri jus esse eum a societate expellendi ex supra positis principiis facile deducitur. Ne Leges tamen in familia constituentur, quae societatis consilio, atque adeo sociorum omnium felicitati adversentur Lex naturalis jubet. Inde factum est ut in Civitate mutua officia inter Parentes & liberos in eadem familia degentes certis legibus definiantur, ut Civitatis germina, quae in privatis familiis quasi in seminario conferuntur & crescunt, publica auctoritate protecta, in firmas adolescant plantas, quae in Civitatem translata fructus edant ad communis boni emolumentum,

Filia igitur nubens a paterna potestate omnino eximitur tum quod maturum eius consilium ipsae nuptiae demonstrant, tum quod paterna ope non indiget, cui viri sui communia sunt bona, tum quod non ad paternum arbitrium, sed juxta conjugalis societatis leges actiones suas determinare debet. Mortuo viro soboles est sub imperio matris, non avi paterni, quod omnino civile est (1).

§. 5. *De Tutela.*

I. At si eveniat ut liberis nondum ad pubertatem moralem deductis ambo Parentes decedant vel ob quamcumque causam educare filios non possint, Tutelae fit locus. Est autem Tutela obligatio naturalis educandi alienos liberos impuberes ex generali officiorum lege erga alios descendens. Impuberes filii parentibus orbat *Pupilli*, qui eorum curam suscipiunt *Tutores* dicuntur, quasi tuitores & defensores (2). Obligatio naturalis universos homines comple-

(1) *Vid. §. 3. Inst. Tit. De Patr. potest.*

(2) *§. 2. Inst. Tit. De Tutel.*

ditur, ergo educatio impuberum ad omnes homines aequè spectat (1). Si generali obligationi specialis aliqua accedat, arctiori obstringuntur homines vinculo: ad officia praestanda humanitatis tenentur omnes, specialius cognati inter se generatim obligantur, ergo si cognati velint in tutela praefereudi, non tamen cogendi jure naturae (2)

II. Quia tamen beneficium nemini invito obtrudendum, si pater decedens Tutorem designaverit, atque is demandatum munus acceptet, obligatio cognatorum cessat, atque adeo jus ad tutelam, praesumitur enim Pater liberorum utilitati & fortunae abunde consuluisse (3).

(1) Vid. §. pen. Inst. De Atilian. Tutor. L. pr. ff. De Minor.

(2) L. 1. pr. ff. De Legit. Tutor. L. 6. ff. eod. L. 1. Cod. eod. Inst. tot. Tit. De Legit. agnat. tutel. Grotius Lib. 2. Cap. 22. §. 12. asserit infantium tutelam naturam esse nullius, & cedere occupanti & idoneo.

(3) Exinde testamentaria tutela Legibus confirmata si modo supremum defuncti judicium perfectum fuerit L. 2. & 3. Cod. De confirm. Tut. L. 27. & 31. ff. De Test. Tutel.

III. Et cum tutela beneficium sit, atque adeo imperfecte debitum, in statu naturae nemo ad tutelam suscipiendam cogi potest. Expedit tamen in Civitate ut quod imperfecte debetur, perfecte debitum lege jubente fiat (1).

§. 6. *De mutuis Tutorum et Pupillorum officiis.*

I. Tutelae obiectum educatio, nulla educatio sine imperio saltem patrio; ergo Tutori competit in pupillum Jus patriae potestatis, atque adeo pupillus Tutori omnia officia debet, quae patri.

II. Tutela beneficium est; ergo Tutor non aere proprio impensas educationes facere tenetur, sed ex bonis Pupillorum si habeant,

(1) *Huic rationi accepta referenda tutela dativa a Romanis introducta, & quae apud Gentes fere omnes valet; interest enim Reipublicae ut pupilli & recte educantur, & ab improborum defendantur insidiis. Vid. Tot. Tit. ff. De Tutor. & Curat. & Tit. Qui pet. Tut. & Cur. Quapropter aequum est, ut tutela muneribus publicis accenseatur, nec multi sint qui ab eo munere obaundo excusari possint.*

habeant, si vero iis careant officio suo functus est si pupillos in actibus beneficis praestandis ceteris omnibus anteponat (1)

III. Nemo laedendus generali Legis praecepto, & cuiusque status internus & externus perficiendus. Ad haec omnia Tutor tenetur erga Pupillos speciali obligatione; factum enim proprio cum iis contraxit, & pupillorum consensus in re utili praesumitur. Hinc sollicitudo Tutorum circa bonorum administrationem, educationem &c. derivatur. Uno verbo, quae agenda vel non agenda sint a Tutoribus circa res & personam Pupilli, ab una Pupilli utilitate praescripta sunt & definita (2).

Tomo II.

K

(1) *Concord. L. 3. pr. ff. Ubi Pupill. educ. l. 2 Cod. De Aliment. pupill. praest. L. 3. ff. De Administr. & peric. Tutor.*

(2) *Hac regula innituntur Leges omnes, quae in Titulis Pandectarum praecipue congestae sunt De Auctor. & consens. Tutor. De administr. & peric. Tutor. De reb. eor. qui sub tutel. &c. in quibus pecuniaria in multis casibus officia Tutorum definiuntur, et poenae ipsis impositae ni utiliter gerant*

IV. Quapropter si quid agant Tutores, quod in utilitatem pupillorum non vergat, ipso jure nullum. Si factum igitur infectum fieri possit, res & jura sua Pupillus maior factus, restituto pretio vel eo quod interest, vindicabit; si de facto transeunte agitur, Tutor damnum illatum reparabit (1).

V. Hinc fit ut bona Tutoris naturali-

Pupilli negotia, quae particulatim exponuntur. Eae tamen Leges vel Juris Romani sunt omnino propriae, vel a Regula descripta pendent.

(1) Hinc apud Romanos in alienat. immobil. Decretum Judicis requirebatur, quae Lex apud multos & nostris temporibus valet. Vid. Interpr. ad Tit. ff. De rebus eor. qui sub tutel. Eodem Rom. Jure competit pupillo & haeredi eius Actio directa Tutelae, cuius obiectum illud est ut pupillo & res suae praestentur, & quod interest, seu damnum quod evenit, & lucrum quod cessavit ex eo quod a Tutore ex officio gestum non est L. 1. pr. ff. De Tutel. & Ration. distr. L. 4. & 7. Cod. Arb. Tutel. Tutor enim de dolo, lata, & levi culpa tenetur L. 1. pr. ff. De Tutel. & rat. distr. L. 23. ff. De Regul. Jur. L. 7. Cod. Arbitr. Tutel.

ter obligara sint pupillo, nisi aliter Leges de Pupilli indemnitate caverint (1).

VI. Quae de Tutoribus diximus ea de Curatoribus etiam intelligenda sunt, qui jus habent administrandi bona minorum, vel eorum hominum, qui ob vitium mentis vel corporis rebus suis ipsimet praeesse nequeunt.

VII. Cum tam Tutela, quam Cura ob id a naturali Lege praecepta, ne ii quorum nondum maturum consilium est detrimentum in statu interno vel externo patiantur, sequitur obligationes Pupillorum & minorum invalidas esse nisi Tutorum aut Curatorum auctoritate & consensu firmen-

K 2

(1) *Concord. L. un. §. 1. Cod. De Rei uxor. action. L. 20. Cod. De Administ. Tutor. L. 7. §. 5. in fin. Cod. De Curator. Furios. vel prod. Nec eorum bona a tacita Hypotheca liberantur nisi postquam ad finem perductis negotiis illis, quae durante adhuc impubere aetate inchoata erant, finita tutela rationem reddiderint L. 5. §. 6. L. 7. §. 1. ff. De Administ. & pericul. Tutor. L. 13. ff. De Tutel. & rat. distr. L. 10. ff. De suspect. Tutor.*

tur. (1) Si tamen actus eorum in propriam vergant utilitatem ratio invaliditatis cessat (2).

VIII. Qui Tutelae finem & obiectum ob quodcumque vel physicum vel morale impedimentum consequi nequit naturaliter a Tutela excluditur (3).

(1) *Concord. tot. Tit. ff. De Auctorit. & consens. Tutor. In Civitate tamen, ubi aetas pupillaris ultra moralem pubertatem extenditur non ambigitur Pupillum si non civiliter, saltem naturaliter obligari, & ab eo fidem servandam si maturo consilio, nullaue fraude aut calliditate deceptus obligationem contraxerit, quod quidem & Romanae Leges tamquam aequitati naturali consentaneum admittunt L. 1. §. 1. ff. De Novat. L. 44. ff. De solut. L. 25. §. 1. ff. Quando dies leg. oed. L. 21. pr. ff. Ad Leg. Falcid. Quapropter & pro Pupillo valide Fidejussor intervenit L. 95. §. 4. ff. De solut. L. 35. De Recept. qui arbitr. recep. L. 127. ff. De verb. obligat.*

(2) *Concord. Princip. Inst. Tit. De Auct. Tutor. L. 9. pr. ff. eod. §. 9. Instit. De Inutil. stip. L. 1. §. 3. ff. De Acquir. vel amitt. possess. L. 11. ff. De Acquir. rer. dom.*

(3) *Vid. Nov. 94. Cap. 1. L. 10. §. ult. ff. De Testament. Tutel. L. 4. Cod. Qui dare Tutor. L. 7. §. 1. ff. De Testament. Tutel.*

IX. Cum Tutor Patris vicem gerat patet officio suo iam functum quo tempore patria cessat potestas, nempe cum Pupillus ad moralem pubertatem pervenerit.

X. Tunc ad ratiocinia reddenda tenetur (1) & ad damnum pupillo dolo vel

K 3

L. 1. §. penult. & ult. L. penult. ff. De Tutelis. L. 40. pr. ff. De excusat. ubi recensentur qui jure Romano Tutores esse non possunt; quibus accensendi & suspecti Tutores, qui nempe vel non ex fide tutelam gerunt, vel non gesturi praesumuntur, cuius rei judicium in Civitate magis ad Magistratus arbitrium, quam ad Legum definitionem pertinet.

(1) Concord. L. 9. Cod. Arbitr. Tutel. L. 1. ff. De Tutel. L. 7. §. ult. ff. De Administr. & pericul. Tutor. L. 5. ff. cod. L. 3. §. 7. ff. De contr. tutel. & util. act. Itaque naturali rationi consentanea Romana Lex, quae jubet ne quidquam geratur aut attingatur ex rebus pupillaribus ante inventarii seu repertorii descriptionem L. 7. pr. ff. De Administr. & peric Tutor. L. 24. Cod. eod. L. ult. §. 1. Cod. Arbitr. Tutel. Novell. 94. in epilog. quae quidem adeo necessaria est, ut nec a Patre Tutori remitti possit, Praetor

culpa datum reparandum, tum quod omnes homines ad id praestandum aliis obligantur, tum quod Tutores speciali obstringuntur erga Pupillos vinculo.

XI. Et quia nemo locupletior fieri debet cum aliena jactura ut impensas omnes utiles Tutorum pupilli reficiant Lege naturali jubentur (1). Haec omnia & de Curatoribus intelligantur oportet.

§. 7. *De Dote.*

Quidquid uberrime circa dotem disse-
ritur vel ad Leges civiles spectat, vel ad
mutuas promissiones, & pacta quae acce-
dere possunt coniugali societati, ex cuius

*enim, inquit Tryphoninus, sequitur Pupillo-
rum utilitatem, non scripturam Testamenti
L. 10. ff. De Confirm. Tut. Et quidem me-
rito pupillorum utilitati eo pacto consultum est,
cessante enim Inventarii necessitate nec ratio
constare potest, nec interversioni & suppres-
sioni rerum pupillarium ullo alio pacto occurrere
posse manifeste patet.*

(1) *Concord. L. 1. §. 4. ff. De contr.
Tut. & util. act. L. 1. pr. & §. 4. 5. & 9.
ff. De Tutel. & ration. distr. L. 3. Cod. De
Administr. Tutor.*

natura cum bona omnia tam viri quam uxoris & fructus ipsi, quos utrique afferre possunt, operae propriae tam artificiales quam industriales invicem communicentur, & utriusque impensae communes sint ad prolem alendam, educandam, perficiendam, si qua maternis bonis jura singularia sint constituta, ea vel pactis vel Legibus accepta referenda omnino sunt.

Introducitis tamen dominiis ut Parentes Filiae nubenti aliquid proprium constituent, vel ut habeat unde cum Coniuge onera matrimonii sustineat, vel mortuo Coniuge vitam sustentare possit, maxime decet; Reipublicae enim interest, inquit *Paulus* Jurisconsultus, mulieres dotes salvas habere propter quas nubere possunt (1).

Id tamen nec vir, nec filia ei nubens per vim exigere naturaliter possunt, quippe Parentum officium conditionale atque adeo imperfectum est, & arbitrio eorum relin-

K 4

(1) *L. 2. ff. De Jur. Dot. L. 18. ff. De Reb. auct. Jud. possid. L. 1. ff. Solut. Matr.*

quendum an Dotem velint nubenti filiae constituere. Quin tantum abest quod Dotis constitutio sit naturali Lege praecepta, ut adhuc sint Gentes apud quas vir pretium patri solvit, ut sibi liceat eius filiam uxorem ducere. Lex tamen civilis impense laudanda, quae officium Parentum imperfecte debitum ad perfectam redigit obligationem, ad Civitatis enim propagationem, perpetuitatem, & potentiam matrimonia pertinent (1).

Si igitur nova nupta marito nomine

(1) *Jure Rom.* Pater etiam invitus cogitur dotem dare filiae nubenti L. ult. Cod. De Dot. promiss. L. 6. ff. De Collat. L. 19. ff. De Rit. Nuptiar. Eodem pacto dotem dare coguntur interdum Avus paternus, Frater germanae sorori & consanguineae, et aliquando etiam mater ex bonis propriis cit. L. 6. De Collat. L. 14. Cod. De Jure Dot. Argum. L. 12. §. 3. ff. De Administr. et peric. Tutor. A naturali vero aequitate omnino alienum est ut Pater etiam mediocris fortunae filiam locupletem dotare cogatur L. ult. Cod. De Dot. promiss. L. 69. §. 4. ff. De Jure dot. Vid. Jo. Vi&. Bandau. Dissert. De Dote Filiae locuplet.

Dotis bona propria afferat nulla intercedente conventionē, quid juris sit ex societatis conjugalis natura facile eruitur; si de Dote paciscantur inter se, aut in Civitate Leges aliquid constituent, uti inter coniuges convenit, vel uti Leges praeceperunt (1), ita jus esto.

(1) Jure Romano sublata est naturalis inter coniuges bonorum communio, quae tamen apud multas gentes valet, et rerum dotalium tantum ususfructus concessus marito ad sustinenda onera matrimonii; atque adeo jura et obligationes mariti circa Dotem iis regulis facile ponderantur quas supra posuimus cum de Possessore bonae fidei, et ususfructu dictum est; maritus enim non differt a fructuario, cui jus utendi fruendi rebus dotalibus competit salva substantia. Quapropter si pecunia numerata vel res mobilis aestimata in dotem data sit dominium plenum in maritum transferatur necesse est, nullo enim alio pacto ex re dotali fructum percipere posset, nisi ipsi jus esset rem per se sterilem in fructiferam convertere. Non idem dicendum de re immobili aestimata, nec enim aestimatio venditionis loco statim haberi potest, et quid sibi voluerint coniuges ex pacto dotali deducendum. Vid. L. 10. §. 5. L. 14. 15. 16. 17.

§. 8. *De Testamentis.*

Expositis mutuis eorum officiis, qui in eadem familia degunt, de Testamentis dicendum, iis enim familiae felicitati & sustentationi consulitur.

§. 1. L. 25. ff. *De Jure Dot.* L. 18. L. 69. §. 7. et 8. ff. *eod.* L. 11. ff. *De Fund. Dotat.* L. 50. et pen. ff. *Solut. Matrim.* Itaque si maritus tamquam fructuarius juxta Romanorum conceptum assumatur, facile quidem intelliguntur quae abunde docent Jurisconsulti in titulis ff. *De Jure Dotium*, de Pactis dotalibus, de Fundo dotali, de Dotis restitutione soluto matrimonio, et de paraphernalibus et receptitiis uxoris bonis, quae nempe nomine dotis marito data non sunt, atque adeo uxoris propria esse debere constat. Vid. L. 9. §. 3. ff. *De Jur. Dot.* Ceterum si jus Naturae species cum numerata pecunia, vel aestimata res venditionis loco marito nomine dotis data est, atque adeo rei dotalis dominium in eum translatum, ut uxori tacita hypotheca in maritalibus bonis acquiratur a die constitutae Dotis aequum est, non autem ut ceteris etiam Creditoribus qui tempore anteriores sunt et jure potiores praeferatur, quod tamen Romana Lege statutum est L. 17. §. 1. ff. *De Reb. auct. Jud. possid.* L. 14. ff. *De Jur. dot.* L. ult. Cod. qui pot. in pign. et hypoth.

I. Itaque si huc revocentur quae de origine proprietatis, & de Juribus quae ex ea orrum ducunt alibi diximus, nulla suborietur dubitatio an Jure naturae liceat Testamentum condere; ea enim est proprietatis vis & natura, ut bona quae juris privati facta sunt ad communionem primitivam redire nequeant nisi domini expresso aut tacito consensu, qui jus suum in alium transferre quibuscumque appositis conditionibus potest. Si velit igitur quod proprium habet ita in alium transferre, ut translationis acceptatio fiat post mortem suam quamnam naturae Legem violabit? At ut valida promissio vel donatio sit, aiunt nonnulli, synchrona debet esse acceptatio, at non video cur quis & promittere & donare valide non possit ea conditione ut donatio vel promissio valida sit simulac acceptatur etiam antequam acceptationis notitia ad donantem vel promittentem pervenerit (1), atque adeo cur dominium rei suae in alium

(1) *Vid. supr. P. 1. Cap. X. §. 9. pag. 292.*

transferre non possit ea conditione, ut haeres translationem post mortem acceptet, quisque enim potest translationi rerum suarum conditionem quam voluerit apponere (1).

Aiunt etiam Testamentum per se nullum, quod nihil juris in haeredem transferat cum sit ad nutum conditoris revocabile, quod tamen falsum est; quamvis enim voluntas mutabilis sit, attamen cum fieri possit ut non immutetur, jus haeredis designati hypotheticum quidem est, attamen jus dici potest, quod utilitatem aliquam habet adnexam: nam quisque licet probe noverit fore ut Testamentum revocetur, ta-

(1) Qui afferunt acceptationem synchronam esse debere cum translatione juris nullum sententiae hujusmodi afferunt argumentum, parumque sibi constare videtur Pufendorffius qui postquam affirmavit validam esse promissionem aut donationem quam quis accepit post mortem Promittentis, Testamenta non valere pronunciavit Jure Naturae quod translatio juris synchrona esse debeat cum acceptatione. *Vid. Lib. 3. Cap. 6. §. 15. et Cap. 9. §. 4. Lib. 4. Cap. 10. §. 6. sub fin.*

men haeres scribi veller, & spem saltem, & jus, ut aiunt, eventuale acquirere; quod sane in myltis vitae conditionibus tamquam pretio aestimabile emitur venditur, & cum pecunia permutatur, uti supra de contractibus aleam continentibus docuimus (1).

Quod autem attinet ad Testatorem, actus per se perfectus est nisi voluntatem immutet, quapropter acceptatio tunc fieri debet cum voluntas immutabilis est, nempe post mortem. Non recte igitur judicasse videntur qui docent contra naturam esse ut qui jam decessit de rebus suis statuât, nam reipsa dum viveret de iis statuit, & bona sua omnia in alium transtulit ea conditione & ut translatio esset revocabilis, & ut non acceptaretur nisi post mortem (2).

(1) *Vid. P. I. Cap. XI. §. 22.*

(2) *Vid. Coccejum De Testam. Princip. Budd. Select. Jur. Natur. et Gent. Leibnitz. Nov. method. Jurisprud. Lib. 2. Cap. 2. Barbeyr. ad Pufend. Lib. 4. Cap. 10. §. 2. qui omnes sententiae nostrae subscribunt. Contrariam sententiam amplexi sunt Pufend. loc. cit. Bynkershoek Observ. Jur. Rom. Lib. 2.*

Itaque expressa declaratio voluntatis nostrae de translatione dominii rerum nostrarum, & de iis, quae fieri volumus post mortem ea conditione ut acceptatio post ipsam mortem fiat, dicitur *Testamentum*.

Tunc igitur Testamentum validum est cum voluntas sit immutabilis.

Dummodo de voluntate Testatoris manifeste constet, Testamentum validum est, atque adeo Testamentorum solemnia civilia omnino sunt, & juxta locorum & temporum condiciones mutabilia. De alterius

Cap. 2. Gundlingius Jus Nat. ac Gent. Cap. 20. §. 52. Heineccius Elem. Jur. Natur. et Gent. Lib. 1. Cap. 10. §. 286. qui docet per pactum tantum inter vivos translationem rerum nostrarum fieri posse; jus dat tamen transferenti ut sibi possessionem, dominium, et usumfructum reservet, aut etiam jus revocabile transferat. Non video in quo translatio istiusmodi differat a Testamento, in ea enim acceptatio synchrona est et expressa, actus tamen est revocabilis, Heineccio fatente, in hoc autem et actus est revocabilis, et acceptatio legitime praesumitur. In quo autem differt legitime praesumpta acceptatio a vera et expressa?

voluntate constare nisi per testes aut scripturam potest, ergo Testamentum naturaliter est vel nuncupativum, vel in scriptis.

§. 9. *De Haeredis officiis & juribus.*

Is apud quem rerum suarum dominium est, habita ratione jurium & obligationum, quae ex dominio ortum ducunt, haberi potest tamquam persona moralis, de qua jura & obligationes illae praedicantur. Cum igitur quis transfert in alium dominium rerum suarum, personam quodammodo hanc moralem exuit, eaque induitur, sive eius personae vicem gerit qui translationem accipiat. Nova haec Persona moralis, quae transferentis Domini personam repraesentat quod ad jura tantum & obligationes, quae ex dominio ortum ducunt *Haeres* dicitur, universitas autem rerum translatarum *haereditas*. (1)

§. 10. *Ex haeredis natura & indole
consecutaria.*

I. Haeres igitur quisque fit statim ac

(1) *Concord. L. 6. ff. De Reg. Jur. L. 24. et 208. ff. De Verb. Sign.*

facto vel verbo translationem acceptavit (1).

II. Cum haeres personam defuncti repraesentet tantum quod ad bona relicta, atque exinde derivantia jura & obligationes, sequitur jura & obligationes personales (2) ad haereditatem non pertinere.

(1) Quapropter idem tam additionis, haereditatis, quam gestionis pro haerede effectus §. 7. Instit. De Haered. qual. L. 20. pr. ff. De Acquir. vel amitt. haered. L. 1. Cod. De repudiand. vel abstinend.

(2) Nisi tamen obligationes personales in reales resolvantur, ut ecce si defunctus alicui damnum dolo vel culpa sua dederit, cum enim testator deliquit, vel quasi delicto damnum dedit, jam caepit debere, atque adeo debitum in haeredem transfertur. Quapropter merito et Canonico Jure est jus antiquum Romanorum emendatum, et in foro moribus fere ubique receptum, ut ei qui ex dolo defuncti contrahentis, vel delinquentis laesus est adversus haeredem in solidum ad indemnitatem actio detur. Vid. §. in fin. Inst. De Perpet. et temp. Action. L. 1. pr. ff. De privat. delict. L. 111. §. 1. ff. De Regul. Jur. §. 9. Inst. De Leg. Aquil. ubi ex dolo defuncti tunc tantum haeres damnatur, cum vel lis cum ipso defuncto fuerit

III. Et quia tantum juris acquirit haeres in bona relicta, quantum defunctus habebat, si aes alienum equiparat haereditatis universitatem, jus haeredis est nullum, quippe quod a respondentibus obligationibus extinguitur. Si bona omnia exhausta sint Persona moralis, quae defunctum quod ad bona repraesentat, evanescit, & jura & obligationes omnes expirant. Naturaliter igitur nullus haeres ultra vires haereditatis tenetur (1). Ut autem constet an jura omnia haeredis ab obligationibus extinguantur, naturaliter si haereditas aere alieno gravata

Tom. II.

L

contestata, vel aliquid lucri ad eum ex defuncti dolo pervenerit. L. 23. §. 8. ff. Ad Leg. Aquil. L. unic. Cod. Ex delict. defunctor.

(1) *Discord. L. 119. et 178. §. 1. ff. De Verb. signif. L. 3. pr. ff. Ad Leg. Falcid. L. 3. pr. ff. De Bonor. possess. L. 8. ff. De Acquir. vel omitt. haered. ubi qui se haereditati immiscuerit, aut eam adierit interdum relinquendae facultatem amplius non habuit, & aeri alieno obligabatur etiamsi haereditas solvendo non esset.*

fit Inventarium conficiendum omni culpae & doli suspicione remota (1).

§. 11. *De Testatoris officiis.*

Id Lex Naturae praecipit ut quisque de Dominio rerum suarum transferendo ita statuat, uti officia exigunt.

Id eadem Lex praecipit ut liberi paternis impensis alantur & educentur, eorumque felicitas quantum fieri potest promoveatur.

Si quaedam igitur bonorum pars sive liberorum educationi, sive felicitati promovendae sit necessaria ea liberos privare patet jure naturae prohibetur.

Inde Jus pupillorum absolutum ad successionem in aliquam ex paternis bonis par-

(1) *Vid. L. ult. Cod. de Jure deliber.* qua jus antiquum est emendatum; si enim servatis solemnibus haeres rerum omnium haereditarium inventarium conscripserit in tantum Creditoribus tenetur in quantum res ad eum devolutae valeant. Civile tamen est ut si haeres Inventarium conficere neglexerit ultra vires haereditatis teneatur; nam si jus Naturae spectes, bonis defuncti exhaustis, liberabitur, nisi forte negligentia sua alteri damnum dederit.

tem donec ad eum statum redigantur, quo possint juxta Legis praescriptum sibi consulere; eorum autem qui ad moralem pubertatem pervenerint jus est imperfectum; nam Patris judicio relinquendum an bonorum accessio aliqua verae liberorum felicitati allatura sit emolumentum; quod quidem ut probe intelligatur huc revocanda sunt quae supra de morali pubertate diximus. Si enim adhuc ope paterna indigeant liberi nec pubertatem moralem attigisse, nec a parentibus aliqua bonorum parte privari posse sine piaculo manifeste patet (1). In collisione autem patrum est officium pupillos maioribus liberis anteferre, eorum enim indigentia est absoluta, horum vero hypothetica.

Statuendum igitur videtur Parentibus absoluto Naturae jure praeceptum esse, ut impuberibus filiis eam bonorum partem re-

L 2

(1) Hoc innititur fundamento legitima pars haereditatis liberis relinquenda jure Romano introducta. Vid. L. 8. §. 8. ff. De inoff. testam. Nov. 18. cap. 1.

linquant, quae saltem eorum educationi sufficiat, puberibus vero hypothetica, nam obligatio conditionata est.

§. 12. *Ex Testatoris officiis consuetaria.*

I. Ergo nec Legata per se, nec ipsa exhaereditatio puberum liberorum naturali Legi adversatur si intra fines ab ea praescriptos fiat (1).

(1) *Apud Rom. exhaereditatio expressam habere probatamque causam debet. Justae vero exhaereditationis causae, ob quas liberis querela inofficiosi Testamenti denegatur, recensentur in Novell. 115. Cap. 3. Christianus Wolfius Jur. Nat. P. 8. §. 985. contendit ascendentibus & descendantibus ad mutuas inter se in bona relicta successiones jus esse perfectum, speciali enim ait devinctos esse obligatione ut alter alterius felicitatem promoveat. At cuinam statuendum qua fortuna quisque indigeat ad veram felicitatem assequendam? Nonne Testatoris arbitrio & judicio id relinquendum? At nec sibi constat Wolfius, qui haec asserit, concedit enim & ascendentes & descendentes legata in supremis tabulis scribere posse, quod tamen illicitum esset, cum Legatum sit diminutio haereditatis, ad quam ex Wolfii sententia inter ascendentes & descendentes est jus perfectum.*

II. Haec facile ad eos qui Parentum loco sunt, nempe ad maiores & ascendentes referuntur, ad eos enim Tutela naturalis recidit, atque adeo officia omnia paterna.

III. Ex iis quae supra docuimus de liberorum & parentum officiis (1) sequitur naturalem pietatem decere ut Pater in bona filii succedat jure Naturae saltem hypothetico, si filius sine liberis & uxore decesserit.

IV. Quapropter nec exhaereditio parentum est absoluto naturae juri contraria (2).

V. Igitur Parentis aut filii puberis praeteritione Testamentum jure naturae non rumpitur (3): secus si filius impubes praeteritus sit a Patre, sive ab iis qui loco Parentum sunt.

L 3

(1) *Cap. 17. §. 2.*

(2) *Discord. L. 15. pr. ff. De inoff. Testam. L. 7. §. 1. ff. Si tabulae testam. null. Novell. 1. pr. §. 2. Citata tamen Novell. 115. Cap. 4. §. 1. indicantur causae ob quas licite & parentes a filiis exhaereditari possunt.*

(3) *Discord. L. 1. 3. & 5. ff. De inoff. Testam. Novell. 115. Cap. 3. & 4. pr. L. 7.*

VI. Si Parentum ad bona liberorum, liberis puberibus ad bona Parentum decedentium est jus imperfectum, multo magis collateralium jus imperfectum erit quod ad successiones inter se. Id ratio naturalis suadet ut in collisione beneficia conferantur iis, qui cum nobis & humanitatem habent communem, & speciali cognationis vinculo sunt obstricti. Collaterales igitur praeferendi ceteris hypothetice, si nempe diligentius naturalibus officiis functi fuerint, atque adeo potiori loco habendi sint quam ceteri homines.

§. 13. *De successione ab intestato.*

Hisce principiis innituntur successiones ab intestato, quae veluti testamenta praesumpta haberi possunt (1); ex eo enim quod

ff. De Liber. & posthum. L. 16. §. 1. in fin.
ff. De vulg. & pupill. substit. pr. Inst. De Exhaered. liber.

(1) *Illud hic loci animadvertendum est quod fere ii omnes qui Testamenta jure Naturae consistere posse negant, concedunt tamen naturali Legi esse consentaneum, ut is in defuncti intestati bona succedat qui charior de-*

quis intestatus decesserit non legitime praesumi potest bona sua primo occupanti derelinquere voluisse.

Praesumitur tamen legitime unumquemque officia etiam imperfecte debita exsequi voluisse, nisi contrarium manifeste appareat. Itaque beneficentia est jure naturali praecepta: in beneficiis praestandis qui nobis speciali vinculo obstricti sunt praefereendi ceteris, ergo intestatus praeferre voluisse praesumitur eos cum quibus speciali obligationis vinculo erat coniunctus, atque adeo eos qui ipsi chariores essent. Id etiam est humanae naturae apprime conveniens, quippe sponte ferimur omnes ad rependenda beneficia si maxime officia humanitatis erga alios cum nostris obligationibus amplius non collidantur; nec naturaliter prae-

L 4

functo fuerat, & quem ipsa veluti naturalis affectio ad successionem vocat, sic enim, ajunt, defunctus praesumitur voluisse. Itaque plus valere putant praesumptam quam testamento expressam voluntatem; quod quidem & ridiculum & absurdum est.

fumi potest eum qui decessit hominem non habuisse quem alteri praeferre vellet.

§. 14. *Principium generale de successionibus ab intestato.*

Si quis intestatus decedat is in bona eius succedat Natura jubet, qui defuncto charior est, & ad cuius felicitatem promovendam speciali obligationis vinculo obstringebatur (1).

At quis iudicium feret, maxime si nullus sit filius impubes, quem unum ad paternae haereditatis saltem partem aliquam jus habere perfectum diximus? Et si quis etiam sit iudex quinam hominem defuncto chariorem, & qui prae ceteris jus ad beneficentiam habeat, discernet? Necesse igitur est ut in Civitate Leges successiones ab intestato regant & moderentur, quae ab aequitate naturali minimum recedere videbun-

(1) Exinde fit ut multoties amicus qui maxima in nos contulit beneficia, perpetuoque nos amore prosecutus est cognato aut consanguineo praeferendus esset Naturae Legge jubente.

tur si Legumlatores praesumant homines omnes officia naturalia expleturos fuisse, si potuissent, eumque praeferant in successione, quem Natura ipsa in beneficiorum praestatione praeferendum in collisione jubet. Id praestant pleraeque Romanorum de successione ab intestato Leges a quibus tamen pleraeque Gentes pro parte saltem recesserunt (1).

§. 14. *Ex principiis circa Testamenta positis consuetaria.*

I. Cum igitur excepto filii impuberis jure quod ad bona parentum, nullus sit qui jus perfectum habeat ad alienam haereditatem, jure Naturae externo quisque poterit haeredem suum ex sententia in supremis tabulis scribere, eique quibuscumque conditionibus, non ultra tamen moralem aut physicam hominis facultatem (2), haereditatem deferre, atque adeo juris haereditarii fines a Testatoris voluntate unice cir-

(1) *Vid. Novell. 112. Inst. Tit. De Haered. quae ab intest. defer.*

(2) *Vid. tot. Tit. ff. De Condition. Instit.*

cumscribuntur. Substitutiones tam vulgares, quam pupillares & quasi pupillares, & ipsa Fideicommissa ad Testamenta conditionata commode referuntur. Haec quidem omnia Naturali Legi minime repugnant, a qua est proprietas introducta, unde jus derivatur transferendi in alium dominium iis conditionibus, quas dominus ipse probavit.

II. Quod de Testamentis dicebam id & de Legatis intelligatur oportet, utraque enim sunt donationes gratuita, & iisdem regulis ponderantur. Uno verbo uti Testator expresse voluit, aut legitime praesumi potest voluisse, ita jus esto.

Si tamen publicae salutis expedire videatur, in Civitate & voluntas ipsa Testatoris, & praesumptio eius voluntatis certis limitibus definiri potest; decet enim ut summus Imperans lata lege caveat ne quis proprietatis jure abutatur in Reipublicae detrimentum & perniciem.

III. Quod ad haeredem attinet si is Testatori praemoriatur non jus haereditarium ad successores transmittit, nec enim aliquod jus absolutum sine acceptatione acquiri, nec praesumi potest Testatorem qui

te scripsit haeredem, & successoribus tuis idem beneficium conferre voluisse.

IV. Si tamen quis scripsit haeredem quem vel ob immaturam aetatem, vel ob aliquod animi vitium acceptare non posse probe noverat, aut acceptationem praesumptam sufficere voluisse dicendus est, aut irritum Testamentum scripsisse, quod est absurdum. Id de amentibus, infantibus, posthumis quos quis instituit haeredes intelligendum. Itaque eiusmodi Testamenta valere manifeste patet, quippe quorum robur & auctoritas a voluntate Testatoris pendet, quam quidem nullo alio pacto interpretari quis possit, nisi asserat eam Testatoris ipsius fuisse mentem ut ad rerum suarum translationem perficiendam acceptatio praesumeretur (1).

V. Ceterum cum in Jure Naturae una Testatoris simplexque voluntas rerum suarum translationi modum & legem dicat in-

(1) *Concord. §. 1. 2. & 3. Inst. De Haered. instituend. §. 4. De Haered. qualit. §. 26. 27. 28. De Legat. L. penult. ff. De Legat.*

stitutio haeredis ad validitatem Testamenti necessaria non est (1). Ut quis enim partim exprimat voluntatem suam, partim praesumi velit contradictionem non involvit (2). Quapropter poterit quis Legatarios tantum

L. 1. §. 2 L. 3. §. 7. ff. De Haered. instit.

(1) *Discord. Rom. apud quos Testamentum vires per haeredum institutionem accipit L. 10. & 13. §. 1. ff. De Jure Codicillor. In eo enim praecipue Codicilli a Testamento differunt, quod illi sine haeredis institutione fieri possunt, testamenta non item. Exinde introducta Codicillaris Clausula ut si solemnitatum defectu Testamentum non valeret, haeres legitimus ea exsequi cogeretur quae in Testamento scripta erant veluti si in Codicillis scripta fuissent. Vid. L. ult. §. 1. Cod. De Jur. Codicill. L. 3. in fin. ff. De Testam. mil. L. 11. Cod. de Testamentar. manumiss. L. 28. §. 1. ff. Qui testament. facer. poss. L. penult. §. ult. ff. De Legat. 2.*

(2) *Romanis in genere placuit neminem paganum pro parte testatum, pro parte intestatum decedere posse L. 7. ff. De Reg. Jur. Militibus tamen id concessum, & ex post facto etiam paganis permissum aliquando. Vid. §. 5. Instit. De Haered. instit. L. 15. §. ult. L. 24. ff. De inoff. Testam.*

designare, non autem haeredem, qui tunc in Civitate praesumitur succedere ab intestato. Distinctio igitur inter Testamenta & Codicillos Civilis omnino est, & apud multas gentes fere sunt Testamentorum & Codicillorum jura confusa.

VI. Si plures haeredes instituantur, ii omnes simul sumpti personam Testatoris quod ad eius bona repraesentant, ergo si quis eorum haereditatem adire vel non possit vel nolit idem est ac si haeres institutus non esset, pars igitur eius cohaeredibus naturaliter accrescit (1); quod & de Legatariis intelligendum.

§. 15. De Societate Herili.

Ex societate imperium, ex consensu societas, ergo servitus, sive subiectio alieno imperio, & obligatio parendi ex consensu, nempe ex pacto (2): pactum licitum hy-

(1) *Concord. L. 59. §. 3. ff. De Haeredib. Instit. L. 2. Cod. eod. L. un. §. 10. Cod. De Caduc. tollend.*

(2) *Servitus apud Romanos a captivitate bellica derivata, quod nempe arbitrarentur in bello captos & vendi & occidi posse,*

pothetice, nempe cum quis eo redigitur ut nullo alio pacto sibi necessaria ad vitae sustentationem comparare possit, nisi operas suas alteri vendat, in easque alteri imperium seu perpetuum seu ad tempus transferat (1). Jus Domini in servum, servi obligationes erga dominum voluntas paciscentium dimetitur. Nulla igitur servitus justa nisi voluntaria.

§. 16. *Ex Natura servitutis consecutaria.*

I. Jus in operas servi ex contractu perfectum: cui jus perfectum ipsi etiam jus connexum quod sibi debitum est per vim exigendi, ergo vis aliqua in servum negligentem licita. Si secus, jus domini in operas servi nullum, quod est absurdum.

& multo magis tamquam jumenta perfectae servituti, quin & dominio subigi. Inde inhumana dominorum in servos jura. Ejusmodi barbararum Gentium sententiae absurditatem suo loco demonstrabimus. Vid. §. 2. 3. 4. Inst. De Jur. Person.

(1) *A servitute differt famulatus, est enim operarum de die in diem locatio, sive permutatio diurnae operae cum mercede & alimentis.*

II. Illud praeceptum est jure Naturae, ut quis jus suum exsequatur cum minimo aliorum detrimento, ergo vis in servum licita, quae necessaria, & quae minimum ab humanitate discedat.

III. Jus igitur necandi servum illicitum (1), tum quod societatis obiecto, nempe vitae conservationi contrarium, tum quod cum jus omne singulare ex consensu sit, nemo alteri jus in vitam suam transferre potest quod ipse non habet.

IV. Et licet aliquando in bello captos occidere licitum sit id ab jure necessitatis potius quam servitutis dimanat. Ubi bellantium arma posita & vis repressa, in victos captosque nullum aliud est imperium quam civile. Sed de servitute bellica alibi: uno verbo, nemo alterum licite necaverit nisi necessitate alienae vis repellendae.

V. Cum tamen jus quaesitum alienare fas sit, operas etiam sibi debitas alteri vendere non illicitum, nisi aliter in servitutis

(1) *Discord. §. 1. Inst. De his qui sui &c.*
L. 1. §. 1. ff. eod.

pactō sit cautum, dummodo emptor in locum dōmini tam juris quam obligationis habita ratione succedat.

VI. Si quis absolutam servitutem contraxit, operasque suas omnes alienavit societatem coniugalem naturaliter inire non posse manifeste patet, quippe qui filios educare & alere nullo pacto potest, si tamen mulier non adhuc ancilla concepit, aut volente domino filium quaesivit, naturale non est ut filius conditionem matris sequatur, & servus fiat (1), liber enim quisque jubente Natura nascitur. Poterit tamen dominus, qui suis impensis liberum alit, educatque tamdiu puberis filii operibus uti donec impensae omnes educationis restitutae. Id quidem ab imperio Parentum fluit, qui si filium educare & alere non possint nisi servituti eum subiiciant, licite id faciunt, cum minimo tamen libertatis naturalis

(1) *Discord. L. 4. ff. De Stat. hom. §. 1. Instit. Tit. De Jur. person. L. 7. Cod. De rei vind.*

turalis dispendio . Et cum perfecta , perpetuaque servitus necessaria non sit , ut parentes filiorum educationi consulant , jus filii laederent si perpetuam promitterent servitutem , atque adeo promissa servitus nulla . In servitutem ad tempus filium consensisse praesumitur , in perpetuam secus ; nulla autem servitus nisi voluntaria .

VII. Debitorum etiam servitus invita quidem , attamen voluntaria ; qui enim aes alienum contraxit , si solvendo non sit , tacite consensit , rebus suis omnibus deficientibus , operas proprias creditori se traditurum , si pluris valeant quam alimenta . Aequum igitur est , ut Creditor debitorem in servitutem perpetuam , vel ad tempus redigat juxta debiti modum .

VIII. Qui servitutem perfectam contraxit domino acquirit quidquid operarum fructus haberi potest : sua tamen facit ea omnia quae aliunde , puta donatione , testamento , legato (1) &c. illi obvenierunt , nil

Tom. II.

M

(1) *Discord. §. 3. Inst. Per quas per-*

enim aliud nisi operas proprias alienavit.

IX. Cum servitus Contractus consensualis sit aut tacitus aut expressus, & in mutua praestatione consistat, si alter contrahentium officio suo minime satisfaciat jus dat alteri ut a pacto recedat. Si igitur dominus in servum sine causa saeviat, aut alimenta necessaria non praestet, servo potestas facta est a naturali Lege, ut eo pacto quo potest, & fuga etiam vitae & salutis suae consulat.

C A P U T XVIII.

De Jure Necessitatis.



§. 1. *De Officiorum Collisione.*

Expositis erga se & erga alios naturalibus officiis tam personarum, quam rerum

son. cuiq. acquir. L. 1. §. 1. ff. De his qui sui, vel alien.

Cap. XVIII. De Jure Neceſſ. &c. 179

habita ratione, reliquum eſt ut de officiorum fortuita collisione nonnulla veluti pro coronide adiciamus priuſquam ad Civitatis jura enucleanda gradum facimus.

Officia autem collidi, & conſligere inter ſe dicuntur, cum quod regulariter alteri privatim debes ita cum generali & publica pugnat utilitate, ut a communi, ordinaria, conſuetaque Legis & officiorum regula recedere neceſſitate exigente cogaris, atque adeo licitum fiat & juſtum quod extra neceſſitatis caſum illicitum & iniuſtum fuiſſet.

Nec tamen putandum Naturam aliquando juſ dare, ut quis Leges ſuas violet : violatio apparens tantum, reiſſa altera Lex alterius vim & potentiam extinguit, & improprie Legem violare quis dicitur, cum Legis efficacia & auctoritas Natura ipſa jubente ſuſpenditur.

Quippe Leges Naturales, uti multoties monuimus, nil aliud ſunt quam actionum humanarum regulæ in plerisque vitæ conditionibus & utiles & neceſſariæ, ſine quarum ordinaria obſervantia nec homines vitam feliciter tuteque tranſigere, nec humani generis ſocietas conſiſtere poſſet, quæ duo

potissimum efficiant Leges Naturales oportet, ut justae & dici & esse possint, eamque pariant internam, de qua alibi diximus, obligationem, pacatamque & tranquillam earum imperio obedientiam.

Sed incidunt saepe tempora cum ea quae videntur justissima commutantur, fiuntque contraria. Eadem igitur naturalis ratio, quae Justitiae fundamenta detexit, primum ne sibi nec aliis noceatur, secundo ut communi serviatur utilitati, nos docet ut a communi regula recedamus, cum si ad eam actio dirigitur vel paucis vel nemini emolumentum, multis autem, aut universae hominum societati perniciem, aut irreparabile detrimentum allaturi sumus; atque adeo cum tempora commutantur, ita commutatur officium ut quae ad fidem, ad veritatem, ad justitiam, ad misericordiam, ad pietatem pertinent ea migrare interdum & non servare sit justum. Quippe universali Lege juberis ut nemini noceas, communesque tibi non nocendi regulae praescribuntur in vita, eadem tamen tibi Lex jubet ut a consueta recedas regula, si nocituram noveris iis ipsis, ad quorum utilitatem & felicitatem fuerat constituta;

in Legis enim conſilio, mente, & obiecto
& regula, & exceptio regulæ continetur.

Ita generatim expedit humanæ ſocietati ut fides ſanctè ſervetur, promiſſa præſtentur, depositum reddatur. Si quis tamen gladium apud te ſana mente depoiſuit, inſanus reperat reddere peccatum eſt, non reddere officium. Expedit ut nemini invito eripiatur dominium: ea Lex ad ſingulorum hominum conſervationem, & univerſæ ſocietatis tranquillitatem & pacem componendam generatim neceſſaria, at ſi in tempus incidas, cum ejuſmodi Lex aut uni aut pluribus ſit nocitura, ut ſi a re aliena invadenda abſtineas nulla aut tibi aut Reipublicæ ſpes ſuperſit, rem alienam per vim domino ſuo eripere & honeſtum & juſtum, & Legis ipſius conſilio conſentaneum, quæ ob eam cauſam & dominium permittit, & juſ ſingulare in res proprias conceſſit, ut ſingulis vitæ ſuſtentandæ facultas eſſet: Legem enim eo pacto non violas, ſed potius interpretaris in eo in quo deficit ob univerſalitatem, quippe in Lege nihil excipitur, ſed multa quamvis non excipiantur, intelliguntur: ſcriptum Legis anguſtum, interpre-

ratio diffusa, exceptio autem ab ipsa Lege praecepta intelligitur si, ut paulo ante monebamus, eius consilio, menti & obiecto respondeat.

Pieratem cole, inquit Lex Naturalis : At si Pater in patriam, cuius tibi tutela & conservatio commissa, nefaria arma convertat, tradesne Reipublicae libertatem furenti? Non facies quidem, & si nullo alio pacto impendens Patriae tuae periculum avertere possis, necessitate coactus honestam putabis omnem publicae salutis expediendae rationem.

Sed quaenam erit Regula qua quis possit universalis Legis exceptiones dimetiri, & de collisionis casu iudicium ferre? qua lance ancipitem justitiam suspendere, atque adeo officiorum omnium momenta pensitare, ut gravius leviori praeferatur? Id fortasse in desideratis adhuc habetur in Disciplina Morali; nam licet quisque sentiat recedendum esse aliquando a communi ordinariae Justitiae regula, nemo est tamen qui possit recessionis fines adamussim praescribere, quos ultra citraque nequeat rectum consistere. Interdum enim fit ut commune

officium tam grave ſit, tantumque generatim afferat humano generi emolumentum, ut quamvis reſeſſio videatur commutata utilitate juſtiſſima, attamen vir honeſtus & virtute praeditus eam ſibi permiſſam vix aſſerere audeat (1), ſi aequa lance futurum penſitet detrimentum, quod & a permiſſa, & a non permiſſa reſeſſione humano generi

M 4

(1) *En tibi exemplum: licet publicum hoſtem imparatum & imprudentem etiam per inſidias occidere: licebit ne poſt iterata fidelitatis juramenta, poſt plurimas amicitiae & benevolentiae atteſtationes, inter ludicra menſae, et ſciphorum propinationes eum tibi fidenter veneno tollere, aut in tuo tamquam in amici ſinu jacentem, ſecurumque proditorio ferro obtruncare? Viri honeſti, qui tantum imaginatur facinus, animus reſugit, nec ſibi id permiſſum fortasſe putabit, quamvis ea ſit labantis reipublicae ſuſtentandae ratio. Expedit quidem ut publici hoſtes e medio tollantur, ſed aequae fortasſe expedit humano generi ut amicitiae et hoſpitalitatis leges ſanctae et inviolabiles habeantur ab omnibus. In tantorum officiorum conſlictu utrum alteri praeſeras vix noviſſe poteris, ab utriusque enim ſuſpenſione maxima imminet humano generi pernicies.*

fit obventurum . Nam perraro quidem , fed tamen aliquando accidit ut jultum ab iniulto , honeftum ab inhoneto tam angufto diftet intervallo , ut licet maxima praeditus fis ingenii acie vix pollis utriufque inveftigare confinium , ut fit in diei noctifque confinio , quod tu nec tenebras , nec pollis dicere lucem .

In tanta igitur ambiguitate id praeftabimus quod & alibi fecimus , quae certa nempe nobis videntur adnotabimus principia , quibus vir honeftus pollit officiorum collifionem difcernere , & utrum utri praeferendum fit generatim faltem intelligere ; quamvis enim aliquando futurum fit , nobis non diffitentibus , ut in fufpenfo haereat probi viri iudicium , non tamen exinde fit ut nulla fint neceffitatis jura , nullaue fit generalium Naturae Legum exceptio , quae in plerifque vitae conditionibus manifefta patet , nullaue ambiguitate involvitur .

Sunt tamen nonnulli qui refectionem omnem a communi & generali Lege vetitam effe afferunt ex eo morali inconcufo , & ab omnibus jam diligenter explorato principio „ *Non funt facienda mala ut eveniant*

bona ,, Ea ſententia rata eſt apud omnes, ea utuntur ſaeppiſſime Juſtitiae & honeſtatis interpretes ad perplexas difficilesque quaestiones diiudicandas; at dum de eius veritate ne ſuſpiciantur quidem, vel in maximos, eoſque turpiſſimos labuntur errores, vel ſi in difficilem Juris nodum inciderint, ea duce ſe nullo pacto extricare poſſunt.

Quod ſi minus moralium diſciplinarum Interpretes alienae auctoritati (1) aurem

(1) *Quoties de auctoritate verba facimus humanam, non divinam intelligimus, cui ab omnibus aequè parendum. Illud tamen hic loci animadvertendum puto neque ab ipſa Revelatione humanam rationem eſſe omnino eliminandam praecipue ſi de iis quae ad mores pertinent, & in ſacris Litteris continentur ſermo ſit. Qui rationem exſulare jubent a moralibus praeceptis, quae in ſacris Litteris traduntur & in abſurdam enormemque Lutheri ſententiam imprudentes incidunt, quam egregie & elegantiffime reſutavit Melchior Canus Loc. Theolog. Lib. 9. & 10. & ea docent, quae, ſi ſectatores inveniant, moralia omnia ſuſdeque miſcere, & revelationem ipſam inutilem omnino, & inefficacem reddere poſſent. Divina enim Revelatio, quae ad mora-*

praebuissent, propriumque judicium aliquando aut possent, aut vellent adhibere, facile intelligerent ejus sententiae aut nul-

lem disciplinam refertur supponit homines propriae rationis ope vel novisse, vel saltem facile cognoscere posse & Naturae universalis Leges, & jura & obligationes, quae inde derivantur, & Legum ipsarum exceptiones & fines. Origo, natura, fines, commutationes officiorum in Revelatione non explanantur: ad virtutem hortatur, excitat, impellit Divinus Legislator, a vitiis retrahit homines, additque maximum virtutis incitamentum futura & aeterna praemia probis et honestis viris reservata. Ceterum et Virtutes et Vitia in sacris Litteris communibus vocabulis indicantur, quorum significatio aliunde hominibus nota supponitur. Surdo quidem praedicas justitiam, misericordiam, humanitatem, liberalitatem, temperantiam, magnanimitatem, sui defensionem, publicam vindictam, expletionem juris, et cetera hujusmodi, nisi qui audiunt praenoverint quid iis nominibus significetur, et quae sit cuiusque virtutis, et Juris indoles, natura, modus et finis. Frustra etiam praedicas ut homines abstineant a dolo, fraude, avaritia, crudelitate, intemperantia, mendacio, furto, rapina, adulterio, homicidio nisi qui te audiunt probe intellexerint, aut

Cap. XVIII. De Jure Neceſſ. &c. 187

lam, aut inſtabilem, vagam, incertamque eſſe ſignificationem; atque adeo ſententiam ipſam non tantum inutilem & ſenſu va-

intelligere poſſint quid ſibi velint haec vitiorum nomina, et quam late pateant. Haec omnia in ſacris Bibliis aſſumuntur veluti hominibus nota, vel facile cognoscenda ope rationis. Finge animo hanc non conceſſam eſſe praeſciam hominibus boni et mali, ſive Virtutum et Vitiſum omnium cognitionem, jam inutile omnino revelatio. Non occides. Ergo ne omne homicidium illicitum? Ad Legem ne bonus eris, et hoſtem patriam aggredientem impunem relinques? Non furaberis. Quid furtum? quid rapina? quid dominium? quid poſſeſſio? Haec ne invenies in ſacris Litteris deſinita? Niſi autem haec praeſciveris quo pacto praeceptum intelliges, eique modum finemque conſtituas? Haec quidem omnia non aliunde quam a ratione petenda, quae homicidium et furtum, et cetera iniuriarum genera ad communis utilitatis normam dirigit, et generalis officii indolem, naturam, fines praeſcribit. Niſi haec praeſciveris, generalia Legis praecepta nil aliud continent quam inutilem, incertamque ſententiam, nempe: Non occides cum occidere illicitum eſt; neminem a poſſeſſione rei ſuae deturbatis cum rem ſuam jure poſſidet, nempe cum eum deturbare

cuam in morali disciplina, sed & perniciosam esse judicarent. Facienda quidem mala non sunt, ut eveniant bona: esto. Decernas tamen prius oportet quae mala dicantur & sint. Ni facias, sententia de qua agimus pura puta est petitio principii, supponit enim notum id quod ignotum est,

injustum. *Videant quaeſo in quem anguſtum locum moralem diſciplinam coniciant qui homines infra belluas quodammodo amandantes et ſenſu et ratione privant, qua tamen nihil divinius, et cuius prima nobis eſt cum Summo Numine ſocietas; eius enim ope conſequentia cernimus, principia et cauſas rerum videmus, earumque progreſſus et anteceſſiones inquirimus, ſimilitudines comparamus, et rebus viſibilibus adiungimus et adnectimus inviſibiles. Nobis hac divina vi praeditis praecepta moralia tradita ſunt. Quae ratio detexerat, haec auctoritate ſua Deus Optimus Maximus confirmavit, Legesque addidit ſapientiſſimas, quas, ut in antelogio monebam, vel ſero vel nunquam homines detexiſſent. Haec quidem Revelationi accepta referenda ſunt in diſciplina morali, cetera omnia a Ratione, a Divino hoc lumine petenda, ſine quo & ipſa revelata praecepta intelligere, & humanis actibus regendis aptare neſas omnino.*

feu id quod quaeritur. Quippe malum illicitum, & a nemine perpetrandum, fed fi quod malum in genere dicitur commutatur, & honefto admittitur confilio ut communi hominum inferviat utilitati, id ne malum dicis, & veritum effe doces, nec commutari eo cafu officium hominis poffe cenfes? At malum eft in genere hominem occidere, licet tamen ob inculpatam tutelam, ut te, ut cognatos, ut patriam contra vim privatam & publicam defendas. Peccabis fi vitam tuam fine caufa in difcrimen adducas; fi ut patriam ferves pericula magnanimus adeas & fortunae vitam committas impenfe laudaberis: non fine flagitio homini innoxio creabis moleftiam, Chirurgo tamen, qui te lacerat, cremat, amputat ut vitam fervet & mercedem rependis & gratiam. Si igitur finis quo actio refertur honeftus fit, & ad humani generis utilitatem dirigatur, malum in bonum, licitum in illicitum commutatur.

Quod fi reponas fententiae, de qua agitur, mentem effe ut praecipiat non agendum effe honefto confilio id quod etiam fi honefto confilio agatur malum eft, rurfus

in principii petitionem incidis, & inutilem omnino pronuncias sententiam; doceas enim prius oportet quatenam ea sint quae illicita sunt etiamſi honeſto conſilio committantur, vel ſaltem quatenam ſint in vita tam turpia, tam ſceleſta ut ne honeſto quidem conſilio fieri poſſint, id enim ab ipſa regula vel ſententia nullo pacto indicatur. Si ea quae abſolute turpia & illicita ſunt inveſtigas & exponas, habebis particulares agendi regulas, non autem generalem ſententiam; ſi id non praeſtes, Regula illa tua generalis ad eam redigitur quam ſcholae dicunt *Propoſitionem identicam*, nempe: *Non debes facere honeſto conſilio quae mala ſunt, ſcilicet quae non debes facere etiam honeſto conſilio.*

Hiſce praenotatis quae ſequuntur ſta-
tuimus

§. 2. *De Officiorum Collisione principia generalia.*

I. Quo majora & graviora ſunt communis Legis momenta ad externam internamque humani generis felicitatem, eo major utilitas, duriorque neceſſitas ſit oportet, qua ab ea recedere jure cogaris.

II. Cum reſeſſio a communi Lege tunc tantum ſit licita, cum ratione poſita manifeſte liquet majus te allaturum humano generi emolumentum ſi recedas a Lege, quam ſi ei adhaereas, cave ne tantum immediatos actionis effectus ad calculum redigas: remoti etiam effectus omnes ſupputandi ſunt, ut ratio conſtare poſſit. Itaque & exemplum quod ex tua in caſu emergente reſeſſione a Lege trahere honeſti & probi viri poſſent ad ſimiles caſus cum humani generis detrimento ſupputationi accedat oportet, & ſi quid damni timeatur hominum ſocietati in futurum, a reſeſſione quamvis fortasſe eo caſu legitima, utili, & innoxia abſtinendum.

En tibi exempla: Pactus es temere & imprudenter alteri dare, id cujus praeſtatio maximum tibi afferet detrimentum, alteri vero aut nullam, aut parvam utilitatem; alter tamen a contractu recedere deſectat, poſtulatque inhumane ut fidem ſerves, debesne in pactione manere? Si actionem in ſe, eiſque immediatis effectibus tantum penſites, putabis fortasſe te jure a pactione recedere poſſe. Si vero remotos ſub-

ducas effectus, & quanti humanae societatis intersit ut a contrahentibus fides servetur, te obligatum ad praestandum id quod in conventionem deductum est facile senties, quia enim multoties temere pacta ineuntur, tot essent in societate qui eodem jure uti velent ob minimas laesiones, minimosque admissos errores in rebus contrahendis, atque adeo tot exorirentur lites, controversiae, disceptationes, ut nullum fere esse posset hominum inter se commercium, sine quo universa humana societas vix consistere posset. Ob eam igitur causam data fides servanda, quamvis aliud in emergenti casu utilitas suadere videatur, ut nempe majora damna vitentur, quae societas pateretur si ab eiusmodi pactationibus recedere liceret.

Eodem pacto licet interdum publicum hostem solerti consilio, simulatione, falsisque narrationibus circumvenire, non licet tamen pactis induciis, aut foedere inito fidem violare, etiamsi patriae tuae salus id necessario exposcere videatur; ne enim a communi Lege recedas te monet irreparabile quamvis remotum damnum, quod
exinde

exinde generi humano obveniret. Si liceat enim datam hosti fidem rumpere jam nullum concertationum finis inter Gentes, bella exitiosa, desperata, internecina, neque unquam cessantia nisi cum extremo alterius partis excidio.

III. Si a communi Lege recedas alienae & publicae, non propriae & privatae utilitatis gratia honestiorem, potioremq; habebis reversionis causam; videberis enim Justitiae diligentissimus custos, & cultor eximius, si ab eius ordinariis praeceptis recedere illicitum putas tunc etiam cum ipsum discedere tui damni vitandi causa nec criminofum, nec inhonestum esset, quippe ipsa fortasse nimia servandae Justitiae religio & virtutem tuam arguit, & fundamentum est perpetuae commendationis. At si quando Respublica periclitatur, si salus universae Societatis in discrimen adducitur, officium commutatur omnino: dubitationem omnem abiicias, scrupulum avellas, publicamque justitiam privatae anteras oportet, nec tibi licet falsis quibusdam virtutis, & vilioris ut ita dicam, honoris & justitiae notionibus publicam salutem immolare.

Si flumen ruptis aggeribus, contraſtiſ-
que repagulis & Civium domicilia, & fata
virentia inundaturum fore praevideas, &
alienae ſectiles tabulae praesto ſint ad eius
vim comprimendam, ab iisne invadendis ab-
ſtinebis ne privaram Civis proprietatem lae-
das? Si facias publicum crimen admittis,
quamvis private juſtiſſimus.

IV. Si damnum tibi innocenti immineat
irreparabile, quod nullo pacto praecavere
poſſis niſi alteri damnum, reparabile tamen,
inferas, tibi licere a communi regula de
non laedendis aliis recedere manifeſte pater,
reſeſſionis enim fundamentum communis
utilitas, expedit autem univerſae Societati,
ut ſinguli homines vitam ſervare poſſint al-
teri aliquod inferentes damnum, ſi praeci-
pue ſit reparabile. Me inimicus ſtriſto gladio
inſequitur & corporis viribus & armorum
praestantia validior, jam inſtat me interfe-
cturus; occurrentem equum invito etiam &
reluctante domino jure conſcendo ut fuga
vitae meae proſpiciam. Neceſſitas vim ju-
ſtam facit dummodo damnum domino da-
tum, ſi poſſim, reparem.

V. Si autem mihi & alteri aequale im-

mineat damnum irreparabile ſine utriuſque culpa, & uni ſit pereundum, ut mihi potius in genere conſulam quam alteri Lex Naturae jubet, ratio enim publicae utilitatis ceſſat in hypothefi, cum uni neceſſario ſit pereundum, niſi forte magis interſit, ut alteruter vel ſua, vel Reipublicae cauſa vivat; pulcrum enim & honeſtum eſt pro patria, & pro publica ſalute mori. Sed ſi omnia paria ſint in utroque nullum erit certamen, nulla enim alia Lex reliqua eſt, quam naturalis, ut nempe vitam ſerves.

Paria vero in utroque omnia eſſe conſtat ſi utriſque aequalitas ſit obligationum & jurium; nam ſi cui ſit jus aliquod ſpeciale & ſingulare quaefitum ad medium aliquod quo ſibi praefertim conſulat, id ab altero auferri ſine iniuria non poterit. Jure igitur potior vincet, alter vero mortem ſubire neceſſitate coactus tenebitur: quod quidem non raro accidit civili inita inter homines ſocietate.

His poſitis moralia quae huc referuntur problemata, & quae ancipiti mentem agere dubitatione videntur facile reſolvuntur, ut ecce an, ſi quis imbecillior viribus

in naufragio tabulam ceperit, possit alter manus in eum inferre, tabulamque vi ereptam conscendere, ut ea nixus mortem evadat; an si duo naufragi eodem tempore unam tabulam arripiant, quae ambobus sustinendis impar est, alteri cedere debeat alter; vel sibi quisque in alterum illata vi consulere; an si plures in scapham insilierint fracta navi ceteros qui eam conscendere aggreuntur jure repellant, vel si plures eodem tempore scapham conscenderint, quae omnibus sustinendis impar sit, se invicem in mare proicere, ut scapha exoneretur possint; an in summa cibi penuria aut consentientem, aut invitum occidere liceat; an in urbe obsessa, in navi (1), in vasta sylvarum solitudine eos cogere liceat qui cibaria habent ut in commune conferant &c.

Sexcenta sunt eiusmodi (2) quae me-

(1) *Vid. L. 11. §. 2. ff. De Leg. Rhod.*

(2) *Multa videnda sunt apud Cicero-
nem De Offic. Lib. 3. Cap. 23. & seq. quae
ex Libro Hecatonis De Officiis deprompta
exhibet.*

morari poffent, communes enim Leges fere omnes collidi faepiffime, & officia cum officiis confligere manifefte patet: ea tamen Lectoris judicio ponderanda relinquimus, qui fi velit noftra principia propofitis aptare quaeflionibus, facile quae perplexa videntur explicabit; de particularibus enim controverfiis omnibus enucleate difputare, & omnia fingillatim percenfere Inftituti noftri ratio non patitur.

De jactu tamen mercium navis levandae caufa, qui ad neceffitatis jura refertur, non tam leviter differendum, quod maxime eius doctriinae ufus in commercio maritimo frequentiffimus effe poffit.

§. 3. *De Jactu mercium principium generale.*

Si meae & alienae rei commune periculum immineat, nec alio pacto vitari poffit, nifi alterutrius res perdatur, & mihi alienam, & alteri meam perdere licet, dummodo quemadmodum periculum, ita & damnum commune fit.

Nam cum in hypothefi utriusque res peritura effet; nifi res alterutrius perderetur, alienae jacturae acceptum fero, quod res mea fervata fit, atque adeo cum nemo

locupletior fieri debeat cum aliena jactura, ut utrique damnum commune sit pro rata aequitas postulat naturalis.

Huc accedit quod cum utrisque jus sit aequale ad commune propulsandum periculum, eademque obligatio tam suae quam alienae rei servandae, nulla ratio est cur alter ex iis tantum damnum ferre debeat, cuius rebus perditis res aliena servatur. Necessitas enim facto quodam naturali in quasi societatem eos consentire cogit, ita ut in emergenti periculo sine alterutrius culpa commune lucrum sit, & damnum commune.

§. 4. *Ex principio generali de jactu mercium confectaria.*

I. Cum e duobus malis minus sit eligendum, si qua res perdenda est, ut ceterae servantur, a vilioribus initium faciendum, siquidem eligendi tempus tribuat periculi vitandi necessitas (1).

(1) *Id Statuitur in Jur. maritim. Philipp. 11. Hispan. Reg. Tit. De Naufrag. Art. 5. Quapropter si vectores cistas obsegnatas habent ingruente tempestate quid conti-*

II. Si naufragii vitandi cauſa jaſtus faciendus damnum dividitur pro rata inter eos omnes quorum ſunt res, quae per jaſtum ſervatae ſunt, atque adeo & ipſe navis dominus contribuat oportet (1). Aequitatem hanc naturalem latis legibus confirmarunt.

N 4

neant indicent oportet, alias contributores pretium tantum ciſtarum praeſtabunt.

(1) Juxta Jus Lubecens. Lib. 6. Tit. 2. Art. 3. Jus Pruthen. Lib. 4. Tit. 19. Art. 2. §. 2. pretium Navis ſtatuitur ab ipſo domino vel magiſtro, & contributorum arbitrio permittitur an eo pretio emere velint navem, aut Magiſtro ita aeſtimatam relinquere. In vetuſtiſſimo Libro, cui Titulus Conſulatus Maris Cap. 93. 94. 96. Magiſter navis non conſert niſi medium navis pretium. Animadvertendum hic loci apud Gentes fere omnes, quae commercium exercent, & navigationi dant operam, propria eſſe particularia Statuta, quibus Jus Mariimum regitur partim a ſumma cuiuſque Urbis vel Regni poteſtate firmata, partim ab aliis Gentibus, quae maxime maritimo commercio & late patenti navigatione floruerunt, mutuata: nam praeter Conſulatum Maris hispanice primum conſcriptum, cuius capitula fere ab omnibus recepta olim fuere,

Rhodii, quas Gentes omnes, & ipsi Romani libenter exceperunt.

III. Quoniam & naulum domino navis debitum pro mercium vectura servatum est alienarum rerum jactu, naulum etiam in contributionem venit.

IV. Et quia ex necessitatis Lege quasi communio inter eos omnes, quorum rebus commune periculum imminet, inita est, tam res amissae quam servatae iisdem regulis aestimandae sunt, nempe quanti venire potuissent loco destinato (1).

est & Jus Maritimum Visbicense, seu Wisbycense, Uliarense, Hanseaticum, Lubecense, Amburgense &c. quorum constitutiones apud eos valent, a quibus receptae sunt & in usum deductae. Apud nos patriae Leges, praecipue vero quae a Francisco Caesare, eiusque Sapientissimo Filio D. N. Petro Leopoldo latae sunt ann. 1769. Consulatus Maris, Romanaeque Leges res maritimas moderantur.

(1) *Dissent. L. 2. ff. De Leg. Rhod. De Jact. qua res amissae quanti emptae sunt, res servatae quanti vendi possunt aestimantur. Quintinus Weits Traçt. De contrib. hanc regulam praescribit: si jactus post medium navis iter factus est, tunc merces amissae aesti-*

V. Merces in contributionem veniunt non oneris ſed pretii ratione, quantum enim quiſque lucratus fuerit vitato naufragio, non quanto navem oneraverit pondere aeſtimandum eſt.

VI. Quaeritum eſt an vectores, & veſtimenta, & anuli, & res pretioſae, quas ipſi in navi haberent jacturam praestare debeant, & de anulis & veſtimentis, ceterisque pretioſis rebus quae omnia ſervata ſunt jactu mercium non ambigitur debere; dubitari tamen poſſet de ipſis vectoribus quia corporum liberorum nulla fieri poteſt aeſtimatio. At cum & ipſorum pondus in cauſa fuerit cur mercium jactus fieret, non video qua de cauſa ad damnum reſarciendum non obligentur, non dicam pro perſonae pretio, cuius nulla eſt aeſtimatio, ſed ſaltem habita ponderis ratione, quod aliquid eſt

mantur quanti venire poſſent in loco, ad quem dirigebantur, ſi ante medium iter quanti emptae ſunt. Idem ſtatueri videtur Cap. 95. Conſulat. Maris, diverſa tamen eſt de rerum amiſſarum aeſtimatione apud diverſas Gentes praxis.

aestimabile relate ad mercium & navis dominos. Ut autem ponderis pretium statuatur habendam esse rationem puto pretii medii earum mercium, quae ratione tantum ponderis portorium, seu naulum solvunt, tantique aestimanda vectorum corpora, quanti merces memoratae venire possent (1).

VII. Magister navis tamen, & Nautae omnes, & cibaria jacturam non praestant, eorum enim pondus quoniam necessarium in causa non fuit, cur jactus fieret, omniumque aequae interest, ut cibaria & homines gubernandae navi non desint.

VIII. Cum damnum jactu datum commune sit omnium, qui merces habent in navi, & navis ipsius Magistri, parum in-

(1) *Discord. L. 2. §. 2. ff. De Leg. Rhod. ubi tamen excipitur casus si vectores totam navim conduxerint, tunc enim si ingruente tempestate vel malus caesus, vel rudentes rescisi, vel vela disrupta, vel anchorae vel cetera navis ornamenta & instrumenta in mare projecta, vectores quidem non avariam praestabunt, sed Magister navis aget contra eos ex conducto.*

tereft an quis jactatas res amiferit, an jactus causa nudatas deteriores habuerit: damnum igitur rerum quae deteriores factae sunt, in commune conferetur, in quo computando pretium deteriorationis accensetur rerum amissarum pretio, & summa in collationem venit; atque adeo si res jactatae recuperatae fuerint, collatio diminuitur pro praesenti rerum pretio, & si post collationem recuperantur, quod collatum est restituitur oportet pro rata.

IX. Quia vero communis periculi propulsandi gratia res alienae perduntur, atque ob eam causam commune damnum est, si jactu facto navis tamen illico perit, ratio collationis cessat. Itaque si res suas jam naufragas quis recuperet non jactui id tribuendum, sed aut industriae aut fortunae; nulla igitur fieri debet rerum receptarum collatio.

X. At si non statim, sed alia ingruente tempestate navis pereat, quaeritur an qui res servatas habuerunt jactus causa in primo periculo, easque post secundum per urinatores receperunt, teneantur jacturam praestare illis, quorum merces in primo periculo pro-

iectae fuere, & teneri dicimus; nam qui jacturam rerum suarum passus est navis levandae causa in tempestate, habet in rebus servatis quidquid conferendum ipsi fuerat jactus causa, atque adeo quacumque ratione res illae postea salvae sint, quamvis navis fuerit alio in loco submersa, illi jus debitum auferri nequit (1). Ii tamen qui in secundo periculo res suas amiserunt rationem nullam habent eius qui navis levandae causa in primo jacturam fecit, quod enim ei debitum fuisset cum ipsis rebus periit.

XI. Cum contributionis, seu collationis ratio potissima sit, quod damno unius promoveatur commodum reliquorum, sive a reliquis damnum avertatur, si navis onusta mercibus flumen aut portum ingredi non possit, & ob eam causam mercium pars in leviolem navim, seu scapham trajectae sunt, ne navis nimis onusta periclitaretur, submersa scapha damnum contributione refarciendum, namque eae merces servandae na-

(1) *Concord. L. 4. §. 1. ff. eod.*

vis cauſa perierunt. Si autem ſalva ſcapha, ſuborta tempeſtate navis periit, ratio haberi non poteſt eorum qui in navi perdiderunt; ceſſat enim contributionis cauſa, cum ſuper-veniens naufragium, & ex eo damnum eorum, qui in navi merces habent, in cauſa non fuerit, ut ſcapha ſalva eſſet, atque adeo idem ſit ac ſi jactu facto navis periſſet (1).

XII. Ceterum contributio, ſeu collatio, de qua haecenus verba fecimus, barbaro vocabulo a Jurisconſultis dicitur *Avaria* (2), vel *Haveria*, quae in *grandem* & *commu-*

(1) *Concord. cit. L. 4. verſ. Contra ſi ſcapha, & illud quod Paulus ait Lib. 2. ſent. Tit. 3. „ Nave perdita conſervatae cum mercibus ſcaphae ratio non habetur „ Quod de tempeſtate, idem de Pyratibus dicendum L. 2. §. 3. ff. cod.*

(2) *Vocabuli incertum etymon. Sunt qui cenſent illud habere a Gallico Havre, ſeu Teutorico Haven, quod nomen portum ſignificat, cum Avaria ſit quod ab his quorum merces in portum ſalvae delatae ſunt in eos conſertur, quibus merces jactus cauſa perierunt. Vid. Loccen. De Jur. marit. Cap. 7. inter ſcriptores de Jur. Naut. ab Heineccio*

nem dividitur: prima dicitur cum & navis pro rata in collationem venit, altera cum navis excipitur; nam si mercium causa tantum impensae fiant ut salvae in portum adducantur, navis Magister pro eius pretio contribuere non tenetur, quippe qui ex ipso contractu nautico nil nisi navem aptam, operasque navigationi necessarias praestare debet. Si quid igitur impendat mercium tantum causa a mercatoribus reficiatur oportet, quibus impensae & utiles & necessariae (1).

collect. pag. 998. Fortasse origo nominis commodius veriusque deduci posset a barbaro itidem vocabulo Avaria, sive Averia quod apud Scriptores infimae Latinitatis facultates & bona vel res praesertim mobiles, quae in bonis cuiusque sunt, significat, quasi diceret vernaculo idiomate l' Avere di ciascheduno. Avaria enim est quod cuique debetur ex salvis mercibus contributione facta, nempe il suo avere. Vid. Du Cange Glossar. med. & infim. Latinit. verb. Avaria, & Averium.

(1) Civile igitur est quod apud nonnullas Gentes usuvenit, ut pecunia quae locorum peritis tribuitur, ut navem in tuto constituent ad Avariam grandem non pertineat nisi sex

Haec quidem recte procedunt, naturae rationi sunt consentanea, si mercium jactus tempeſtati aut fortunae acceptus referendus ſit; ſed ſi jactui dolus vel culpa agentis liberi cauſam dederit ab eo damnum ſarciendum ex principiis jam demonſtratis manifeſte liquet; quapropter non incongrue Jurisconſulti jactum dividunt in *meticuloſum*, *non pure neceſſarium*, & *neceſſarium*, & in uno neceſſario praestandam eſſe ab omnibus pro rata jacturam affirmant. Nam cum meticuloſus jactus dicatur ſi quis navigandi imperitus periculum naufragii metuens ubi reipſa metuendum non eſſet, jactum facit, non pure neceſſarius autem cum periculum revera imminet, ſed quod ita culpa praecessit, ut ſine ea nec caſus fortuitus extitiſ-

marchas Flandricas excedat; impensae enim istiusmodi non tam mercium, quam navis servandae cauſa ſiunt, atque adeo naturali ratione in commune conferendae eſſent. Vid. Loccen. l. c. §. 3. Vinnium in Peck. Ad L. Rhod. De Jactu pag. 193.

fer, nec jactus necessitas, liquido constat jactum mercium culpa alienae tribuendum, non fortunae, nec ex eo alienum commodum promotum esse, atque adeo ab eo damnum refarciendum qui culpam admisit, non autem per collationem pro rata.

Culpa autem naufragii periculo pluribus modis causam dedisse potest, ut ecce: si Nauta artis suae imperitus in scopulos impeerit, ipsi enim imperitia imputari & potest & debet; si nulla causa, sed vel temerario ausu, vel avaritia ductus recta navigatione contempta, devia sectatur (1), si plus justo navim oneravit (2), si averso & inidoneo tempore e portu solvit (3), vel si commodo tempore navigare omiserit, & in portu manserit (4), si sine gubernatore
in

(1) *Concord. L. 7. Cod. De Navic. seu Naucler. L. 3. Cod. De Nautic. foen. L. 18. ff. Commod. vel contr.*

(2) *Concord. L. unic. Cod. Ne quid oneri publ.*

(3) *L. 36. in fin. ff. De Rei vindic. L. 13. §. 2. ff. Locat.*

(4) *Argum. L. 2. §. 8. ff. Si quis caution. in judic.*

in flumen navem immiserit, & tempestate orta temperare non potuerit, & navem perdidit (1), uno verbo si negligentia, conventionis violatione, mora peccaverit

Principia, quibus totam de jactu doctrinam expeditimus, facili negotio aptari possunt ad incendia, quae identidem in Urbibus suboriuntur, in quibus saeviente flamma, vicini aedes intercidere, si nullo alio pacto incendium arceri & comprimi possit, licet (2); dummodo in collationem veniant

Tom. II.

O

(1) L. 13. §. 2. ff. Locat.

(2) Vid. L. 3. §. penult. ff. De incend. ruin. naufrag. L. 49. §. 1. in fin. ff. Ad Leg. Aquil. L. 7. §. 4. ff. Quod vi aut clam. Quae quidem Leges distinguunt inter aedes publica, auctoritate, & privata intercisas. Si publica, dandam esse ajunt actionem restitutoriam vim passo; si privata, distinguendum rursus docent an ad vicinas aedes incendium jam pervenerit, an secus. Si pervenisset, eum qui intercisit non teneri affirmant cum damnum non dedisse videatur qui incendii defendendi causa aedes deiecit, quae aeque incendio periissent; si vero ad aedes deiectas flamma non pervenerit damnum ab eo resarciendum.

ii omnes, quorum aedes probabiliter periturae erant pro ratione propulsati damni & quantitate periculi.

dum qui deiecit, & simpli litem aestimandam. Nostra decisio aequitati naturali videtur magis consentanea, cum enim qui proximas incendio aedes intercisit non sibi tantum, sed & iis omnibus qui aedes in eadem insula habent prospexerit, aequum est ut singuli in eum qui damnum passus est conferant juxta regulam supra notatam, quandoquidem alienae rei jactura suae servatae sunt. Quapropter apud nonnullas Gentes est constitutum ut vicinia domino deiectionum aedium damnum repareret. Vid. Vinn. ad Peckium De Re Naut. ad Lib. 1. ff. ad L. Rhod. Argentr. ad Consuet. Britann. art. 600.

Finis Partis primae.


JURIS PUBLICI UNIVERSALIS
S I V E
JURIS NATURAE ET GENTIUM

P A R S II.

*Quae Jus Publicum Generale, seu
proprie dictum complectitur.*

C A P U T I.

*De Origine Civitatis, ubi de Imperio
publico, ejusque translatione.*



§. I. *De Origine Civitatis.*

Haud immerito quidem *Plato & Aristoteles* hominem animal politicum dixerunt, quippe quem si non ad civilem, saltem ad aliquam societatem Natura ipsa impellit, ut cetera fere animantia omnia (1). Omnium
O 2

(1) *Et Plato & Aristoteles hominem saepe vocant ζῷον πολιτικόν, at Aristoteles ad Nicomach. Lib. 8. cap. 12. fatetur hominem esse συνδυαστικόν μᾶλλον, ἢ πολιτικόν.*

primam coniugalem & paternam diximus; filius enim natura duce parentes sequitur^{*} opis indigens, parentes indigenti filio opem ferunt naturae stimulis potius compulsi, quam rationis imperio. Indigentiae igitur humanae natura ipsa per societatem consuluit, qua finita, societas dissolvitur. Nulla exinde inter puberes homines coniunctio nisi nova aliqua emergat indigentia. Si quisque sibi sufficiat quae ratio societatis instituendae? Si vero quisque naturae Leges, quas haecenus exposuimus, sequutus esset, si quisque officia humanitatis sponte & alacri animo ceteris praestitisset, nonne singuli sibimetipsis suffecissent, atque adeo felicitatem ad quam naturali feruntur impetu fuissent assecuti? Quae igitur novae societatis utilitas & necessitas si latissime patentem illam universi generis humani coniunctionem secundum naturam coluissent?

Sed cum ab immemorabili tempore civilem Societatem homines contraxerint, manifeste constat naturalis Juris violationes, atque inde exortas perturbationes, discordias, contentiones, bella in causa fuisse, ut quod quisque per se non poterat, col-

latis viribus multi assequerentur, ut nempe vim eorum, quorum animum ambitio & avaritia incesseerat, compescerent & refraenerent. Omnia enim in primaevo naturae statu incerta & turbata sint oportet, si ingenito universalis benevolentiae sensu vel errore corrupto, vel privatis affectibus obtuso, & fere deleto nonnulli in aliorum perniciem ruant: quippe nulla fere naturalis Legis poenalis sanctio, nullus alienae iniuriae iudex, nullus qui industriae fructus terrae cultori proprios asserat: incertum etiam an in summa alienae opis indigentia ceteri velint aut possint auxilium postulanti praebere; atque adeo homines metu trepidi de vita in diem sustentanda tantum, solliciti non eam animi & corporis perfectionem comparare possunt, ad quam mirabili artificio provida ipsa natura eos instituit, & quam acquirere nefas nisi alter homo alteri opem ferat, & singulorum res & operae mutuis officiis communicentur.

Hinc primum parvae hominum societates & informes exortae, ut collatis viribus rerum quae ad vitam servandam & perficiendam necessariae sunt sufficientiam com-

pararent, & ab aliena vi & iniuria securitatem assequerentur. Eas paulatim ceteri imitati sunt, donec genus humanum est in distinctas societates divisum non dicam non contradicente, sed jubente quodammodo natura; si enim ut homines felicitatem quaerant imperat, jura etiam det omnia oportet, sine quibus felicitas comparari non potest.

Haec, quam supra definivimus, societas, quam homines principio eo consilio inierunt ut perfectionem & felicitatem, & ab aliena vi securitatem, quam singulatim sumpti acquirere non poterant, conjunctionis praesidio, viribusque collatis sibi compararent, *Civitas* dicta est, socii simul sumpti *Populus* aut *Gens*, singuli separatim *Cives*.

§. 2. *Ex Civitatis origine consecutaria.*

I. Causa igitur remota Societatis civilis ipsa hominis natura est, proxima vis alienae & iniuriarum metus.

II. Civitatis consilium & obiectum felicitas & securitas sociorum; & cum societas omnis ex consensu, qui in societate sunt ad id assequendum vel expresse vel tacite consenserunt.

III. Primum igitur sociorum in Civi-

tatem cocuntium pactum illud est ut singuli se obligent erga omnes se adhibituros media, quae communi suffragio aptiora videbuntur ad finem Civitatis assequendum, omnes vero obligentur erga singulos ad eorum felicitatem & securitatem collatis viribus promovendam.

IV. Itaque in Civitate bonum singulare idem est ac commune bonum Civitatis (1), commune autem Civitatis bonum ex singulari cuiusque civis bono constat. Bonum commune *salus publica* dicitur.

Si quis in Civitate felix securusque esse possit nulla habita publicae salutis ratione, vel si singulare alicuius bonum cum bono communi collidatur, & versa vice, Civitas aut corrupta est aut imperfecta.

§. 3. De Imperio publico.

Omnis obligatio hypothetica ex consensu & mutuis promissionibus. In Civitate quisque promittit omnibus se propriis viri-

O 4

(1) Revocanda huc sunt principia omnia, quae supra circa societatem in genere constituimus.

bus omnia facturum, ut finem Civitatis assequatur, atque adeo omnibus quaesitum est jus perfectum, actiones singulorum ad finem Civitatis dirigendi: omnibus igitur imperium in singulos competit, quod in Societate civili *Imperium publicum*, seu *civile* dicitur.

Ergo pactum sociale nempe promissio singulorum erga omnes origo & fons Imperii Civilis. Imperium est ens morale, quod a pacto sive consensu ortum ducit, singuli in omnes per pactum sociale imperium transtulerunt, omnes focii sunt Populus, principio igitur Imperium publicum apud Populum est.

Jus sociorum omnium in singulos finis societatis dimetitur in genere, ut alibi diximus, ergo & Imperii publici limites & jura a consilio & obiecto Civitatis circumscribuntur.

Imperium igitur civile omnium in singulos eas actiones tantum, quae aliquo pacto ad finem Civitatis referuntur, moderabitur: in ceteris a Legibus naturalibus Cives diriguntur; cum enim societatem inierunt, sponponderuntque se collatis viribus commune bonum promoturos non praesumun-

tur eas actiones Imperio publico subiecisse, quae nullam ad salutem publicam, sive commune bonum rationem habent.

§. 4. *De Libertate Civitatis.*

Cum Cives homines liberi sint, & Populi Imperio tantum nonnullas subiecerint actiones, quae ad finem Civitatis consequendum rationem habent, sequitur eos & singulatim & simul sumptos libertate naturali gaudere quod ad eos omnes, qui extra Civitatem sunt, libertas enim nonnisi consensu & pacto exuitur. Civitates igitur inter se haberi possunt, tamquam personae morales in statu naturali viventes, nec una alteri subiicitur nisi pacto intercedente.

Ergo Populi Imperium civile summum est & absolutum, in juris enim quaesiti sive Imperii sui exercitio a nullius arbitrio pendet.

§. 5. *De Translatione Imperii.*

Cum quisque possit de juribus, rebusque suis statuere ex sententia, manifeste liquet Populo licere jus Imperii ex sociali pacto sibi quaesitum vel apud se retinere & administrare, vel etiam in alium transferre, si libeat. Itaque post sociale pactum, de Imperio retinendo vel transferendo deliberent Cives oportet, & suffragium ferant.

Si imperium igitur transferendum, Populo jus est eas condiciones translationi apponere, quae magis expedire videbuntur, Populus enim statuit de jure suo, atque adeo illud vel absolute, vel sub conditione nemine contradicente transfert, & uti Populus statuit ita jus esto.

Persona illa vel singularis vel moralis, in quam translatum est civile Imperium, *Rektor Civitatis*, vel *Summus Imperans*, aut *Princeps* dicitur, eiusque obligationes & jura partim a natura & indole delati Imperii, partim a Populi tacita vel expressa voluntate definiuntur.

Si nulla apposita conditione Imperium suum summum & absolutum in alium Populus transferat, animadvertendum maxime est an illud quod ad exercitium tantum, an etiam quod ad substantiam transfulerit. In utraque hypothesi Imperium quidem summum & absolutum translatum est, in prima tamen Civitatis Rektor eius usum tantum & exercitium habet, nec de eo tamquam de jure sibi proprio statuere potest, in altera autem Imperium tamquam jus proprium possidet: In prima jus summi Imperii saltem in

potentia, ut ajunt, apud Populum est, in altera apud Rectorem Civitatis, seu Principem.

Id quidem probe notandum est, ex hoc enim principio illustrium in Jure nostro controversiarum omnis pendet diiudicatio & solutio.

§. 6. *Ex Imperii translatione consecutaria.*

I. Falsa igitur est & absurda nonnullorum sententia, qui summum Imperii jus semper esse apud Populum dixerunt, Imperatores autem nil aliud esse, quam Populi ipsius administratos, & voluntatis generalis executores, qua quidem opinione nil periculosius, nil ad excitandos hominum motus accommodatius, ut legitimi Principis detrectent imperium non sine publicae securitatis dispendio, & totius Civitatis excidio (1).

(1) Imperium, inquiunt, est voluntatis generalis exercitium, at voluntas generalis in alium transferri nequit, ergo nec Imperium. Hujuscemodi argumenti fallacia in definitione Imperii sita est. Imperium enim Civile est Jus determinandi actiones Sociorum, seu Civium ad commune Bonum, quod quidem

Non inficiandum quidem id volente populo fieri posse : quin si Imperium quod

jus a pacto sociali, sive a promissione singulorum erga omnes ortum ducit. Hoc jus principio ad universos pertinet, & universi Cives seu Socii simul sumpti sunt Persona Moralis Imperans, sive ille Sovrano. Ea jus habet seligendi media, quae ad finem Civitatis assequendum aptiora videntur, media autem sunt Leges. Poterit igitur vel ipsa per se investigare & eligere Leges, vel uni aut pluribus eam curam demandare ad tempus, in perpetuum &c. vel irrevocabiliter illud jus in alium transferre, statuit enim de re propria, & de jure suo, cum Imperium Civile reipsa sit jus, non exercitium; exercitium enim est actus ipse imperandi, quod ab ipso Imperio sive jure Imperii differt. Itaque vix concipi potest, cur Populus in alium transferre exercitium, juris possit, non autem jus ipsum, quod asserunt inalienabile; nam si Pater & Dominus alienandi jus habent privatum Imperium, quod alteri in filios, alteri in servos competit, non video cur Populo idem jus denegandum sit, habita Imperii publici ratione, quod a privato nonnisi in obiecto differt. At in eo maxime, addunt adversarii, differt Imperium publicum a privato, quod a sociali pacto originem ducat.

ad substantiam non transferat, & Reſtori-
bus tantum executivam poteſtatem conce-

Paſtum autem illud eſt ut ſinguli & vires & bona conferant ſub Imperio voluntatis generalis: ergo voluntas tantum generalis juſ habet dirigendi vires Societatis ſeu Politici corporis, atque adeo cum publicum Imperium in voluntatis generalis exercitio & executione conſiſtat, exercitium quidem, non autem ipſa voluntas transferri poteſt. Eodem tamen circulo eadem res circumagitur, eademque eſt argumenti fallacia, quam ſupra notavimus.

Sed eſto: exercitium voluntatis generalis transferatur, voluntas penes populum remaneat. Poterit quidem voluntas haec generalis poſt translatum exercitium ultra progredi, & ſtatueret ut unus vel plures vice ſua fungantur in perpetuum, & publicas dirigant vires, & ut deinceps unius vel plurium voluntas pro voluntate generali habeatur. Quinam aſſerunt in hoc voluntatis generalis actu eſſe repugnantiam & abſurditatem? Quibuſnam rationum momentis innixi id velle populum non poſſe aſſerunt? Quod enim reſerunt Imperantem ſummum, ſive Populum Perſonam eſſe collectivam, atque adeo a perſona ſingulari non poſſe repraeſentari ineptum & deridiculum eſt, nec dignum quod reſutetur.

dat, Tyrannidi fortasse obviam ibit, sibi que civilem libertatem diutius conservabit. Ab-

Sed haec & cetera hujusmodi quae in medium nuper protulit vir summi Ingenii & incomparabilis eloquentiae Jacobus Rousseau in suo Contractu Sociali Lib. 2. Cap. 2. inter cetera paradoxa enumeranda sunt, quae ille acute tamen & ingeniose propugnavit. Ea tamen non nova sunt. Cum Belgae Hispanorum jugum excusserunt multa hinc inde disputata sunt de Juribus Populi & summi Imperantis. Utriusque causam egerunt Armacanus, sive ut nonnulli censent Cornelius Jansenius, & Martinus Schookius: & occasione, qua Lusitani ab Hispanis defecerunt conscripta multa sunt, in Lusitanorum defensionem a Caramuele Lobkovitz in Philipp. prud. ab Antonio de Sousa in Hispan. liber. & ab Aegyra De success. Portugall. Fatum autem Caroli I. Regis Angliae in causa fuit ut eadem jura excuterentur, de quibus scripsit Joannes Miltonius pro Populo, Claudius Salmasius pro Rege. Unde Monarchomachorum, & Antimonarchomachorum sectae & nomina emerferunt. Pro re nata de eodem subiecto scripserunt Georgius Buchananus De Jur. Regn. Scot. Marius Salomonius De Principatu. Stephanus Junius Brutus, sive ut nonnullis placet Phi-

fursum tamen mihi videtur illud quod asserunt, jus nempe summi Imperii, quod populo competit, alienari non posse, idque cum pacto sociali, sive civilis Societatis natura pugnare; alienatio enim istiusmodi nec generalibus naturae legibus, nec obiecto & consilio Civitatis adversatur, & in nonnullis Populorum Regnorumque conditionibus una fortasse est publicae salutis expedienda via. At alienatio facile in abusum, & in populi detrimentum & perniciem aliquando verget. Esto: non tamen quaero quid saluti publicae ut plurimum expediat, sed tantum quid sit

lippus Mornaeus, aut Hubertus Languetius *Vindic. contr. Tyrann.* Francisc. Hottomann. in *Franco-Gall.* & in *Lib. De Jure Regni Gall.* aliique, quos vide apud Jo. Franc. Buddeum *Histor. Jur. Natur. inter Select. Jur. Natur. & Gent.* §. 52. & seq. Illud tamen animadvertendum ejusmodi Scriptores nimio partium studio correptos fuisse, atque adeo multoties non veritatem, sed quod causae, quam defendendam susceperant, favere videbatur, nullo delectu in medium protulisse. Vid. Grot. *Lib. I. Cap. 3. §. 8. & Cap. 4. §. 1. ibique Comment.*

justum. Et revera qui contrariam sententiam tuentur non expedire potius multoties absolutam Imperii alienationem, quam moraliter impossibilem esse demonstrant.

II. Illud etiam animadvertendum est quod quamvis Populus in alium Imperium transferat etiam summum & absolutum, tacita semper haec conditio subintelligitur, quod nempe ad salutem Populi utetur, nec aliquid jubebit quod ad finem Civitatis consequendum, nempe felicitatem & securitatem Civium non referatur. Id ex natura Imperii Civilis sequitur; nullum enim aliud jus a Populo in alterum transferri poterat, quam quod ipse Populus ex pacto sociali sibi quaesiverat, Imperium autem Populi iisdem limitibus erat circumscriptum.

III. Translatio igitur Imperii publici quamvis summi & absoluti translatio est juris conditionata. De juribus eorum qui pactum ineunt sub conditione alibi diximus.

IV. Et cum, si Imperium translatum minime fuisset, eius actus omnes voluntatis generalis actus fuissent, Princeps in quem absolutum & summum Imperium translatum est, si ut Princeps, agit voluntatem generalem reprae-

repraesentat, & idem velle & jubere ac si Populus esset praesumitur.

V. Itaque singuli jussa Imperantis facere tenentur, nec privato alicui jus est resistendi, aut eius actus irritos faciendi, voluntatis enim generalis quam repraesentat Imperium est absolutum & summum, cuius praecipuus character ille est, ut eius jussa nullus privatus irritare possit.

VI. Et cum voluntas generalis nil aliud velle possit quam felicitatem & securitatem publicam, quippe quae ex singulorum voluntatibus constat, qui eo consilio in Civitatem coiverunt, illud praecipuum Imperantis officium est, ut media ad salutem publicam consequendam necessaria diligenti perpetuaque indagine inquirat, eaque Populo proponat, & exsequenda curet.

VII. At si quando boni communis specie decipiat Imperans, & ea jubeat, quae parum sint ad finem Civitatis assequendum accommodata? Neque tunc privato cuiquam esse jus resistendi dicimus, tum quod summi & absoluti Imperantis nullus Judex esse possit, tum quod aliquando erraturum fore Imperantem praesumitur probe novisse Po-

pulum, ac erranti tamen obtemperare voluisse, cum ei summum & absolutum Imperium tradidit. Nonne & Reipublicae pars major, quae pro generali voluntate habetur specie recti moveri, atque decipi potuisset? Nonne tamen singuli dissentientes etiam ad obedientiam obligarentur? Cur non igitur Imperanti, qui voluntatem generalem repraesentat?

§. 7. *An Imperium publicum sit divisibile. De Imperio limitato, & de Legibus fundamentalibus.*

Finis Civitatis felicitas & securitas Civium. Felicitas multis elementis constat, multaque & diversa inter se sunt media, quae ad finem Civitatis assequendum ducunt, atque adeo Imperii jura diversa sunt, quae concipi possunt tamquam separata. Si igitur Populus in delatione Imperii sibi velit jura quaedam ad Imperium spectantia reservare, poterit quidem: poterit etiam ea in Personam ab Imperante diversam transferre, necesse enim non est ut jura omnia quae ad Imperium publicum spectant in eadem persona sint. Imperium tamen quamvis ex parte diminutum summum & abso-

lutum erit, si Populus ita jusserit. Eo pacto jura summi Imperii divisa fuisse & veteris & recentioris historiae monumenta manifeste declarant.

Si igitur Populus vereatur ne Imperans jure absoluto aut dolo, aut imperitia abutatur, aut ex parte diminutum Imperium transfert, aut Leges quasdam statuit, juxta quas Imperii jura exercenda sunt, quae tamquam expressae conditiones delato Imperio appositae haberi possunt, & quae vulgo *Leges fundamentales* dicuntur.

Quapropter si Imperans, cui summa delata est potestas, generali tantum jureiurando se obstringat se rem Civitatis publicam recte administraturum, nil nisi quod ad salutem & securitatem Civium spectat jussurum, & cetera id genus, non ideo Imperium ex absoluto fit limitatum; jusiurandum enim illud, si nihil peculiare & particulatim expressum contineat, non differt ab ea generali obligatione, qua Imperantes omnes tacite & implicite obstringi diximus: quippe Legum fundamentalium character is est, ut conditiones sint speciatim expressae, quae

Imperii exercitium certis finibus circumscribant.

Cum igitur quantitas juris Imperanti concessa una Populi voluntate ponderanda sit, si Imperium translatum sit limitatum, manifeste patet Imperantem in exercitio juris sui Leges fundamentales violare non posse, eas autem moderari, temperare, atque etiam abrogare omnino ad Populum pertinere.

Quaesitum est an si forte acciderit ut Leges fundamentales cum salute publica confligant, jus sit Imperanti, cui publicae salutis cura demandata est, eas inconsulto & irrequisito Populo, oblata quasi necessitate, infringere, & non posse in genere dicimus, nisi Populus expresse necessitatis casum exceperit; potius enim alicuius detrimenti periculum, quam Imperatoriae potestatis abusum subire voluisse Populus praesumitur. Videtur igitur ad Populum referendam necessitatem a Civitatis Rectore, & exceptionem Legis postulandam.

In praesenti tamen & summo Civitatis discrimine, cum nec consulendi Populi copia & tempus est, optimum Principem

eum esse arbitror, qui fundamentalem Legem violat quidem ex praesumpta Populi voluntate, at statim ac potest causam violationis Populo exponit ut eam ratam habeat, suaque confirmet auctoritate. Hoc pacto & publicae saluti consulitur juxta supremam naturae Legem, & Populi jus non laeditur.

§. 8. *An Regnum possit esse aliquod Patrimoniale.*

Quaesitum est etiam an Imperium in patrimonio Imperantis esse possit, de qua re innumerae editae in vulgus sunt Juris nostri Consultorum disceptationes (1), quas tamen si attento etiam animo evolvas quid tandem de hac celebri controversia statuendum sit vix intelliges. Videamus si tantam litem dirimere ex nostris principiis nobis facultas est. Omne a definitione Patrimo-

P 3

(1) *Vid. Grot. Lib. 1. Cap. 3. §. 11. Pufend. De Jur. Nat. & Gent. Lib. 8. Cap. 5. §. 1. ibique Comment. Henr. Cocc. Aution. Juris Gent. Cap. 12. Casp. Beckii Disp. De Jur. Regn. Patrimon.*

nii pendet tantae diffensionis judicium. Si igitur Patrimonium includit jus utendi, abutendi re propria, & de ea statuendi ad suam tantum utilitatem, nisi in ipsa meridiana luce coecutire velis, fatearis oportet Imperium quamvis summum plenum & absolutum nunquam in patrimonio haberi posse. Imperium enim publicum jus est determinandi, seu dirigendi actiones Civium ad finem Civitatis assequendum, finis Civitatis felicitas & securitas Populi, ergo Imperium publicum ob utilitatem parentium, atque adeo nullum aliud jus Imperantis nisi ut publicam salutem sapienter & integre tueatur; at Patrimonium in hypothesei jus utendi abutendi re propria includit, & ad unam domini utilitatem refertur, ergo patrimonium cum Imperii natura & indole pugnat, nec una res diversissimae consistere possunt. Huc accedit quod cum abusus includat jus pessumdandi, perdendi, destruendi rem propriam, nemo est qui possit jus istiusmodi in alium transferre, atque adeo nec Populus in Imperantem.

At homo liber potest se in perfectam, perpetuamque servitutem dedere, cur &

Populus non possit? Poterit quidem, at si rectae rationis potius quam Legum Romanarum praecepta ponderentur, nec domino jus est servum quasi mancipium & jumentum habere. Huc accedit quod multitudo hominum istiusmodi non Populus non Civitas dicitur, sed servorum familia, quibus tamen contra iniustam domini vim & saevitiam vel fuga, vel violenta defensione natura jubente sibi consulendi jus est.

At victos in bello captos victor necare potest, multo magis eos in perfectam servitutem redigere. Falsum est, uti jam monuimus (1), victorem captivos necare posse, si alio pacto eorum impetum refrænare, animumque compescere hostilem ei facultas sit, falsum igitur quod exinde deducitur consuetudinem; nam ex eo ipso quod captivos in servitutem redegerit apparet sibi ab iis cavere potuisse, atque adeo eorum internecionem nec fuisse necessariam, nec licitam.

P 4

(1) *Vid. P. I. Cap. 7. §. 8. & 14. Coroll.*

Si vero Imperium patrimoniale illud esse intelligunt quod summum, plenum, & absolutum translatum est in alium ea lege ut habeat tamquam rem propriam, illudque vel actu inter vivos, vel supremis tabulis ei relinquat, qui ipsi videbitur ad imperandum aptior, fatemur Imperium istiusmodi esse & concipi posse (1), dummodo quisquis

(1) *Vid. Jo. Fr. Budd. Select. Jur. Natur. & Gent. Praefat. ad Lector. p. m. 32. & Dissert. De Testament. Summor. Imper. spec. Carol. II. Hispan. Reg. §. 21. & seqq. Innumera sunt tum in veteri, tum in recentiori historia Regnorum exempla, quae vel Testamento vel actu inter vivos ab Imperante in alium translata sunt. Vid. Grot. Lib. 1. Cap. 3. n. 12. quod ad antiqua exempla, quod ad recentiora Dumontium in Corpore univers. Diplom. ubi frequentissima sunt Principum Testamenta in quibus de jure Regni statuitur. Eodem jure & actu inter vivos ab uno ad alium jus Imperii multoties translatum est. Hoc pacto non multis ab hinc annis Lotharingia primum Stanislao Poloniae Regi, dein Gallis, Hetruria Francisco I. Caesari, Parmae & Placentiae Ducatus Philippo Hispaniarum*

Imperans fuerit eo tantum utatur salutis & utilitatis publicae gratia . Sine hac vel tacita vel expressa conditione nullum Imperium civile legitimum .

C A P U T I I.

De diversis Rerumpublicarum formis .



§. I.

Si Imperium igitur summum & absolutum, nullisque circumscriptum limitibus, quale haecenus descripsimus, penes Populum universum est, Status Civilis *Democratia* dicitur, si ad personam singularem transfertur *Monarchia*, si ad moralem *Aristocratia*. Hae quidem sunt Reipublicae, seu Civilis Status formae simplicissimae; nam ad Aristocratiam *Timocratia* Aristote-

Infanti cessit . Vid. publica Foedera Vienn. 1738. Wormat. 1743. Aquisgran. 1748. apud Mably Droit pub. de l'Europ.

lis commodè referri potest (1). In prima *Imperans*, sive *Princeps* est *Populus universus*, *Civis* unusquisque vero est subditus, in altera *Monarcha*, in tertia *Aristocrates*, qui & *Optimates* dicuntur, simul sumpti tamquam persona moralis, singuli autem subditi sunt aequè ac reliqui *Cives*. Dignitas *Imperantis Majestas* dicitur.

At cum *Populus* in delatione *Imperii* summum & absolutum imperandi jus temperare possit iis modis, qui ad finem *Civitatis* assequendum aptiores ipsi videntur, tot emergunt diversae *Rerumpublicarum* formae (2), quot esse possunt *Imperio* de-

(1) *Vid. Aristot. De Rep. Lib. 3. Cap. 4. & 5. Lib. 4. Cap. 2. Huber. De Jur. Civitat. Lib. 1. Sect. 8. cap. 5. §. 8.*

(2) *Quapropter nec facile numerari, nec firmis certisque limitibus describi possunt. Inter Respublicas mixtas digna tamen est quae memoretur Respublica Foederata, utpote quae ceterarum omnium contra internam externamque vim potentissima, in qua non unus Populus, sed plures ita sociantur, ut universitatem, seu personam moralem constituent, quae ex singulis Populis, tamquam individuis*

lato expressae conditiones appositae, sive Leges fundamentales, & quae uno vocabulo *Républicae mixtae* dicuntur, non ut nonnullis placet *irregulares*; tres enim illas tantum simplicissimas quas exposuimus Reipublicae formas regulares & perfectas nonnulli vocant. Fortasse eo nomine decorari merebantur cum primum homines & vitae

constat, in eamque summum & absolutum Imperium transferunt in eas actiones tantum, quae ad felicitatem & securitatem generalem totius Gentis, sive Societatis universae referuntur, in ceteris autem a nullius arbitrio pendent, ita ut quisque Populus liber sit & autonomus in interna Reipublicae administratione, in externa subditus; actiones enim omnes, quae ad salutem Societatis universae referuntur, universitas ipsa Populorum qui foedere juncti sunt, determinat: quae autem actiones sint quae ad salutem universitatis referuntur, a Foederis legibus, quae Leges consociationis, sive fundamentales nuncupantur, constituuntur. Ejusmodi foedere juncti erant antiquitus Etrusci, Achaei, Lycii, aliique quos vide in nostro Libello De Etruscorum Regimine, nostris autem temporibus Belgae, & Helvetii.

simplicitate, & rusticitate conspicui parum a naturae institutis desciverant, sed postquam pro temperantia & innocentia luxuria, avaritia & ambitio animos eorum incescit, imperfectas potius dicendas puto, in iis enim simplicibus formis jura Civium in perpetuo versari discrimine longo experimento constat, quod quidem vitare fortasse nefas, nisi simplices formae una permisceantur, & quo magis hominum crevit malitia, eo artificiosius Civilis Status digestus, maiori circumspectione componatur.

Principe constituto is Imperium exercet intra fines Territorii Gentis illius, quae ipsi Imperium detulit: quisquis in Territorio est voluntati eius obtemperat sive indigena, sive advena sit, qui enim intra fines Territorii immoratur tacite consentit se jussa Imperantis facturum, de qua re uberius cum de Jure Gentium dicemus.

§. 2. *De Autonomia Gentium & Libertate Civili.*

Quamvis Imperio publico constituto singuli qui in societatem coiverunt naturalem libertatem exuerint, easque actiones, quae ad commune bonum referuntur, pu-

blicae auctoritati dirigendas subiecerint, simul sumpti tamen, & si Gentis ad Gentem, Populi ad Populum ratio habeatur, liberi sunt & autonomi; *autonomus* autem Populus dicitur cum in administranda Republica a nullius arbitrio pendet. Cum autem in se spectatur, si non naturaliter, saltem civiliter liber est Populus: libertas autem civilis in Populo esse dicitur, si in Civitate Lex tantum, non vis & arbitrium valet, & si is penes quem est jus Leges ferendi ita sit fundamentali sanctione constitutus, ut non possit alias condere Leges, quam quae sunt saluti & felicitati publicae promovendae accommodatae.

§. 3. *De publici Imperii exercitio in Democratia.*

Si Populus per se Imperium publicum exercere velit, Comitia necessaria omnino sunt, nisi enim in conditum locum universus conveniat, eius voluntas, quae ex singularibus cuiusque Civis voluntatibus constat, nullo pacto colligi potest; atque adeo nec velle, nec jubere, nec aliquid legitime constituere dicitur nisi in Comitibus.

Cum autem comitia perpetua physico impossibilia sint, Populus quotidianum Imperii exercitium aliis committat oportet, jus autem sibi relinquat negotia publica, quae dilationem patiuntur diiudicandi & expediendi in comitiis tum ordinariis tum extraordinariis, quorum locum tempus & ordinem ex sententia statuit.

Postquam igitur inter confocios convenit de Democratica forma, quod universo Populo placuit id *Lex* dicitur; ex regulis autem generalibus, quas supra de societate in genere tradidimus, manifeste liquet id Populum, sive summum Imperantem voluisse quod maiori sociorum parti placuit, nisi aliter fundamentali Lege in quibusdam publicis negotiis expediendis fuerit constitutum.

Lex lata igitur utpote summi & absoluti Imperantis actus a nemine irritari potest, atque adeo & dissentientes obligat, qui voluntati generali, sive summo Imperanti se obtemperaturos promiserunt per pactum sociale: quin & Legis effectus dissentientibus etiam saltem externe imputari possunt & debent, nam interne suis tan-

tum auctoribus actiones propriae impuntantur .

Ceterum ii , quibus Legum exsecutio commissa in Democratia, Jurisdictionem Populi nomine exercent quamdiu ipsi expedire videbitur . Si quid novum emergat quod Legibus cautum non sit , comitia Populi indicuntur , apud quem summum est & absolutum Imperium .

Populi est etiam statuere cui jus esse debeat comitia extraordinaria convocandi, qui suffragiorum numerus pro suffragio generali habendus , quid agendum si suffragia paria sint , quis ex Populo suffragii jus habere debeat , quodnam jus absentium a comitiis , an singuli comitiis adesse , an potius Gens omnis in varios ordines distribui, & ab unoquoque ordine homines delegati ad comitia mitti debeant , qui ordinis totius suffragium ferant , cui jus committendum negotia in comitiis pertractanda proponendi , cui suffragia colligendi , & cetera id genus , quae ad praxim politicam spectant , & quae varia esse possunt juxta constituentium voluntatem , & loci & temporis condiciones .

Illud praecipue in statu Democratico est diligentissime & summa praecavendum sedulitate, ne Senatus vel persona illa moralis, cui quotidianum Imperii & administrationis exercitium est demandatum, sensim pedetentimque jura Majestatis occupet, & indebitam invadat potestatem. Populus igitur veterum usurpationum exemplo edoctus, novas semperque libertati suae impendentes usurpationes timeat, & perpetua vigilantia compescat oportet; constat enim ex veteri historia Respublicas Democraticas facile ad Aristocratiam, & Oligarchiam dilabi, tandemque rerum omnium summam ad unius tantum deferri Imperium. Sed haec & alia eiusdem generis, quae de administranda, ordinandaque Republica adnotare possem, ad Artem Politicam spectant, quam quidem non contineri in Disciplina nostra jam monui, in qua non quid particulatim expediens & utile in quibusque humanae vitae conditionibus quaeritur, sed tantum quid justum.

§. 4. *De eiusdem exercitio in Aristocratia.*

Quae de Populo diximus facile ad Optimates, seu viros Patricios traduci possunt, qui

qui Populi pars sunt, eumque repraesentant; in eos enim Populus universus Imperium detulit, an vero summum & absolutum, an minus plenum & limitibus circumscriptum a Legibus fundamentalibus est deducendum.

In ea igitur Reipublicae forma & voluntas generalis Patriciorum, sive Imperantis a pluralitate suffragiorum deducitur, & comitia, & Magistratus, penes quos sit Imperii exercitium, constituuntur, & cetera in ordinem rediguntur, uti in Democratia diximus, vel Populo jubente in ipsa Imperii delatione, vel universali Optimatum sententia, si Imperium summum, plenum, & absolutum in ipsos translatum est.

§. 5. De eodem in Monarchia.

Cum Populi jura omnia in Monarcham translata sint, eo jubente negotia publica administrantur omnia, neque ulli rationem reddere tenetur, nisi aliter Legibus fundamentalibus cautum sit. Si Leges eiusmodi sint, quae summae Potestati fines ponant, & absolutam coerceant auctoritatem, Imperium Monarchae delatum *Regnum legitimum* dicitur.

De Regnis legitimis aliquid certi statuere nefas, quippe quae differunt inter se juxta Legum fundamentalium diversitatem, quae quidem arbitrio Populi constituuntur; atque adeo a Monarcha, cui jus Imperii plenum & absolutum delatum est, ad Lacedaemonis Ephoros innumeri sunt gradus intermedii, quos enumerare nec necessarium, nec utile. Illud quidem certum est in quibuscumque Rebuspublicis mixtis, quo & Regnum legitimum refertur, Leges fundamentales jura Imperantis, eiusque auctoritatem dimetiri.

Sunt qui de Regno herili verba faciunt, quasi status ille hominum, in quo omnia ad heri sive domini utilitatem referuntur, civilis dici posset. Quid de hoc statu sentiendum monuimus cum de Regnis patrimonialibus differebamus: illud hic loci addendum, quod quamvis fieri possit, ut multitudo hominum in perfectam servitutem se tradat, sibi tantum pacisci poterit, non filiis, quibus libertatem naturalem praeripiendi nemini jus est.

§. 6. De Regno electivo, successorio, & haereditario.

Cum jús omne Imperantis a voluntate Populi pendeat, manifeste patet eo vita functo Imperium publicum ad Populum regredi, nisi in Imperii delatione fundamentalí Lege aliter cautum sit. Si igitur Populus vel ipse per se, vel per alios velit defuncto Regi successorem designare *Regnum electivum* dicitur: si turbarum & contentionum metu Imperium ita detulit, ut Regi succedat qui in bonis eius succederet ab intestato juxta Civitatis Legem *haereditarium*, si autem expressam successionis Legem dixerit, *successorium*. Haereditarium tamen vix a successorio differt tum quod praecedente Lege cautum est quis esse debeat & gradus & ordo successionis in bonis defuncti; tum quod expresse vel tacite voluisse Populus praesumitur ut eo pacto ad Regni haereditatem succedatur, quo controversiae vitentur, & felicitas publica nullum patiatur detrimentum, ut infra uberius explicabitur. (1)

Q 2

(1) In Polonia Regnum est electivum,

§. 7. *De Successione ad jus Imperii Carolaria.*

I. Si Regnum electivum sit, Rege vita functo, cum nullus sit qui succedendi jus habeat Imperium ad Populum recidit, illudque sive per se sive per alios ex sententia exercet, & si velit novam Reipublicae formam constituere, nemine contradicente potest, nec ad novum eligendum Regem obligatur.

II. Rex legitime electus post Imperii acceptationem contractum quemdam cum Populo iniit, in quo se regnaturum spondit, Populus autem eius jussa facturum promisit: nec Rex igitur Regnum abdicare Populo contradicente, nec Populus jure quaesito eum privare licite potest.

III. Et cum nemo Regnum habere possit, nisi Populus in id aut tacite aut expresse consenserit, si Imperium absolutum ea Lege delatum est, ut Imperans sibi successorem eligat, Imperans non differt a

apud nos haereditarium, in Galliis successorium juxta Legis Salicae sanctionem.

persona, cui vacante Imperio, seu potius Rege defuncto, electionem novi Regis commiserit, atque adeo filios etiam, si velit, praeterire poterit (1). In ea constitutione si Rex intestatus decedat Imperium ad Populum recidit, nisi longa consuetudine & praesumpta Populi voluntate haereditarium factum sit.

IV. Quaesitum est an Princeps huiusmodi possit Regnum in partes subiectivas dividere. Distinguendum censeo an Regnum de quo agitur illud sit quod tamquam unum & indivisum eius Imperio primum commissum fuerit, ita ut una sit & indivisa Populi, sive Gentis eiusdem consociatio; an vero aliae Gentes, sive Populi liberi eidem Regi se subiecerint. In primo casu asserimus Regnum in partes subiectivas dividi

Q 3

(1) Petrus cognomento Magnus Rufforum Imperator Catharinam uxorem suam Nepoti ex Filio adhuc impuberi in successione anteposuit. Nonne ea Lex omnium optima? Augustus, Trajanus, Adrianus, Antoninus Pius, Marcus Aurelius optimi Principes adoptioni, non fortuitae generationi debentur.

nullo pacto posse, nisi Populo consentiente, tum quod qui societatem unam inierunt separari invicem nullo pacto possunt, tum quod cum Princeps in hypothese nil aliud sit quam elector futuri Regis a Populo constitutus, nullum aliud jus habet, quam personam designandi, cui jus integrum ipsi concessum a Populo deferat: in altero autem poterit Imperium dividere, nam tot personas quodammodo habet quot sunt Gentes, sive speciales Societates, quae ipsi summum detulerunt Imperium (1).

V. Exinde etiam sequitur in Regnis haereditariis filium natu maiorem, non feminas, non omnes filios pro rata ad Jus Imperii succedere; nam quamvis Populus jusserit ut in Regno succedat is qui in bo-

(1) In Galliis sub prima & secunda Regum stirpe Imperium fuit divisibile, ut in plerisque Europae Regnis, quae Feudali administrabantur regimine. Procedente tempore cum Reipublicae status artificiosius sapientiusque ordinari & constitui coepit fere ubique vel longa consuetudine, vel Lege fundamentali individua facta sunt Imperia Gentium.

nis paternis ab intestato successisset, attamen id voluisse praesumitur quantum Imperii Civilis natura patiebatur & Civitatis ipsius obiectum. Itaque ex Societatis natura & indole manifeste patet praesumi non posse Populum in divisionem subiectivam Imperii consensisse, consensum autem Populi juris Regii mensuram multoties esse diximus. Cum igitur non alio consilio Regnum haereditarium constituisse Populus praesumatur nisi ut turbis obviam iret, certumque haberet in Regno successorem, si Regi eiusque successoribus absolute Imperium tradidit, voluisse dicendus est ut maior natus, qui prior jus eventuale ad Regnum quaesivit, is etiam ceteris exclusis succedat, eo enim pacto & dissensiones & turbae evitantur, & successor certus habetur, quae duo maxime Populum voluisse in Regni haereditarii constitutione diximus (1).

Q 4

(1) *Dubitatum est a nonnullis an, si Imperium haereditarium delatum sit privato Civivi, qui jam filios genuerit, is qui natus est*

VI. Illud etiam ex natura Imperii sequitur Populum tacite exclusisse ab ordine

Patre Imperante natu maiorem in privata fortuna genitum vincat & excludat a Regiae successionis jure, & non excludendum verior sententia mihi videtur; Populus enim, qui simpliciter Regi eiusque successoribus jus Imperii tradidit, & successores jam genitos intellexisse praesumitur, ii enim in ipso generationis facto fundatum habent, ut Scholae aiunt, jus ad paternam successionem & haereditatem, quae non tantum jura Patri competentia cum filius gignitur, sed & quae ad eum spectant mortis tempore complectitur. Atamen de ea re & verbis & armis multoties disceptatum est olim inter Darii Filios Artamenem sive Artabazanem, & Xerxem, posteriore vero aetate inter Othonem magnum, & Henricum fratres, inter Bajazetem II. & Zizimum Mahumetis filios, inter Ludovicum & Galeatium Sfortias &c. Vid. Herodot. Lib. 2. Plutarch. De Fratr. amor. Justin. Lib. 2. Cap. 10. Barbeyrac. Recueil des ancien. Trait. P. 1. pag. 86. Guicciardin. Histor. Lib. I. Litteras Maximiliani Caesaris, in quibus Ludovico Sfortiae Investitura Ducatus Mediolanensis tribuitur apud Philipp. Comines Lib. 7. Vid. Grot. Lib. 2. cap. 7. §. 28.

successorum eos, qui invincibili mentis vitio imperandi incapaces sunt. Ii tamquam non nati habentur (1), Regnumque ad eum qui proxime succederet devolvitur, non tamen exclusi intelliguntur minores.

VII. Cum igitur non Regis, sed Populi voluntate, qui primam de ordine succedendi legem constituit, quisque ad Regnum accedat, necesse non est ut idem sit Rex, & haeres defuncti Regis; quin poterit haereditatem privatam repudiare, & in Regnum tantum succedere & in bona Publica vel Regia: bona autem Regia dicuntur, quae ex publicis vectigalibus & tributis colliguntur, quaeque publicis oneribus sustinendis, perpetuoque Regis decori servando inferviunt; privata vero quae ex privatae familiae bonis, sive ex aliena haereditate Regi obveniunt, & quae *Allodialia* dicuntur. Haec alienari a Rege possunt, & in quos

(1) Exemplum esto Philippus Antonius Caroli III. Hispaniarum Regis Filius, qui tamquam non natus habitus est quod ad Neapolitanam & Hispanicam successionem.

velit usus converti, altera non item, atque adeo in ea legitimus Rex succedit (1). Sed de his clarius infra cum de *Domanis* agemus.

VIII. Si de successione ad Regnum controversia suboritur, Populus ipse iudex esto: non externae Gentes, non ipsi inter quos controversia suborta est aut armis aut transactione litem diriment; illae enim nullum judicandi jus habent, hi non vi armata, non privatis contentionibus, sed Populi tantum voluntate jus ad Regnum acquirere possunt (2). Velit igitur jubeat Populus, ad quem, si ordo successionis incertus est, Imperium interim recidit, Legem successionis, aut expressam, aut tacitam interpretetur, & judicio suo lis dirimatur (3).

(1) *Ex providentia enim populi succedit, si Regnum haereditarium sit vel successorium, non ex voluntate defuncti.*

(2) *Vid. Grot. Lib. 2. Cap. 7. §. 27. Pufend. Lib. 7. Cap. 6. §. 5. qui subtilibus quidem at non necessariis distinctionibus rem per se claram & expeditam obscurant & implicunt.*

(3) *Et quidem eo jure usum esse Populum multoties legimus. Controversia inter Eduar-*

IX. Quod attinet ad Regna successoria nihil certum firmumque de jure succedendi ad Regnum decerni potest, cum in hypothesis a Lege constitutionis sive fundamentalis jus omne derivetur. Successio tamen omnium optima & sapientissima videtur *linealis agnatica*, cuiusmodi ea est, quam a Lege vel consuetudine Salica in Galliis con-

dum & Philippum Valesium a Populo iudicata Polydor. Virg. *Histor. Anglic. Lib. 19. sub init.* Vid. Réponf. pour Madam. de Longueville à un Mémoire pour Madame de Némours. *De Successione ad Regnum Aragoniae novem Judices ex tribus provinciis electi sententiam dixerunt, illudque Infanti Ferdinando adiudicarunt.* Vid. Joan. Marian. *Histor. general. Hispan. Tom. 7. Lib. 20. Cap. 2. 3. 4. ubi de ordine succedendi longa est disceptatio.* Guicciardin. *Hist. Lib. 12. Neocastri Senatus multoties subortam de Jure succedendi in Imperium controversiam judicavit, & non multis ab hinc annis inter multos competitores Borussiae Regis jus esse potiozem lata sententia pronunciavit, quae quidem sententia in Ultrajectensi Tractatu confirmata est.* Wattel *Droit des Genis Lib. 1. Cap. 5. §. 66.*

stitutam esse diximus . Est & successio *linealis Cognatica* , & *Numidica* , & *Malabarica* , aliaeque permultae ; quas quidem singillatim per censere Instituti nostri ratio non patitur (1) .

(1) *Haec enim omnia vel ad Jus publicum particulare cuiusque Regni, vel ad artis Politicae partem historicam pertinent, quae quidem in ipso Operis initio me praetermissurum fore monebam, licet ab aliis res diversissimae una omnes permixtae fuerint, atque adeo ad immensam farraginem Disciplina nostra deducta. Si quis haec desiderat adeat oportet Grot. Lib. 2. Cap. 7. §. 22. & seqq. ibiq. Comment. Pufend. Lib. 7. Cap. 7. At tamen verba saltem definire non abs re esse puto. Successio linealis dicitur, in qua Regnum ab uno ad alterum devolvitur per continuam seriem in linea recta, nec ad aliam aeteris propiorem fit transitus, nisi prima extincta. Linealis successio triplex esse potest, Agnatica, Cognatica primi generis, Cognatica secundi generis. Agnatica dicitur cum feminae earumque descendentes in perpetuum excluduntur, qualis est successio Salica, seu juris Francici. Cognatica primi generis cum feminae pari jure cum maribus admittuntur ad successionem habita tantum praerogativa aeta-*

X: Si non morientis Regis, sed Populi
simplicita saltem voluntate ad Regnum suc-
ceditur, Princeps nec successores legitimos
exhaeredare, nec Regnum abdicare pro se

*tis. In hac successionem filia natu maior filium
natu minorem excludit, neque ad eius lineam
transitus fit nisi linea filiae natu maioris
extincta. Eiusmodi tamen successionem nullibi
constitutam legimus. Cognatica secundi ge-
neris cum feminae non admittuntur nisi ma-
sculis deficientibus, cuiusmodi est successio
Castiliana. Numidica cum ad Regnum ad-
mittuntur omnes Regis adgnati juxta proxi-
mitatis, aetatis, & sexus praerogativam Liv.
Hist. Lib. 29. Cap. 29. Malabarica cum
Linea regnatricis per filias Regis, non per
filios producit: qui successionis ordo & in
multis aliis Indiarum, & Africae provinciis
in usu est. Eius Legis rationem reddit Ray-
nal. Hist. Philos. & polit. des Etabliss. des
Europ. dans les deux Indes „ Dans les Em-
pires de Loango, & de Congo la Cou-
ronne se perpetue dans la Ligne masculine
du côté des femmes, c'est-à-dire que le pré-
mier fils de la soeur aînée du Roi hérite
du Trône devenu vacant. Les peuples
croient qu'un enfant est bien plus sûrement
le fils de sa mere, que de l'homme qu'elle
a épousé. Ils s'en rapportent plus au mo-*

& descendantibus suis jam natis vel conceptis ullo pacto potest: secus pro non natis, eorum enim qui nondum extiterunt nulla sunt jura. Ipse tamen Imperium sibi delatum abdicare poterit si legitima publicae utilitatis causa abdicatio fiat, & Populus in id aut tacite aut expresse consentiat, in Imperii enim delatione contractum inter Populum & Regem iniri utrimque obligatorium supra monuimus (1). Idem intelligendum & de renunciationibus, de quibus tamdiu inter

ment de l'enfantement, qu'ils voient; qu'à celui de la conception, qu'ils ne voient pas. „ *Vid. Epist. Patr. Petit Jes. Tom. 20. Lettres édifiant. Petr. de Valle P. 3. Cap. 6. Philipp. Bald. Descript. Malabar. & Coromandel. Cap. 17. De Real Science du Gouvern. Tom. 4. Sect. 7. pag. 202.*

(1) *Regnorum abdicaciones tum in veteri, tum in recentiori historia frequentissimae. Gallia, Germania, Suecia, Polonia, Hispania, Italia abdicacionum exempla praebeant complurima, quas tamen multoties non publicae salutis, sed vel inanis gloriae captandae causa, vel praecipiti voto & immaturo consilio factas longa & miserabilis abdicantium poenitentia secuta est.*

nostri Juris consultos disceptatum est; si enim eas Populus ratas habeat valent jure naturae, quippe quae non differunt ab expressa Populi Lege, qua constitutus successionis ordo immutatur, & a successione Regia certa persona excluditur, cuiusmodi sunt expressae Leges in Anglia, Lusitania, & Russia, quae veluti exceptiones generalis Legis de successione ad Regnum haberi possunt (1).

(1) Philippus V. Hispaniarum Rex ad Galliarum, Philippus Dux Aurelianensis ad Hispaniarum Regnum successioni renunciant, et Hispani et Galli publico suffragio, et unanimi consensu renunciationes ratas habent. Si actus istiusmodi ad sua simplicia elementa redigantur, manifeste patet Principes juri sibi acquisito per fundamentalem successionis Legem renunciaffe, Gallos autem et Hispanos politicae Legi de successione latae derogasse quod ad personas tantum renunciantes; quae quidem omnia jure fieri posse manifeste patet; cum enim salus publica suprema Lex sit, si Lex politica de successione in Reipublicae detrimentum vergat, casum eiusmodi excipi posse consensu eorum quorum interest non est ambigendum. Vid. Montesq. Espr. des Loix

CAPUT III.

*De Administratione Reipublicae &
Juribus Maiestatis.*

- §. 1. *Consilium & obiectum generale Imperantis in administratione Reipublicae:
ubi de primo Maiestatis Jure.*

EX Civitate Imperium publicum, Civitas ob felicitatem & securitatem Civium est constituta, ergo administrationis Reipublicae actus omnes eo referantur oportet, ut felicitas & securitas, sive uno verbo commune

Lib. 26. Cap. 23. De Real. Science du Gouvern. sect. 6. §. 61. et seqq. Mably Droit publ. de l'Europ. Tom. 2. pag. 108. et seqq. Renunciatio Philippi V. Hispaniarum Regis fundamentum est Tractatus Ultrajectensis, quem Aquisgranensis confirmavit, quibus quidem totius Europae pax innititur.

mune Bonum quantum fieri poteſt promo-
veatur. Haec ex confociationis pacto im-
poſita eſt praecipua & generalis obligatio.

Jura, quae ab iſtiusmodi obligatione
ortum ducunt *Jura Maieſtatis* dicuntur, ita
enim ad Imperii Civilis naturam & eſſen-
tiam pertinent, ut ſine iis nec Reſpublica
adminiſtrari, nec finis Civitatis obtineri ullo
pacto poſſit.

Illud hic loci animadvertendum eſt nos
in enumeradis juribus Maieſtatis Imperium
Civile tamquam aliquod ens morale indivi-
duum assumere, atque adeo plenum, abſo-
lutum, & ſummum quale penes Populum
eſt: parum autem refert ut in Rebuspubli-
cis mixtis jura Maieſtatis eſſentialia diviſa
ſint; haec enim ſimul ſumpta Imperium con-
ſtituunt.

His probe notatis, cum nullum Impe-
rium intelligi poſſit, niſi hinc parendi obli-
gatio, inde jubendi jus ſit, ſive regulas
praefcribendi, quae ad conſtituti Imperii fi-
nem aſſequendum ducant, & quae in Civi-
tate *Leges* dicuntur, inter praecipua Maie-
ſtatis Jura primum locum obtinet *Legumlatio*.

Idem Civitatis, idem adminiſtrationis
Tom. II. R

Reipublicae, idem Legumlationis obiectum & consilium felicitas & securitas publica, Leges enim, uti monuimus, nil aliud sunt quam media Civitatis finis assequendi singulis ab Imperante propfita.

Felicitas omnium una eademque est, non tamen iisdem elementis constat, non eadem paratur via; licet enim felicitatis humanae summa in perfectione sui ipsius statusque proprii sita sit, attamen nec ad eandem ubique perfectionis quantitatem homines capaces sunt, neque iisdem modis status internus & externus ubique perficitur, nec eadem ratione externa Civium felicitas cum perfecta securitate componitur. Sapientissimum Legumlatorem dixeris qui mores hominum regendorum & indolem, soli quod incolunt naturam, ingenii & animi vires, locales indigentias, conterminarum Gentium vim probe perpenderit, & Leges ita temperaverit, ut maximam quam potest Populo felicitatem sine securitatis impendio, maximam securitatem sine felicitatis decremento paret (1).

(1) *Exinde patet unicuique Civitatis Reſtori*

Haec tamen ad praxim prudentiamque Politicam ſpectant, ubi quid utile in unaquaque Republica quaeritur: noſtri muneris eſt quid juſtum ſit in Legibus condendis exponere.

§. 2. De Legumlatione Principium generale,

Nec Civitate, nec Imperio homines indiguiffent, ſi quiſque ultro & per ſe Naturae Legibus obtemperaffet, in earum enim

R 2

onus impoſitum ut proprias conſtituat leges, quae Populi conditionibus, moribus, Religioni aptentur. Opportune Montefq. *Eſprit des Loix* Lib. 1. Cap. 3. „Elles (les Loix) doivent être tellement propres au peuple, pour le quel elles ſont faites, que c'eſt un très grand hazard ſi celles d'une Nation peuvent convenir à une autre,,. Attamen neſcio cui fato tribuendum ſit, ut adhuc apud multos valeant vetuſtiſſimae Leges a Populo latae, cuius Maieſtas, lingua, mores, Religio penitus interciderunt. Non deſunt tamen qui exemplum dederint propriae Legumlationis, quod ceteri imitentur, Victorius nempe Amedeus Sardiniae Rex, Fridericus Rex Boruſſiae, Catharina II. Ruſſorum Imperatrix, & Veneta Reſpublica, apud quam propriae tantum Leges ſemper valere.

perfecta executione felicitatem & securitatem positam esse non est qui ambigat: ergo Leges omnium sapientissimae dicendae sunt, quae exsequendarum naturalium Legum viam facilem sternunt & expeditam, & ea omnia quae impedimento esse possunt e medio auferunt. Officia naturalia tam erga se ipsos, quam erga alios enumeravimus: totidem haec sunt obiecta Legum, totidem haec sunt Reipublicae recte administrandae principia. Huc revocentur Hominis, Parentis, Filii, Mariti, Domini, Servi &c. naturalia officia, coiverunt homines in Civitatem ut facilius ea omnia exsequi possent, atque adeo sibi felicitatem veram compararent. Respublica igitur ab Imperante ita administretur, ita Leges condantur, ut volenti in statu Civili expeditior quam in naturali officii sui explendi via pateat.

§. 3. *De Administratione Reipublicae Canones generales.*

I. Itaque copia earum rerum in Civitate sit oportet, quae non tantum necessitati, sed etiam commoditati & jucunditati inserviunt.

II. Quapropter & artificia (1) & agrorum cultura, & commercia interna & externa promovenda, ſine iis enim non dicam quae jucunda ſunt, ſed ne quae ſunt quidem neceſſaria ad vitam ſuſtentandam comparari poſſunt.

III. Niſi Imperans efficere poſſit, ut Cives omnes commodam & jucundam vitam ducant, caveat ſaltem oportet ne valido Civi operam diurnam locare volenti neceſſaria deſint. Si recte adminiſtretur Reſpublica, ut quis in Civitate mendicet patiendum non eſt (2); nam is, cui vires ſuperpetunt, ad laborem cogendus, qui ſene-

R 3

(1) Exinde jus Imperanti deſiniendi numerum Civium, qui eidem artificio exercendo operam daturi ſunt, vel idem vitae genus amplexuri, jubendi ne eo inconſulto egregii artifices ſolum vertant &c.

(2) Longo tamen experimento conſtat fere nuſquam nec latis Legibus, nec poenis impoſitis mendicandi morem reprimi potuiſſe, & factum eſſe multoties ut egeni Cives & publicis alerentur impenſis, & privatorum largitate ſublevarentur contra Legum prae-

Etate aut infirma valetudine laborant publicis sumptibus alendi sunt; naturali enim officio additur civile vinculum, quo universi singulis se obstrinxerunt ut ex communi penu indigentibus suppetias ferrent.

IV. Imperantis est curare ut Civibus ratio non desit animi & corporis perficiendi in iis saltem, quae ad commune Civitatis bonum pertinent. Huc referantur oportet Scholae, Academiae, Collegia, Universita-

scriptum. Sed est quaedam laudabilis sane voluptas indigenti opem ferre, & propria manu miseris succurrere, & paupertate oppressos erigere; qua quidem voluptate non tantum cives privare, sed & eos ob beneficentiae exercitium punire crudele nonnullis videtur; pauci enim sunt in Civitate qui novérint supremam omnium Virtutem esse & ipsam privatam beneficentiam, si Reipublicae inutilis & perniciosa sit, cohibere posse, & privatas virtutes omnes publicae virtuti postponere. Sed homines non quales esse debent, sed quales ut plurimum sunt, reguntur Legibus, & aliter Leges, aliter Philosophi, ut alibi monuimus, vitia tollunt, Leges quatenus manutenere possunt, Philosophi quatenus mente & intelligentia.

tes publicis impenſis conſtitutae, huc orphanorum, & pupillorum, familiarumque indigentium cura, tutela, educatio, quae omnia ab Imperante diligentiffime curanda ſunt: praecipue vero quae ad publicam educationem ſpectant; ceteri enim adminiſtrationis errores facile emendantur, qui autem in educationem influunt non item. Nam ſi aut negligentibus & deſidioſis, aut imperitis vitioſiſve praeceptoribus, aut iis tandem, quibus aliunde quam a Civitate emolumenta ſperare licet, puerilis aetas informanda & inſtituenda tradatur, graviffimum Reipublicae vulnus infligitur, nec unius aevi ſpatio ſanabile; quippe nova ſoboles ubi a prima aetate & veritatem & virtutem inverterit nec dedoceri, nec emendari ullo pacto poteſt: *quo enim ſemel eſt imbuta recens ſervabit odorem teſta diu.*

V. Uno verbo curet Civitatis Rector, ut quiſquis officia naturalia per ſe explere non poteſt praefentem in providentia publica opem inveniat. Si inculpatae indigentiae nullum ſit in Civitate ſubſidium conſtitutum, nec homines Civitatis fines aſſecutos eſſe dixeris, nec publicam rem bene & ſa-

pienter administrari .

§. 4. *De abrogatione , mutatione , & authentica interpretatione Legum .*

In ipso Legum condendarum jure necessario includitur etiam jus eas immutandi , abrogandi , & authentice interpretandi , actus enim istiusmodi nil differunt ab ipsa Legumlatione . Excipiantur tamen necesse est Leges fundamentales , quae cum sint conditiones expressae , juxta quas publici Imperii exercitium translatum est , contradictorium est Populum regiae Potestati certos praescripsisse fines , eique uno eodemque tempore jus concessisse praescriptos fines laxandi , delendive omnino . Inviolabiles igitur Leges fundamentales sint oportet , & si de iis controversia oriatur , Populus qui Legem tulit interpretes & judex esto .

§. 5. *Secundum Jus Maiestatis EXECUTIO ET JUS PUNIENDI .*

Haecenus de publica felicitate diximus : alterum Legum obiectum securitas est Civium , quae in certa juris sui executione sita est omni iniuriarum & offensarum metu seposito . Quod cuiquetribuendum sit , quae actiones jus alterius laedant Lex naturalis ,

quam expoſuimus, docet. Officium igitur Imperantis illud erit, ut in eo quod juſtum eſt inter Cives decernendo ab Juſtitia naturali minimum recedat, cum id ſalva Republica fieri poteſt, ſubditosque ab aliena iniuria tutos omnino praeſtet.

Sed juſ Legum condendarum nullum omnino eſſet, niſi cum altero connexum fuerit cogendi per vim homines ad praeſtandum id quod a Lege praecipitur. Si jura aliena cum utilitate propria & praefenti collidantur, homo, qui facilius animi perturbationibus quam rationi obtemperat, ea violabit, neque ab eiufmodi violatione abſtinebit naturalis Legis ſanctione perterritus, quam quidem aut non certam eſſe aut inefficacem in particularibus vitae conditionibus diximus. Cui igitur obligatio impoſita ut Imperio ſubiectos ab aliena iniuria tutos praeſtet, ei etiam juſ conſeſſum ſit oportet ut vim adhibeat ad iniurias offenſasque in Civitate coercendas.

Viſ homini inferitur aut phyſice aut moraliter. Viſ phyſica quod ad hominum voluntatem impoſſibilis & inutilis omnino, morali igitur tantum locus reliquus eſt. Vo-

luntas hominum metu mali sive doloris fle-
ctitur, & vel ad agendum compellitur, vel
ab agendo retrahitur; quid enim aliud est
in voluptatem coeco quodam impetu ho-
mines ferri quam a sensu doloris naturali-
ter abhorreere? Voluptas enim fere nulla,
quam aut doloris aut molestiae sensus non
praecefferit.

Qui igitur curare debet ut homines
Legibus obtemperent & a laedendis aliis
abstineant, is Legum violatoribus tantum
mali sive doloris minitetur oportet, quan-
tum necessarium videbitur vel ad eos deter-
rendos ut neminem laedant, vel ad exci-
tandos ut imperata faciant.

Malum istiusmodi dicitur *poena*, atque
adeo manifeste patet jus Leges ferendi cum
puniendi jure naturaliter esse connexum.

§. 6. *De Obiecto & quantitate poenarum.*

Quod licet homini in naturali statu ad
reparandas praecavendasque iniurias, idipsum
Imperanti adversus alieni juris violatores li-
cet, non enim persona moralis, quae So-
cietas dicitur, & quam Summus Imperans
repraesentat, aliud habere potest, quam quod
singulis hominibus, ex quibus coalescit,

natura conceſſit. Jus igitur puniendi ab Jure naturali, quo jubemur ut nos & noſtra ab aliena iniuria tueamur, ortum ducit. In eo tantum differt improprie dictæ naturalis poena a civili, quod illius æſtimatio læſi judicio, huius vero arbitrio Imperantis committitur.

Itaque ſi naturale jus hominum contra vim illatam vel inferendam Societatis civilis vel Imperantis jus circa poenas dimittitur, revocentur huc noſtra principia de ſui rerumque ſuarum deſenſione, & de iniuriarum ſive læſionis reparatione (1), & hæc habebimus circa poenas civiles principia generalia.

I. Tantam poenam Imperans Legum violatoribus infliget, quanta ad vim ſive iniuriam illatam reparandam, futuramque & imminentem propulſandam ſufficit.

II. Ergo damni illati reparatio, futuræque præcautio iniuriæ, meſura poenarum civilis erit, publica ſecuritas obiectum,

(1) *Vid. P. I. Tom. 1. Cap. 7. §. 8. & ſeqq.*

ut nempe sublati improbis vel a nocendo deterritis ceteri securiores vivant.

III. Quantum igitur damni illatum est, quantus futurae laesionis imminet metus, tanti iniuria aestimatur in Civitate, tantaque Legibus poena imponitur, quanta ad avertendum publicae securitatis detrimentum necessaria est.

IV. Facile privatorum damnum aestimatur, securitatis publicae laesio, & futurae iniuriae periculum non item. Haec quae sequuntur gravitatem poenae dimetiri posse videntur: 1. quo tutior & remotior a defensione publica locus, in quo delinquitur, 2. quo delictum frequentius, 3. quo impunitabilius, 4. quo magis jura privata vel publica, quibus vis illata, ad privatam publicamve felicitatem (1) necessaria sunt, eo

(1) *Itaque publica delicta gravius severiusque, quam privata punienda, cuiusmodi sunt Auctoritatis publicae abusus vel usurpatio contra Leges in Magistratibus a summo Imperante constitutis, vel officii violatio in iis quibus publicum aliquod munus commissum est, quibusque publica fides habent.*

gravioribus, poenis iniuria vindicabitur, ut & reus emendetur, & ceteri exemplum capiant (1); duo enim haec obiecta praeter damni reparationem intendit Imperans. Si

da. Eiusmodi neglectis inultisque praevaricationibus nonnullorum Regnorum subversio accepta referenda est. Omnia enim subditi audent cum viderint ad iniurias & vexationes pronos eos, a quibus si non patrocinium & tutelam, saltem legitimum Imperium expectabant. „ Merito igitur plectimur, inquit Cicero De Off. Lib. 2. Cap. 8. nisi enim multorum impunita scelera tulissemus, nunquam ad unum tanta pervenisset licentia „ . Vid. Moyle's Essay on the Roman gouvernement. Contineri igitur in officio merentur Cives omnes, sed praecipue qui ad res publicas administrandas accedunt, & si latum tantum unguem ab officio defleant severis poenis plectendi, quippe & minima recessio maximum affert publicae saluti detrimentum.

(1) „ In quibus (iniuriis) vindicandis haec tria Lex secuta est, quae Princeps quoque sequi debet, aut ut eum quem punit emendet, aut ut poena eius ceteros meliores reddat, aut ut sublatis malis ceteri securiores vivant „ . Senec. De Clement. Lib. 1. Cap. 22.

ea assequatur jam publicae securitati consultum est, & ultra saeviendi jus nullum.

At si nullo alio pacto aliena vis coerceri possit, atque adeo securitati publicae consuli, nisi per ipsam delinquentis mortem, eam iure infligi posse vix dubitandum. Si enim id aliquando licere ostendimus (1) in naturali statu ad futuram iniuriam praecavendam inculpatae tutelae jure, cur etiam id licere in Civitate non debeat, in quam jus se suaque defendendi a singulis translatum est, non video. Statuendum igitur arbitror, quod si delinquentis mors medium unicum in Civitate reliquum sit ut periculum laesionis & perturbationis Reipublicae praecaveatur, ceterique ab eodem perpetrando crimine deterreantur, mors delinquentis & licita & justissima. In Civitate tamen cum facile custodiri reus possit raro admodum eius interfectio aut ad publicam securitatem, aut ad aliorum exemplum ne-

(1) *Vid. P. I. Tom. 1. Cap. 7. §. 10. & 13.*

ceſſaria; dubitari enim poteſt an a diuturna quādam & quotidiana poena delinquentis, ſi maxime & gravis & publica ſit, ceteri magis deterreantur, quam a mortis ſpectaculo, quod atrox quidem & horrendum, ſed cum tranſitorium & momentaneum ſit, facile eius memoria a mente hominum excidit.

V. Cum publica ſecuritas præcipuum ſit poenarum obiectum, poena iis actionibus tantum imponitur, quæ publicam lædunt ſecuritatem. Si quæ Civium actiones vitioſæ ſint, at nec jura publica, nec privata lædunt, pœnis civilibus non coercentur. Cives enim eas actiones tantum ſubiecerunt Imperio, quæ ad bonum commune referuntur: in ceteris liberi omnino ſunt. Cave tamen exiſtumes vitia omnia quæ perſonalia dicuntur puniri non poſſe in Civitate; cum enim bonum commune, & felicitas publica ex ſingulari cuiuſque felicitate conſtet, quæ vitia felicitatem cuiuſque peſſumdare poſſunt non ambigitur ab Imperante poenis impoſitis coercenda eſſe: ut ecce luxus, ebrietas, crapula, deſidia & ignavia, ſcortatio, & cetera huiuſmodi quæ Ci-

vium animos emolliunt, rem perdunt familiarem, agriculturam, industriam, commercia profligant, atque adeo Rempublicam ad perniciem redigunt. Poterit igitur Imperans vitiorum irritamenta (1) poenis obtundere cum publice exercentur; vita enim cuiusque, quae domi & privatim ducitur, ab Imperante vel ignoratur omnino, vel saltem dissimulatur; in liberos enim Cives, non in mancipia & servos exercet Imperium.

VI. Non igitur juxta actionum turpitudinem moralem, sed juxta securitatis publicae laesionem poena imponitur, atque adeo non semper peccatum morale, civile etiam peccatum est, plurimumque justitia & virtus moralis ab justitia & virtute civili distat, quod ut probe animadvertatur oportet.

(1) *Optimum Legum Persicarum consilium teste Xenoph. De Paed. Cyri Lib. 1. pag. 2. in fin. „ At Persarum Leges hoc antevertentes, nempe necessitatem puniendi, maxime curant, ne initio tales sint Cives, ut cuiusquam vel improbitatis, vel turpitudinis desiderio capiantur „.*

ter. Itaque animi internae modificationes, intellectus errores poenae non ſubiiciuntur (1): intellectus enim non doloris timore aut ſenſu, ſed veritatis praeclaro lumine corrigitur & illustratur. Nemo velle poteſt ut aliquid vel falſum, vel verum menti appareat, atque adeo errores invincibiles nec imputari, nec puniri licite queunt, vincibiles vero poenae non ſubiiciuntur, quia nullius jura, atque adeo non publicam ſecuritatem laedunt, diximus autem juſ puniendi a laeſione illata vel inferenda publicae ſecuritati ortum ducere. Cum tamen erroris ſui promulgatio actio voluntaria ſit poenae ſubiicitur, ſi maxime vetita legibus fuerit (2). Si in Civitate ſtatutum non fue-

Tom. II.

S

(1) Concord. L. 18. ff. De Poenis, ubi cogitationum poenas nemo patitur. Vid. Puſend. Lib. 2. Cap. 4. §. 3.

(2) Implicite vetita intelligitur promulgatio dolosa proſitionum & thematum, quae ſi in uſum deducantur ſociales virtutes evertere, Maieſtatis jura proſtigare, & Legum ſanctitatem peſſumdare poſſent.

rit quinam errores detrimentum & perniciem saluti publicae afferant, monendi prius errantes quam puniendi, poena enim a Legge non ab hominis arbitrio infligenda.

§. 7. *Ex nostris principiis Corollaria.*

I. De Talionis Jure.

Ex nostris principiis, & ex iis potissimum, quae posuimus n. III. & IV. circa aestimationem delicti manifeste patet Talionis poenam, quae par vindicta dicitur, & quae in eo potissimum sita est ut quis tantumdem patiatur quantum alterum laesit, non esse obiecto poenarum conformem nisi in eo quod adtinet ad damni reparationem, quod, si fieri possit, omnino est resarciendum. At illati damni reparatio poena proprie dicta non est, sed officium naturale, poena autem malum quod ad emendationem & ad deterrendos alios ab iniuria inferenda delinquentibus infligitur. Damni igitur reparatio privatum quemque respicit, poena autem publicam securitatem: cum damnum omne reparatum est tunc jus Reipublicae exordium sumit, quod a securitatis publicae tutela & custodia, non ab aequalitate aliqua inter malum actionis & ma-

lum passionis mensuram accipit. Poterit igitur aliquando Reipublicae interesse ut vel minus, vel maius malum eo quod perpetratum est delinquens patiatur prout publicae securitati expedire videbitur.

Itaque celebre jus Talionis, five inexorabile jus Rhadamanthaeum, quod in perfecta aequalitate inter malum actionis & malum passionis versari dicitant, nec iustum (1) nec opportunum semper; & in multis reparandis criminibus aut impossibilis omnino est exsecutio iusta Talionis, cum nefas sit laesionis latae & inferendae regere aequilibrium, aut ridiculae & iniquae interdum acerbitatis, ut in adulterio, incestu, fornicatione, calumnia, iniuriis &c.

§ 2

(1) In poena enim statuenda non tantum actio physica & materialis delinquentis est aestimanda, sed eius etiam animus, consilium, status, aetas, delicti causa, locus, tempus, & cetera huiusmodi, unde imputationis gradus eruendi, & quae una simul efficiunt, ut eadem poena eidem materiali actioni & physicae imposita iniusta esset.

Quapropter & apud Judaeos (1) Talio redimebatur pecunia, & apud Graecos & Romanos vix est usu recepta, quamvis Legibus aliquando imperata (2). Fortasse de hac re una fuisset Juris nostri Consultorum sententia si probe animadvertissent malum morale a civili plurimum differre, & non turpitudinem moralem actionis, sed laesionem securitatis publicae, reprimendaeque peccandi libidinis necessitatem spectandam esse in poenis constituendis (3). Talio igitur non justa mensura poenarum. Liceat huc revocare nostrum circa poenae quantitatem principium. Ob imminentis mali metum, vel boni assequendi desiderium ad

(1) *De Talione Judaeorum vid. Exod. xxi. v. 23. xxii. v. 1. Lev. xxiv. v. 17. 18. 19. Deuteron. xix. v. ult. Vid. Joseph. Antiquit. Jud. Lib. 4. Cap. 8.*

(2) *Lex duodecim Tabularum apud Gellium „ Si membrum rupsit, ni cum eo pacit Talio esto „.*

(3) *Contrariam sententiam tuentur Henricus & Samuel Cocceii ad Grot. Lib. 2. Cap. 20. ob nostram arbitror neglectam distinctionem.*

omittendas, vel committendas actiones impelluntur homines; tanti igitur mali metum incutiat Imperans facinorosis oportet, quod desiderium boni assequendi, vel voluptatis captandae a perpetrato scelere extinguat (1). Exinde colligere est Legum & poenarum opportunitates & medelas pro temporum moribus, & pro utilitatum praesentium rationibus, proque vitiorum, quibus medendum est, fervoribus mutari atque flecti, neque uno statu consistere.

II. Ex poenarum obiecto sequitur etiam eas esse debere inevitabiles, manifestas omnibus, atque adeo Legibus ipsis, non homi-

S 3

(1) Si enim ductis rationibus bonum speratum mali subeundi vim & quantitatem vincat, poena inefficax est. Vid. Historiam L. Nerratii improbi hominis, de quo loquitur Gellius Noct. Atticar. Lib. 20. Cap. 1. habita ratione Legis duodecim Tabular. „ Si iniuriam faxit alteri, XXV. aeris poenae sunt, „ Is depalmabat homines liberos, secumque habebat servum crumenam plenam assibus portitantem, qui depalmaris secundum XII. Tab. XXV. asses numerabat.

nis arbitrio constituendas, & sine ulla cunctatione & dilatione exigendas. Cum enim voluntas Civium mali imminētis timore movenda, id fieri nequit nisi ipsi noverint quod mali genus immineat, aut si vitandi mali adsit spes aliqua (1); neque exemplo esse poterit aliis poena si tunc irrogatur, cum criminis pene memoria excidit, atque adeo cum animi hominum poenae executione potius ad nocentis misericordiam, quam ad Criminis detestationem, terroremque excitantur.

(1) *Hac regula judicanda asyla nonnullibi constituta, quae miseris & a potentiore oppressis prodesse aequum est, non improbis & facinorosis. Digna est quae memoretur sententia Cestii Senatoris de reis, qui ad statuam Principis confugiebant, apud Tacitum Annal. Lib. 3., Principes quidem instar Deorum esse, sed neque a Diis ipsis nisi justas supplicum preces audiri, neque quemquam in Capitolium, aliaque urbis templa perfugere, ut eo subsidio ad flagitia utatur,,.*

§. 8. *Tertium Jus Maiestatis* MITIGATIO
POENAE, GRATIA, ABOLITIO, ET AMNE-
STIA.

Quamvis poena inevitabilis omnino esse
debeat, attamen cum eius obiectum & con-
siliium illud sit, ut publicae consulatur secu-
ritati, Civitas autem & Imperium publicum
constitutum sit ad felicitatem Civium con-
sequendam, si quando singularis aliqua adsit
ratio, qua publicae saluti expedire videat-
ur, ut vel poena mitigetur, vel omnino
remittatur reo jam convicto; aut jubeatur
ut contra accusatum vel suspectum crimi-
nis inquisitio non ultra procedat, in quo
Abolitio consistit, vel ut praeterita facta,
quae nec legitima, nec illegitima pronun-
ciantur, in perpetua jaceant oblivione, unde
ea nemini sit jus vindicandi, quod quidem
Amnestia (1) dicitur, ea omnia ad summi
Imperantis jura pertinere extra dubium po-
situm est (2); eum enim, cui publicae fe-

S 4

(1) Ἀμνηστία praeteritorum oblivio.

(2) Ignoscere non licere Stoici docue-
runt, Eorum argumentum futile refertur a

licitatis cura committitur iis juribus destitui non decet, quae in hypothese media unica sunt felicitatis consequendae. Ne tamen facilis conniventiae spe ceteri ad peccandum alliciantur, Imperantis officium erit rationes singulares palam facere, quibus adductus est ut reo poenam vel temperaret, vel aboleret omnino.

Nemini vero infra Imperantem poenam vel mitiorem, vel graviolem irrogare ea quae Legibus constituta est jus esto, si facta tecta civilis Libertas servanda est. Si secus, jam vita, honor, bona Civium non Legum sanctioni, sed hominum arbitrio subii-ciuntur: constituendae igitur singillatim quibusque delictis certae poenae, & nil aliud in-

Seneca *De Clement. Lib. 2. Cap. 7.* „Venia debita poenae remissio est, sapiens autem quod facere debet facit „*Obvia quidem responsio est. Poena in genere debita iis qui crimen aliquod admiserunt publicae utilitatis causa, si Civitati expediat a generali Lege recedere, eadem ratio quae debitam poenam facit, indebitam reddit. Itaque sapiens reipsa facit quod facere debet cum poenam remittit.*

ſerioribus Magiſtratibus relinquendum, quam criminum inquiſitio, & nuda Legis ad factum applicatio, omni interpretationis jure remoto; praeſtat enim ut interdum crimen aliquod impunitum in Civitate ſit, quam ut Libertas civilis, qua nihil aliud eſt in Civitate praeſtabilius, in perpetua verſetur periclitatione & diſcrimine.

§. 9. De publicatione bonorum, & per-duellionis crimine.

Quia actiones ſuis tantum auctoribus imputantur (1), atque adeo reus tantum

(1) Juxta regulas tamen, quas ſupra ſtatuiſimus circa imputationes actionum humanarum, & circa dolum. Fieri igitur poteſt ut actiones alienae alteri imputentur, atque adeo ut alter de alieno crimine poenas luat. Tunc tamen alieni criminis tertius eſt auctor, vel cauſa moralis, quapropter & in hoc caſu veriſſima & juſtiſſima regula Juris eſt, quod reus tantum puniendus. At non ubique principia noſtra relegere poſſumus. Qui utiliſſimam hanc Diſciplinam addiſcere ſatagit totam complectatur neceſſe eſt Juris Publici Universalis cauſam, alterius enim altera res opem poſcit & coniurat amice. Qui

puniendus, quia publicatio bonorum damnum vel filiis, vel haeredibus ab intestato & in eorum poenam vergere videtur, quaesitum est an licita esset, & licitam esse pronunciamus saltem quod ad bona delinquentis libera, iis tamen exceptis, ad quae tam uxores, quam liberos tum puberes, tum impuberes jus perfectum habere diximus (1). Si cetera, quae supersunt bona delinquen-

nam vel alteram Disciplinae partem meditetur, ceteris postpositis, qui articulum alterum ab altero separet, & bene digestam machinam decompomat, & frustra & partes tantum dissectas spectet, in monstrum informe pulcherrimum corpus se conversurum fore sciat, & se tantum in hac Disciplina profecturum, quantum in pictura, aut statuaria proficeret, qui partes tantum hominis delineare & effingere addisceret, numquam vero integrum hominem. Haec quidem adnotare benefactum putavi, ne quis fortasse arbitretur me nimium jejuna, et arida de rebus gravissimis scribere. Nec arida nec jejuna quidem sunt, si partes omnes Juris nostri una componantur, et quae invicem referuntur non particulatim ponderentur, sed in unum veluti corpus jungantur.

(1) *Discord. L. 5. Cod. Ad Leg. Jul.*

tis publicantur nulla descendantibus iniuria fit: iniuria juris perfecti laefionem ſupponit, nullum autem jus perfectum in genere liberis ad parentum integram haereditatem

*Majeſt. in qua perduellium bona Fiſco addi-
cuntur omnia nulla habita filiorum ratione,
quibus alimenta naturali Jure debentur, quo
quidem nil crudelius atrociusque excogitari
poſeſt, Sint, inquit Lex, damnatorum filii
perpetuo egentes, ſint poſtremo tales, ut
his perpetua egeſtate ſordentibus ſit & mors
ſolacium, & vita ſupplicium, . Quae atro-
citas in innocentes! At nec tam gravi poena
conſtituta ſe tutos arbitrabuntur qui ſentiunt
ſe publicam commeruiſſe exſecrationem, &
dignos eſſe, ut omnes iniuſto Imperio paren-
tes perduelles fiant. Vid. tamen Leg. 20 &
26. ff. De Poen. L. 22. Cod. eod. L. 2. §.
2. in fin. et §. 7. ff. De Decurion. Qua-
propter merito Principes fere omnes eiufmo-
di crudelem Legem abrogarunt, quae tamen
olim non tantum apud Romanos, ſed apud
Perſas, Macedones, Carthaginienſes valuit.
Vid. Anton. Matth. De Crimin. ad Lib. 48.
ff. Tit. 2. Cap. 3. §. 11. et Cap. 5. §. 7. Am-
mian. Marcellin. Lib. 23. Cap. 6. Herodot.
Lib. 6. Cap. 11. Lib. 8. Cap. 6. Juſtin. Lib.
10. Cap. 2. Lib. 21. Cap. 4.*

esse ostendimus (1), atque adeo delinquens ipse, non filii, non haeredes puniuntur, quibus bonorum amissio non publicae iniuriae, sed infortunio accepta tantum referenda; idem enim est Patrem in hypothese publicationem bonorum ob crimen commisisse, quam Patrimonium suum dilapidasse.

Civitas igitur jus habebit bona reorum publicandi: at cum quisque debeat jus suum exsequi cum minimo, quod fieri potest, aliorum detrimento, & cuique officium sit naturale ut curet ne ceteri incidant in mala animi, corporis, & fortunae, Civitas, seu eius Rector necessitate exigente atrociora tantum crimina publicatione bonorum multabit, inter quae cum gravissimum & atrocissimum omnium sit crimen perduellionis, & laesae Maiestatis (2), non ambigendum

(1) *Huc accedit quod jus eventuale nationum ad bona libera parentum conditionale est, si nempe ea supersint eo tempore quo parens decedit.*

(2) *Reus Maiestatis dicitur quisquis crimen aliquod contra Maiestatem, & libertatem, salutem, & securitatem Populi admittit.*

posse Imperantem morienti maximum terrorem addere, quod filii nempe superstites ad egestatem rediguntur, ut ceteri & mor-

Variae eiusmodi criminum species recensentur in Tit. ff. Ad Leg. Juliam Maiest. qui videndus. Species gravior est perduellio: Perduellis dicitur qui hostilia adversus Principem vel Rempublicam molitur, quos enim nos hostes, veteres perduelles vocabant L. 234. ff. De verb. sign. Festus in verb. Duellum. Fuerunt qui & maledicta in Principem, eiusque regimen crimen Maiestatis esse jusserunt, nescio quam juste & sapienter; a magnanimo enim Principe facta arguenda, dicta contemnenda esse videntur, nisi in seditionem vergant. Dignum est quod referatur Theodosii piissimi & generosi Principis rescriptum relatum in Cod. Si quis Imper. maledix. „ Si quis modestiae nescius, & pudoris ignarus improbo petulantique maledicto nomina nostra crediderit laceffenda, & temulentia turbulentus obtrektor temporum nostrorum fuerit, eum poenae nolumus subiugari, neque durum aliquod, nec asperum volumus sustinere; quoniam si id ex levitate processerit contemnendum est, si ex insania miseratione dignissimum; si ab iniuria remittendum, . Apud nonnullas Gentes & ipse ad perduellionem conatus, velui perduellio ha-

tis timore, & paternae pietatis sensu ab intolerabili eiusmodi crimine abstineant; nulum enim durius supplicium quam eos qui ex se sunt, ob se miseros spectare.

§. 10. *Qui reus vel delinquens dicatur.*

Nemo reus nisi convictus fuerit, &

betur, & eadem severitate voluntas sceleris, qua effectus punitur L. 5. Cod. ad L. Jul. Maiest. Et quia melius est occurrere in tempore, quam post exitum vindicare, jus inde Principi oritur conventicula omnia, & societates hominum, qui extra Civitatis indigentiam & ordinem una conveniunt, item collegia illicita, coetus, consociationes omnes investigare, prohibere, interdiceret, uno verbo jubere & curare ut nullus hominum coetus in Civitate aut sit, aut esse possit eo irrequisito & inconsulto; quod enim singuli & disiuncti Cives ne cogitarunt quidem, id multos una coeuntes aggressos saepe esse in Civitatum Regnorumque perniciem compertum est. Concord. Leg. Rom. quibus cautum est ne collegia, et sodalitia eiusmodi inconsulta Maiestate celebrentur. Vid. L. 1. 2. et 3. ff. De Colleg. et Corpor. L. 6. ff. De extraordin. crimin. L. 1. pr. ff. Quod cuiuscumque universit. nom. Vid. Just. Henning. Boehmer. Introd. in Jus Publ. Univers. Lib. 2. Cap. 4.

Judicis sententia criminis auctor declaratus. Laedunt igitur jus privatum hominis, qui alienae querelae, vel suspicioni fidem praebentes aliquem reum pronunciant, bonamque nominis existimationem, ad quam quisque jus perfectum habet, commaculant, multo magis laedunt, qui ei nondum convicto poenam aliquam infligunt.

Licet spontanea confessio criminis multoties in victum sit veritatis argumentum, attamen sapientis quandoque Judicis officium est ulteriores criminis probationes diligenter inquirere, & hominem sui compotem ab eo qui vel invincibili ignorantia laborat, vel oestro quodam percitus est probe dignoscere (1).

(1) *Sola confessio non sufficit ad rei condemnationem: vel corpus delicti, vel indicia necessaria sunt. Id sentiunt etiam Juris Interpretes. Vid. Carpzov. Prax. Crimin. P. 3. Quaest. 126. n. 14. et P. 2. Quaest. 60. n. 8. et 9. Concord. L. 1. §. ult. ff. De Quaest. L. 23. §. ult. L. 24. 25. ff. Ad Leg. Aquil. L. 29. §. 1. ff. De Probat.*

§. 11. *Defensio omnibus naturali Jure concedenda.*

At licet reus confessus & convictus fuerit de crimine, attamen defensio nunquam deneganda; cum enim poena gravior, quo crimen imputabilius, imputabilitatis vero innumeri gradus sint ex circumstantiis deducendi, neque eos detegendi ulla via pateat nisi auditis perpensisque iis omnibus, quae in excusationem adducere reus potest, reo defensio non est deneganda; nam quod ultra meritum a reo exigitur iniuria est, quae Lege Naturae vetita.

§. 12. *De Quaestionis, seu Torturae moralitate.*

Publicae securitatis interest, ne aliquod crimen impunitum sit. Ergo Imperanti jura omnia tributa esse dicendum est, sine quibus admissorum criminum auctores detegi nequeunt. Si igitur quaestiones, & tormenta tutissimum essent medium veritatis exprimendae, vix dubitari posset, quin hominem probabili coniectura, & sufficientibus indiciis criminis suspectum torquere liceret. Sunt qui asserunt, eam esse veritatis extorquendae tutissimam viam; eodem enim pacto

pacto, inquit, quo ceterae animi perturbationes dolor, cupiditas, ira, metus veritatem ab invito etiam excutiunt, ita & cruciatu corporis posse extorqueri veritatem non dubitant, quae quamvis per vim eliciatur, tamen veritas est. Sunt tamen complurimi, qui tormentorum barbaram atrocitatem improbant, hisce innixi argumentis.

I. Omnis corporis cruciatus poena est, poena nisi reo convicto infligi nequit, tortura ipsa non bene constare de criminis auctore indicium est, ergo cum per torturam crucientur homines, quos adhuc reos esse non constat, tortura semper illicita, & iniusta est. Itaque aut crimen certum est, aut incertum, si certum quaestiones inutiles, & iniustae, reus enim nullam aliam poenam meretur, quam quae Legibus est constituta; si incertum, cruciatibus torquetur innocens, quod inhumanum est, & iniustum, innocens autem haberi debet, cuius crimen adhuc incertum est, nunquam igitur fieri potest, ut tormenta, vel quaestiones in Civitate licitae sint.

II. Mentiendi causam plerumque praebent tormenta, sive robustum, sive infir-

num corpore torseris, alteri enim tormentorum vim eludunt, alteri doloris sensu ita afficiuntur, ut mori potius malint, quam tormenta subire, cuius rei multoties funestum periculum factum est (1). Itaque cum quaestio sit res fragilis, & periculosa, &

(1) *En tibi et impatientiae, et patientiae exempla. M. Agrii Argentarii servus Alexandrum Titii Fannii servum occidisse insimulatus est, eoque nomine tortus a Domino admisisse id facinus constantissime asseveravit. Itaque Fannio deditus supplicio affectus est: parvulo deinde tempore interiecto, ille, de cuius nece creditum erat, domum rediit. Valer. Max. Lib. 8. Cap. 4.*

Agrestis Hispanus occiderat L. Pisonem eius Provinciae Praetorem. Intercipitur: criminis socios edere per tormenta adigitur. Clamitat frustra se torqueri, adsisterent socii ac spectarent, nullam vim doloris tantam fore, ut veritatem exprimerent. Corn. Tacit. Annal. Lib. 4. Cap. 45.

Occiditur Hipparchus Tyrannus Athenarum. Leaena scortum de occisoribus interrogatur per tormenta. Tacet semper: victa dolore linguam premit dentibus, et abscissam in Hippiae adstantis os expuit. Liv. Lib. 24. Cap. 5. Senec. Lib. 2. Cap. 13.

quae veritatem fallat (1), atque adeo medium non ſit veritatis detegendae, nec licita in Civitate eſſe poteſt.

III. Longe ſatius eſt nocentem abſolvi, quam innocentem torqueri, cum praecipue Judex poſſit etiam ſuſpectum criminis non abſolvere, ſed ampliare cauſam, & pronunciare: *non liquet*, donec certiores adducantur probationes.

IV. In multis Europae Provinciis (2), & ubique inter Milites tormentorum uſus

T 2

(1) *Concordat Lex I. §. Quaestioni ff. De quaestione. cuius verba elegantissima digna ſunt quae referantur* „ Quaestioni fidem non ſemper, nec tamen numquam habendam conſtitutionibus declaratur: etenim res eſt fragilis, & periculosa, & quae veritatem fallat; nam plerique patientia, ſive duritia tormentorum ita tormenta contemnunt, ut exprimi eis veritas nullo modo poſſit, alii tanta ſunt impatientia, ut in quovis mentiri, quam pati tormenta velint „.

(2) *Apud Anglos, Scotos, et Aragonios uſus torquendi criminis ſuſpectos non eſt. Vid. Gomez Tom. 3. Reſolut. Cap. 13. Thom. Schmid. de Rep. Angl. Cap. 27. In*

proscriptus est, sine ullo publicae, vel privatae salutis dispendio, cum & delinquentes facile detegantur, & innocentium damnatorum rarissima exempla sint.

Ad huiusmodi argumenta fortasse animum advertens *Divus Augustinus* haec de quaestione eleganter scripta reliquit (1): *In sua quisque causa torquetur, et cum quaeritur, utrum sit nocens, cruciatur, et innocens luit pro incerto scelere certissimas poenas. Ac per hoc ignorantia Iudicis plerumque est calamitas innocentis, et quod intolerabilius,*

Anglia tamen suspectus criminis examen subire, et interrogationibus respondere, atque adeo se defendere, et indicia purgare tenetur. Nisi id fecerit, et obstinato silentio se Iudicium declinaturum speret, torquetur gradatim ad necem. Si torturae acerbitati succumbens mortalitatem expleverit, Reus minime declaratur, atque adeo eius Bona Fisco non addicuntur. Id in causa fuit, ut nonnulli ad necem usque torqueri incredibili patientia passi fuerint; eo enim pacto descendantibus consulunt, et eorum manent testamenta, silentii, et mortis pretium.

(1) *De Civit. Dei Lib. 19. Cap. 6.*

magisque rigandum , ſi fieri poſſit , fontibus lacrymarum , cum propterea torqueat Judex accuſatum , ne occidat neſcius innocentem , ſit per ignorantiae miſeriam , ut et tortum , et innocentem occidat , quem ne innocentem occideret , torſerat .

Eiuſmodi argumenta , quæ ſine partium ſtudio , ſine praeconceptarum opinionum amore protulimus ſapiens Lector perpendet , & quid ſentiendum ſit de tormentis , & quaestionibus iudicabit (1) .

Quod ſi videantur tormenta corporis non accommodata ullo pacto eſſe veritatis

T 3

(1) *Haec quidem ſunt , quæ oſto ab hinc annis auditoribus meis tradebam circa Quaestionis moralitatem , quæ non immutata veſte , non ampliata , non exornata in vulgus edere religio fuit ; me enim quaedam pertentavit voluptas , cum viderim veritatem , quam incertus quodammodo dubiusque intra domesticos parietes indicaveram , caput in publicam lucem extuliſſe , et a Civitatum Reſtoribus ſapientiſſimis humaniter receptam , id effeciſſe , ut quaestionis uſus fere omnino a criminalibus Judiciis exulare incoeperit .*

exprimendae media, multo minus esse videbuntur tormenta animae, juramentum nempe, quod criminum suspectis aliquando defertur; nec enim idem omnibus est futurarum poenarum certus timor, vel si sit etiam, non adeo omnes spe futurae veniae destituuntur, ut a periurio abstinere velint. Cum igitur ab jurisiurandi delatione nullum veritatis certum indicium deduci possit, & facile ad peierandum homines alliciantur, quod quidem omnino illicitum, eam esse, & inutilem omnino, & illicitam videtur.

§. 13. *De captura & custodia Rei.*

Ab jure ipso puniendi alterum ortum ducit Reum, cuius crimen evidentia morali, vel quasi certum est, custodiendi, donec poenam commervisse pronuncietur, eamque re ipsa subierit. Nisi huiusmodi jus summo Imperanti tribuatur, alterum puniendi fere nullum, & inefficax est. Expedit tamen Libertati Civili, ut non hominis arbitrium, sed Legis praescriptum designet gradus evidentiae moralis, intra quos

liceat ſuſpectum criminis in carcerem conii-
cere (1) .

Conſectaria .

I. Obiectum carceris custodia Rei:
nullo igitur jure qui in eo detinentur, ut
plurimum ſquallore, & ſolitudine loci af-
fliguntur, omnique deſtituuntur vitæ iucun-
ditate (2) . Nonne decet, ut custodia pu-
blica eorum, qui nondum Rei declarati
ſunt; ab eo carcere, in quem coniiciuntur

T 4

(1) *Vid. L. 17. Cod. ad L. Corneliam
de Falf. L. 6. ff. de Cuſtod. & exhibit.
Reor. L. 1. ff. de quaefſt., ubi exhibitionem,
prehentionemque Rei non decernit Iudex, niſi
certis quibuſdam indiſiis commotus.*

(2) *Benigne, & humaniter quidem egit
cum his, quos tenet Carcer incluſos, Coſtan-
tin. Cæſar relat. in L. 1. Cod. de Cuſtod.
Reor. „ Nec vero ſedis intimæ tenebras
pati debet incluſus, ſed uſurpata luce ve-
getari, & ſublevari, & ubi nox gemina-
verit cuſtodiam, in veſtibus carcerum, &
ſalubribus locis recipi ac revertente iterum
die ad primum ſolis ortum illico ad pu-
blicum lumen educi, ne poenis Carceris
perimatur, quod innocentibus miſerum,
noxiis non ſatis ſeverum eſſe dignoſcitur „.*

Rei jam convicti in poenam criminis ; differat?

II. Obiectum carceris custodia Rei, atque adeo carceris usus ex jure quodammodo necessitatis; ergo Reum convictum, & damnatum capitis, vel exilii diutius detinere non licet, quam necessitas postulat. Si non illico commeritam subit poenam ultra meritum, & praescriptum Legis altera poena, nempe diuturna libertatis privatione, mulctatur, quod est iniustum. Quod de convictis diximus, id de Reis examini subiiciendis intelligendum, qui illico audiendi, & judicandi sunt, ne ultra necessitatem maelae mansionis tempus prorogetur (1).

(1) Quapropter ignavia, & desidia Judicum, qui criminali Jurisdictioni praesunt severiorum poenarum timore esset excitanda juxta L. 5. Cod. eod. cuius verba digna sunt, quae in memoriam redigantur „ De his, quos tenet Carcer inclusos id aperta definitione sancimus, aut ut convictos velox poena subducat, aut liberandos custodia diuturna non maceret. Jubemus autem, ut intra trigessimum diem semper Commentariensis ingerat numerum Personarum, va-

III. Obiectum carceris custodia Rei
 ne impunitus evadat. Si igitur crimen ad-
 miſſum, de quo inquisitio inſtituitur, aut
 poena pecuniaria (1), aut exilio mulctan-
 dum, & Reus Fidejuſſorem (2) det, ſe in
 Iudicio ſiſti, & commeritam poenam lui-
 turum, carcer omnino inutilis, atque adeo
 illicitus. Pro crimine capitali, vel poena
 afflictiva tamen Fidejuſſores non admittun-
 tur, tum quod nullius in perniciem corpo-
 ris ſui valida eſt promiſſio (3), tum quod

rietatem delictorum, clauſorum ordines,
 aetatemque victorum. Quod ſi haec prae-
 termiſerit viginti libris auri aerario noſtro
 iubemus inferre: Iudicem vero deſidem,
 ac reſupina cervice tantum titulum geren-
 tem, extorrem impetrata fortuna decem
 auri libris mulctandum eſſe cenſemus. „

(1) *Concord. L. 3. ff. de Custod. & exhibit. Reor. L. 6. §. ſuper his 3. Cod. de Appellat. Vid. Anton. Matth. de Crim. ad Libr. 48. ff. tit. 14. Cap. 2. §. 16. & ſeqq.*

(2) *Si tamen Reus criminis pecuniariis fidejuſſorem dare non poſſit, & de fuga ſuſpectus ſit, includi Carcere poſſe vertor ſen- tentia eſt; vid. L. 1. §. ult. ff. De poenis.*

(3) *Vid. Leg. 13. ff. ad L. Aquiliam.*

poenae finem assequi Civitas non posset, si innocens puniretur, ex ea enim poena non ad terrorem, sed ad misericordiam excitarentur animi omnium.

§. 14. *Quartum Jus Maiestatis PRIVILEGIORUM COLLATIO.*

In Legumlationis jure, de quo hactenus diximus, alterum privilegia concedendi continetur quasi species in genere; cui enim generalia jussa, & de universis Civibus concepta, huic & particularia de singulis condere facultas sit oportet; privilegia enim nil aliud sunt, quam Lex privata, qua caeteri jubentur, ne Personae alicui concessum jus singulare ullo pacto laedant.

Quod Legum omnium obiectum, & consilium esse diximus, idem est & privilegiorum, iisdemque finibus haec duo Maiestatis jura circumscribuntur; nemini enim jus singulare, aut privilegium est concedendum, nisi publicae salutis, & felicitatis gratia; nam ob unam hanc causam Imperium civile est constitutum. Quapropter privilegium omne ea conditione concessum intelligitur, ut suspendi, imminui,

vel revocari poſſit (1), ſi forte eveniat, ut cum publica ſalute collidatur, & in Civitatis perniciem vergat; abſurdum enim eſt, ut in Republica Cives inveniantur, quorum ſingularia jura perpetuum ſaluti publicae damnum inferant. Huc accedit, quod cum nemo det quod non habet, nec Imperanti juſ ſit eiufmodi privilegia concedendi, ea per ſe quodammodo corruunt, ſi quando mutatis Reipublicae conditionibus eam peſſumdare, & proſtigare poſſint.

Haec quidem recte procedunt, ſi Imperium ſummum, & abſolutum translatum eſt, ſi vero limitibus circumſcriptum, & privilegia perſonarum, vel corporum, veluti Leges fundamentales habenda ſunt, vel ſi privilegia titulo, ut aiunt, oneroſo (2)

(1) *Vid.* Hobb. *De Cive* Cap. 6. §. 13. & ſeqq. Adrian. Houtuyn. *Polit. general.* §. 26. Bodin. *De Rep. Lib. 1. Cap. 8.* „eo quod, ait, omne privilegium Lex ſit, adeoque abrogationi obnoxia „.

(2) *Vid.* eumd. Bodin. *l. c.* Stryk. *De privileg. tit. oneroſ. quaefitis* cap. 3. §. 6. & ſeqq.

quaesita sunt, tunc maxima Imperans utatur circumspeditione (1) oportet, prima enim vel abolere, vel minimum etiam imminuere nefas, altera attingere periculosum, & subiniustum, nisi aliquo pacto Privilegarii praestentur indemnes.

Ex privilegiorum obiecto facile est Monopoliorum iniquitatem aestimare, quae ad privilegia referri possunt, si non ex conventionibus, & fraude Mercatorum, sed ex concessione Principis ortum ducant; nefas enim est in genere (2), ut jus sin-

(1) *Vid. Sixtin. De Regal. Lib. 2. Cap. 14. n. 49. Bodin. De Repub. Lib. 1. Cap. 8. Vid. quae supra de Legibus Fundamentalibus diximus in casu necessitatis; utilitati enim publicae jura omnia privata cedant oportet, licet eorum violatio juxta communem regulam Legis subiniusta videatur*, Habet aliquid, inquit Tacitus *Annal. Lib. 14. ex iniquo omne magnum exemplum, quod contra singulos utilitate publica rependitur*, *Vid. Observat. Hallens. 16. & 17. Tom. 3. Stryk l. c. §. 23.*

(2) *In genere dicimus, nam cum utilitas publica Civilis Justitiae regula sit, fieri*

gulare uni tantum conſeſſum , qui aliquod mercium genus ſolus emat , ſolusque vendat ad utilitatem , non autem ad Reipu-

aliquando poteſt ut Reipublicae expediat Monopolium concedere , ut ecce ſi novum commercium aut artifiſcium magnis impenſis & periculis introducendum ſit , ſunt qui arbitrantur eiufmodi privilegium & juſtum & utile . Huc referunt Monopolia nonnullis ſocietatibus conſeſſa a Batavis , & Anglis ut in India commercia exercerent , quod & periculolum & difficile , & non aequum viribus cuiusque privati , ni multi ad hanc Spartam ſuſcipiendam collato aere , Monopolii privilegio excitati fuiſſent . Sunt tamen qui tanto corripuntur Monopoliorum horrore , ut aſſerant nullam eſſe poſſe Reipublicae conditionem , in qua Monopolii conſeſſio licita ; quae quidem ſententia mihi videtur adamati potius alicuius ſyſtematis , quam veritatis amore prolata , neſas enim eſt adeo omnes publicarum rerum rationes ſupputare , ut eiufmodi ſententiam ita absolute & audacter pronunciare liceat . Vid. tamen Raynal. Hiſtoir. Philoſoph. & Politiq. des  tablifs. &c. dans les deux Indes . Wattel Dr. des Gens Lib. 1. Cap. 8.  . 27. Bielfeld Inſtit. Politiq. Tom. 1. Cap. 14.  . 46. & ſeqq. Grot. Lib. 2. Cap. 12.  . 16. Pufend. Lib. 5. Cap. 5.  . 3.

blicae detrimentum pertineat. Quapropter dignus est, qui summis laudibus extollatur PETRUS LEOPOLDUS Dominus noster, Pater Patriae, qui Felicitati publicae, quam quidem unam curis suis omnibus, vigiliisque propositam habet, incomparabili consulens providentia, Monopolia omnia ab Hetruria exulare jussit, atque adeo commercia amplificavit, excitavit industriam, civilis Libertatis assertor & vindex, & communis Boni diligentissimus Custos.

§. 15. *Quintum Jus Maiestatis PRAEMIORUM COLLATIO, ubi de Jure Principis circa honorem, & aestimationem civilem.*

Cui commissæ est felicitatis & securitatis publicae custodia, ei jura omnia, sine quibus obiectum illud assequi nequit, concedenda esse multoties diximus. Princeps igitur Legibus subditos ad felicitatem consequendam quasi manuducit futuri mali timore, poenis scilicet civile vitium, & crimina coercet, & securitati publicae consulit, spe autem futuri Boni, nempe prae-miis, subditos ad virtutis civilis, qua una vera Civitatis felicitas constituitur, egregia

opera allicit, excitat, impellit: collatio igitur praemiorum jus est a summi Imperii exercitio omnino inseparabile.

Praemium omnium optimum, nobilissimum, publico aerario minus grave, & ad excitandos animos hominum validissimum honoris, & aestimationis praerogativa est in Civitate, cuius origo paullo altius inquirenda quam ceteri solent.

Constituto igitur Imperio aequalitas adhuc est inter Cives infra Imperantem, eadem enim omnibus communes sunt obligationes, & jura, neque uni prae alio praerogativa dignitatis, & honoris debetur. Si huc revocentur principia, quae alibi (1) posuimus de aestimatione naturali, manifeste liquet a Civitate eo pluris Civem aestimandum, quo magis commune bonum, seu publicam promoveret felicitatem. Cum Imperantis sit publicam hanc felicitatem custodire, ejus est etiam judicium de cuiusque Civis utilitate ferre; atque adeo ad eum pertinet statuere quanti quisque in Civitate

(1) *P. I. T. I. Cap. 7. §. 6.*

faciendus sit, & quo prosequendus honore. Mandat igitur Imperans, ut nonnullis Civibus praecipuus exhibeatur honor, eiusque judicio saltem externe a subditis obtemperandum est.

Saltem externe, inquam, nam si Imperans non ob egregia Civium in Rempublicam merita, quae una est civilis dignitatis mensura, sed ob alia futilia, & inania honoris praerogativam concedet, & tituli, & praecedentiae paullatim irridentur, vilescunt, nec sectatores inveniunt, cum praemia istiusmodi non amplius virtutis civilis, atque adeo commeritae aestimationis in Civitate insignia sint. Absurdum igitur, & ridiculum videtur aestimationem, & dignitatem civilem venalem reddere, quasi vero sincera Civium, & interna aestimatio pecunia & opibus comparari posset, & homo Civitatis pondus inutile, veluti optime in Rempublicam meritis habendus esset, quod majores sui magnam vim auri fortasse malis artibus partam ipsi compararunt. Caveat igitur Imperans, ne quod virtuti civili tantum debetur praemium, opibus, privatoque favori concedat, ni velit maximo in admi-
ni-

miſtranda Republica adiumento carere, & ſpem omnem ſubditos ad geſta praeclara excitandi abſicere.

Sed cum difficile ſit cuiuſque Civis quotidie merita penſitare, eique honoris gradum citra ceterorum invidiam conſtituere, non abs re erit ut Imperans in diverſos ordines Cives omnes diſpertiat; ſinguliſque ordinibus civilis Dignitatis, ſive aeſtimationis publicae gradum tribuat, prout diverſa eorum munera magis minusque ad finem Civitatis conſequendum faciunt (1). In qua re dijudicanda non tantum utilitatis, ſed etiam difficultatis muneris obeundi, propriarumque rerum diſpendii rationem habendam eſſe conſtat.

Exinde fortasſe factum eſt, ut inter eas Gentes, quae maxime ad vim externam pro-

Tom. II. V

(1) Officiis igitur publicis, non perſonis tribuendae videntur praerogativae honoris & dignitatis. Id moris obtinet noſtris etiam temporibus in potentiſſimo Europae Regno. Uti nam peregrini mores tam ſapientem & utilem institutionem non corrumpant.

pulsandam, armato milite indigebant, primus Civium ordo ille haberetur, qui suis impensis militiam exercebant, tutamque ceteris Civibus vitam praestabant. Hinc prima Nobilium virorum origo, quibus non immerito multa sunt jura singularia, & privilegia attributa, quae & filiis transmissa sunt, ut ex eo Civium ordine praesto essent qui Parentum exemplo excitati publicam salutem privatis commodis, & emolumentis anteponerent. Eum morem Germaniae Populis acceptum tribuendum non dubito, quem quidem exinde & ceterae Gentes nulla interdum necessitate compulsaee amplexae sunt.

Sed haec missa faciamus. Illud certum est Civium aestimationem publicam a Summi Imperantis arbitrio pendere. Quae sint in genere eius officia docuimus, quid magis expediat in unaquaque Reipublicae forma definire ad Politices artem pertinet.

§. 16. *Sextum Jus Maiestatis.* MUNERUM PUBLICORUM DISTRIBUTIO.

Publicis rebus in ordinem redactis, poenalibus sanctionibus in internae securitatis aggressores constitutis, Legibus conditis,

quae juſtitiam inter Cives regant, & quarum ſubiectum in Jure Naturae abunde expoſuimus, fieri nequit, ut Imperans ſolus omnia adminiſtret, curetque, ut Inſtituta publica recte procedant, & Leges executioni mandentur, niſi multorum ſibi ſociam operam adiiciat. Jus igitur eligendi miniſtros, quibus munera publica exercenda committat, cum jure adminiſtrandi Rempublicam connexum eſt. De eo Imperante tamen loquimur, cui plenum, & abſolutum Imperium commiſſum eſt, in plerisque enim Regnis Legibus fundamentalibus eſt cautum quibus Perſonis certa munera publica, ſive praecipua, & designata Imperii jura ſint demandanda; Miniſtri enim publici (1) dicuntur illi, qui exercitium juris

V 2

(1) Publici dicuntur *habita eorum ratione*, quibus praepoſiti ſunt, reſpectu vero Imperantis & ſubditi & privati ſunt, nam ut animadvertit Grotius Lib. 1. Cap. 4. n. 6. facultas gubernandi, quae eſt in Magiſtratibus ſummae Potestati ita ſubiicitur, ut quidquid contra voluntatem Imperantis fecerint pro actu privato habendum ſit.

alicuius, quod ab Imperio civili ortum ducit, exercent.

Ex generali officio Imperantis sequitur, munera publica ab eo demandanda esse iis tantum, quibus & animi, & corporis vires suppetunt ad ea obeunda. Omnia susdeque misceantur oportet & Civitas in praeceps ruat, si Bonum publicum privata gratia, & divitiarum copia vincitur (1).

(1) *Vid. Fritsch. Tract. De Grat. Princip. erga Ministr. Cap. 13. & alter. Tractat. De Peccat. Princip. Conclus. xi. Opportune Isocrates ad Nicoclem.* „Sic alios iis praefice rebus, quas ipse non geris, ut tibi adscribendum scias quidquid illi fecerint. *Digna est quae legatur descriptio elegantissima Urbis Romae corruptae quod ad Magistratum electiones Caesaris & Pompeii tempore apud Appian. De Bell. Civil. Lib. 2. Quapropter Pompeius judicia proposuit praecipue de munerum corruptelis & largitionibus, ratus ex eo fonte nasci mala publica, & proinde hoc curato secururam sanitatem celerem. Exinde aestimanda nonnullorum Regnorum consuetudo, in quibus publica Officia & venalia et haereditaria sunt. Vix poterit ea consuetudo tam sapienter tem-*

Ambitus igitur in Civitate enorme crimen,
& atrocibus poenis coercendum. Attamen
foediſſima haec Reipublicae peſtis ubique
in dies invaleſcit, atque adeo mirandum
non eſt, virtutem civilem fere omnino
periſſe, & pleroſque non egregiis in Rem-
publicam meritis acquirendis, ſed opibus
cumulandis ſtudere Cives, cum his tantum
non illis praemia, & munera publica pro-
poſita ſint. Ita ut de multis Europae urbibus
illud uſurpari poſſet, quod *Jugurtha* de
Roma graviſſime dixit apud *Salluſtium*: *O*
Urbem venalem, & cito perituram ſi empto-
rem invenerit!

§. 17. De Judicibus, ubi de ſingulari certa-
mine, ſive Duello.

Primum igitur inter publica munera
locum obtinet Judicum officium, ſive Ma-

V 3

perari ut in Reipublicae detrimentum non
vergat, nam ut egregie *Alexander Severus*
apud *Lampridium* Cap. 49. dixit, „neceſſe
eſt ut qui emit vendat, „Vid. tamen *Riche-*
lieu Teſtam. Politique P. 1. Sect. 1. Cap. 4.

gistratum, quorum curae Legum exsecutio, & interpretatio doctrinalis est deman- data. Legum interpretatio nil aliud est hic loci, quam declaratio Judicis, per quam pronunciat factum aliquod particulare, de quo exorta est controversia, contineri in ipsa Lege, quae est Regula quaedam generalis. Huiuscemodi declaratio fit ex prae- sumpta quasi Summi Imperantis voluntate, qui Regulam condens generalem id voluisse praesumitur, quod necessario sub generali praecepto continetur juxta regulas rectae interpretationis.

Beatam dixeris Gentem, apud quam Judices a summa Potestate constituti sint Civium omnium sapientissimi, & Juris per- itia, & in primis morum integritate prae- stantissimi, sed beatiorum merito nuncupa- veris, si eius Leges non multae, (1) non perplexae, & obscurae, non subtilibus, solemnibusque formulis oneratae, sed sim-

(1) *Ubi plurimae Leges, ibi & lites, & mores improbi. Tacitus Lib. 3. Annal. fatetur in corruptissima Republica plurimas fuisse Leges.*

plices, (1) & omnibus manifeſtae: abſurdum enim eſt, ut in civitate Juſtitia civilis tot, tantique ambagibus involuta ſit, ut vix doctiſſimi omnium eam extricatam denudatamque ceteris exponere valeant. Nonne Lex juſti, & jniuſti regula? Nonne Legum conſilium actiones Civium moderari? Ecquis autem poſſit actiones ſuas ad normam Legum componere, quae vel ad immenſum numerum excreverunt, vel in codicibus Populo omnino ignotis (2) deliteſcunt?

Ceterum in Civitate Judicium vice privati belli eſt conſtitutum, quod quidem ut

V 4

(1) Zaleucum, inquit Strabo *De Sit. Orb. Lib. 6.* Thuriis olim paucas & ſimplices Leges dediffe, ſed ſecutos alias per ſubtilitatem & nimiam curam addidiſſe, ex quo factum ut celebres magis quam boni redderentur.

(2) Ut Leges vernaculo idiomate conſcribantur regula eſt ab ipſo Romano Jure deduſta: En verba Legis 9. Cod. De Legib. „Leges ſacraſſimae, quae conſtringunt hominum vitas intelligi ab omnibus debent, ut univerſo praefcripto earum ma-

praecipue vitarent homines Societatem Civilem inierunt. Violenta executio igitur juris sui in Civitate omnino illicita, si Judicis copia sit & Legum, atque adeo Summi Imperii praesidium praestolari sine irreparabilis detrimenti periculo quis possit: Si secus necessitate coactus quisque ad statum naturalem redit, & ab aliena vi se tueretur iis modis, quos in naturali sui, rerumque suarum defensione licere diximus. Si igitur fuga vel alia ratione impendentem juris sui laesionem avertere quis possit, vis in Civitate omnino illicita, & contra Societatis Leges, & jura Majestatis adhibetur; ei nempe jus vindicandae injuriae permissum. (1)

Singularia igitur certamina, sive ut ajunt *Duella* in Civitate minime toleranda,

nifestius cognito vel inhibita declinent, vel permissa sectentur. „ *Cur qui earum Legum sapientiam tam venerabundi admirantur ejusmodi notissimam regulam negligunt?*

(1) *Concord. L. 7. §. 3. ff. Quod vi aut clam. L. 10. §. 16. ff. Quae in fraudem cred. Vid. supra P. 1. Tom. 1. Cap. 7. §. 8. & 2 et Cap. 9. §. 4.*

utpote quae Societatis consilio, & obiectis directe adversantur, & Summi Imperii jus laedunt. Ut mos istiusmodi a barbararum Gentium in nos derivatum Graecis, Romanisque fortissimis viris omnino ignotum eradicetur omnino conclamarunt Philosophi, boni omnes exoptarunt, frustra tamen; adeo animos hominum falsi honoris phantasma quoddam incessit, quo obcoecati arbitrantur se ignominia quadam affici, nisi illatam injuriam, aut calumniam stricto ense repellant: vir tamen fortis is appellandus, qui nullius periculi metu deterreretur ab explendis officiis suis, vir autem meticulosus, abiectus, & pusilli animi is est, qui minimo periculi metu officium suum transgreditur (1); nullam ego

(1) „Sed ea animi elatio, quae cernitur in periculis, & laboribus, si iustitia vacat, pugnatque non pro salute communi, sed pro suis commodis in vitio est. . . . Animus paratus ad periculum si sua cupiditate, non utilitate communi impellitur, audaciae potius nomen habet, quam fortitudinis„ Cic. *de Offic. Lib. 1. Cap. 19.* Vid. *Juris nostri P.I. Tom. 1. Cap. 7. §. 8. pag. 172. Not. 1.*

aliam animi fortitudinem veram, non alium timorem, qui vitium dici possit, novi.

§. 18. *De mutuis Imperantis, & Subditorum Officiis quod ad munera publica.*

Ex adnotatis patet cuicumque Civi jus esse ut ab Imperante eligatur ad Munus aliquod publicum, cui obeundo par est, quod jus tamen est imperfectum.

Et cum cuique imposita sit obligatio ut Bonum commune quantum in eo est promoveat, poterit sine audaciae nota merita sua summo Imperanti exponere, ut ei publicum Munus conferatur.

Muneris publici collatio Mandato omnino aequiparatur, atque adeo inter Imperantem, & Ministrum pactum initur, quo alter promittit se Munus sibi demandatum obiturum, alter non revocaturum mandatum sine causa, omniaque ei collaturum emolumenta, quae Lege, vel consuetudine ejusmodi tributa sunt muneri.

Neque Imperanti igitur licet jus collatum publico Ministro sine causa auferre, neque ei officium suum irrequisito, & inconsulto Principe, aut cum publicae salutis detrimento deferere.

Quin Imperanti jus eſt cogendi etiam invitum (1) Civem, ut Reipublicae utilem locet operam, quod jus a Potestate eminenti ortum ducit, de qua inferius.

§. 19. *Septimum Jus Maieſtatis MONE-
TAM CUDENDI.*

I. Nullum fere commercium inter homines ſine pecunia, cuius publica, & perpetua æſtimatio difficultatibus permutationum æqualitate quantitatis ſubveniret. Imperantis eſt commercia rerum, ſine quibus neceſſaria, & jucunda ad vitam tranſigendam ſibi comparare Cives non poſſunt, amplificare; ergo Imperantis officium illud eſt, ut curet, ne communis hæc pretii rerum omnium meſura in Civitate deſit.

II. Nec ſatis eſt tamen, ut argentum, & aurum in Civitate præſto ſit: permutationum difficultates eo pacto imminutæ

(1) *Praeclare Cicero pro Plancio* „Stare debemus omnes tamquam in orbe aliquo Reipublicae, qui quoniam verſetur, eam deligere partem debemus, ad quam nos utilitas illius ſaluſque convertent „

quidem, non omnino sublatae; ut enim commercia inter Cives, & apud exterarum Gentes exerceantur quisque debet & aequa lance argenti, & auri summam, cum qua rem aliquam permutat, ponderare, & diligenter experiri, an pecunia pura, sinceraque sit. Sinceram autem dicimus, cui nulla heterogenea corpora permixta sunt, quod quidem intellexisse homines, cum pecuniam constituerunt, manifeste patet; nullo enim alio pacto pecunia constans, & perpetua pretii rerum omnium mensura esse potuisset: primum quidem molestum, & Commerciorum facilitati, & celeritati omnino adversum, alterum difficile, & fraudibus, litibusque, & turbis maximis in Civitate obnoxium. Cum enim aurum, & argentum conflare, in homogeneam massam redigere, & jam redactae sinceritatem, & puritatem detegere, & indagare longum, & difficile sit artificium, nefas omnino est, ut quisque privatus per se haec efficiat, atque adeo fraudibus non circumveniamur.

III. Itaque ad officia Imperantis pertinet haec duo, sine quibus justa commercia exerceri nequeunt, vi summi Imperii

regere . Hinc Monetae origo apud Gen-
tes , quae nil aliud eſt , quam pecunia jam
conſtituta unanimi hominum conſenſu in
partes diviſa , quas quidem aliqua certa
nota conſignat Imperans , & fidem Popu-
lo facit eas auri , vel argenti ſinceri certum
pondus continere . Si moneta igitur tan-
tum reiſſa auri , vel argenti puri pondus
habeat , quantum Imperans ipſe indicavit ,
ſincera , & proba (vulgo *Leale*) , ſi ſecus ,
corrupta , & improba (vulgo *adulterata* ,
o ſcadente) dicitur . Aurum , & argentum
purum meſura eſt perpetua , conſtans ,
& univerſalis : quapropter pondus auri , &
argenti puri , quod reiſſa in moneta con-
tinetur , ejus valor intrinſecus dicitur , pon-
dus autem , quod promittit , extrinſecus . Si
pondus promiſſum ponderi vero reſpondet ,
idem tunc valor intrinſecus , & extrinſecus
eſt , ac moneta ſincera .

IV. Ex conſilio & origine monetae ſe-
quitur Imperantem ad monetam ſinceram (1)

(1) In Regno Angliae Wilhelmo III.
imperante adeo abuſumta & abraſa partim

cludendam obligari, deductis tamen impensis ad eam cludendam, signandamque necessariis.

V. Si valorem monetae extrinsecum maiorem quam intrinsecum constituat & fidem publicam fallit, quod iniustum & indecorum, & Republicam ob eam rem ditiores non reddit (1); cum enim Reipublicae, atque adeo Principis opes, si pe-

tempore, partim hominum fraudibus moneta erat, ut fere tertia iusti ponderis parte deficeret. Regni Senatus decrevit auctore Joanne Lockio viro Philosopho, ut tota impensis publicis recuderetur. Vid. eius Lib. De Monet.

(1) Alphonfus X. Castiliae Rex sinceram omnem monetam stulta avaritia ductus collegit, novamque & improbam conflavit. Quid inde? Extemplo pretium rerum omnium crevit, Rex autem per fraudem illam suam nil aliud lucratus est quam publicam execrationem. Marian. Hist. Lib. 3. Cap. 9. Non defecerunt & hac nostra aetate qui veterem & execratam fraudem ad Regni artem & usum traduxerint non sine Europae totius detestatione: sed odiosa sunt nostrorum temporum exempla.

cunia ſupputentur, conſtent ex quantitate, vel ſumma auri & argenti puri, quod vel in publico aerario, vel apud privatos quoſque invenitur, ſi heterogenea metalla monetæ permisceantur, quantitas pecuniæ ſincerae nullo pacto augetur. Quod ſi arbitretur ſe exteras Gentes eo pacto decepturum, quod tamen bonorum omnium exſecratione dignum eſt, fallitur quidem; nam Gentium Rectores, cum quibus commercia exercet, facili negotio monetam ad examen revocant, eique intrinſecum illico pretium, vel valorem ſtatuunt: atque adeo cum nunquam publicæ expediat utilitati, monetam adulterare, Principi nunquam juſ eſſe poteſt eam minus ſinceram cudendi.

VI. Multo igitur magis curet oportet Princeps, ne quis privata auctoritate monetam cudat, ſive corruptam, ſive ſinceram (1); ſi enim corrupta cuditur Reipu-

(1) *Vid. L. 8. & 9. ff. ad Leg. Corn. de Faliſis, l. 1. 2. & 3. Cod. De falſ. monet. ubi qui monetam adulterinam ſiant, tingunt, fingunt, vel probam adulterant, ra-*

blicae damnum infertur irreparabile, si sincera jus Maiestatis laeditur, & via facili fraudibus recluditur.

VII. Idem intelligendum est & de exterarum Gentium moneta, quae non prius admittenda, quam a summae Potestatis Ministris ad trutinam revocetur, eiusque statuatur intrinsecus valor. Ni diligenter, & mature Populus moneatur immedicabile publicae utilitati vulnus infligitur.

§. 20. *Octavum Jus Maiestatis. VECTIGALIIUM IMPOSITIO, ubi DE DOMANIIS.*

Multa haecenus de constituenda, & administranda Republica diximus, quae tamen omnia

dunt, excindunt, lavant, vel etiam privatim cudunt, idest non in publica officina, Maiestatis rei pronunciantur, & flammis subiciuntur, & in criminis odium ipsa domus, in qua moneta improba conflatur, feritur, cuditur, propter solam incuriam, vel negligentiam Domini publicatur: Nec quidem immerito; aequum enim est, ut quisque publicis fraudibus, si possit, intercedat. *Vid. in Cod. Theodos. Tit. De fals. monet. Si quis solidum circul. circuncid. Si quis pecun. conflav.*

omnia Imperantem aſſequi ſine impenſis non poſſe manifeſte liquet (1): ei igitur juſ ſit oportet id omne, ſine quo Reſpublica adminiſtrari nequit, ab iis exigendi, qui ad id praeſtandum per ipſum ſocietatis contractum ſe obſtrinxerunt.

De Vectigalium impoſitione Principia Generalia.

I. Niſi Legibus fundamentalibus cautum ſit quae Vectigalia, & quo pacto exigenda, judicio Imperantis relinquenda & Vectigalium meſura, & ea exigendi ratio; is enim tantum in hypotheſi Reipublicae indigentiam novit. Vectigalia voco tributa omnia, vel realia, vel perſonalia, vel mixta, quae privatis imponuntur ad neceſſitates Reipublicae ſuſtentandas.

II. Quiſquis in Civitate eſt, atque adeo emolumentorum ab Imperio publico ma-

Tom. II.

X

(1) „Nec quies Gentium ſine armis, nec arma ſine ſtipendiis, nec ſtipendia ſine tributis haberi queunt „ Tacit. *Hiſtor. Lib. 4. Conf. Novell. 16.*

nantium particeps (1), pro rata contribuatur oportet: nullus immunis esse debet, nisi utilitatis publicae gratia.

III. Tributa publica cuiusque civis opibus sint proportionalia oportet, ut nemo ad egestatem redigatur, quod est contra Civitatis obiectum: itaque non viritim, sed pro habitu pecuniarum census instituendus.

IV. Non ultra Reipublicae necessariam indigentiam vectigalia imponenda; optimusque omnium is erit Princeps, qui omnem adhibuerit diligentiam, ut Respublica recte administretur cum minimo subditorum dispendio. Vectigalia enim quomodocumque exigantur privatorum patrimonium imminuunt, quod ut plurimum fieri nequit sine felicitatis privatae decremento, felicitas autem publica, quae una ab Imperante promovenda, ex subditorum particulari felicitate constituitur. Quid autem utilius, &

(1) Quapropter & extranei, si agros in Territorio possideant, Tributa realia solvunt; item advenae, & transeuntes, navigantes &c. de quibus in Jure Gentium dicemus.

Reipublicae conducibilius ſit ſtatuerē, quod attinet ad tributorum quantitatem, & exactionem, ad prudentiam politicam ſpectat.

V. Inter Reipublicae onera ordinaria illud enumerandum eſt, ut Imperantis perſona magnifico quodam, & ſumptuoſo apparatu vitam agat. Praeſtat enim, ut Populus externa etiam quadam pompa percellatur, exciteturque ad ſummi Imperantis venerationem. Qui igitur certi redditus ſuſtentioni, & decori externo Principis ſunt conſtituti, *Bona Domanialia* (1) appellantur; iſſque ad utilitatem ſuam privatam utitur Princeps ex ſententia. Non tamen fundos ipſos diſtrahere poterit, quippe quorum uſufructus Principi, non autem Dominium tranſlatum a Populo eſt: quapropter Bona huiusmodi *Bona Regia* (*Beni della Corona*) non immerito nuncupantur, quippe quae ad ſucceſſorem iubente Populo in delatione Imperii tranſmittuntur. Exinde etiam ſit,

X 2

(1) De Vocis etymo vid. Ducange *Gloſſ. med. & inf. Latin. Verb. Domanium*.

ut contra Bona Domanialia nulla praescriptio valeat, qui enim expresse non potest, is neque tacite poterit rem alienare. Bonorum tamen Domanialium alienationem inter Gentes validam esse non dubito; tunc enim Princeps Populum repraesentat, & Domanialia Bona consensu Populi alienantur.

§. 21. *Nonum Jus Maiestatis POTESTAS, ET DOMINIUM EMINENS.*

Jus imperandi differt omnino a Domini jure. Translato Imperio licet summo, & absoluto, non tamen Dominium fundorum, qui a privatis possidentur, translatum intelligitur (1): attamen cum per societatis ipsius pactum homines se obstrinxerint ad publicam salutem collatis viribus promo-

(1) *De hac re uberius dicemus in Jure Gentium. De Dominio eminenti diu multumque disputatum est inter Johannem Fridericum Hornium Dissert. de Domin. supereminent. Andr. Craium, & Helen. Politian. Dissert. de eod. argum, & Wilhelmum Lyserum, qui doctrinam Hornii labefactare conatus est.*

vendam, vires autem Civium ab eorum actionibus, & bonis conſtituantur, ſi Imperium abſolutum tranſlatum eſt, Imperantis erit dignoſcere, an privata Civium jura quod ad eorum bona, & libertatem cum ſalute publica collidantur, & neceſſitate exigente ea limitibus circumſcribere, ſuſpendere, vel etiam auferre omnino.

Jus iſtiusmodi, ſine quo ſummum Imperium exerceri nequit, ſi liberas Civium actiones reſpiciat, *Poteſtas eminens*; ſi bona, *Dominium eminens* dicitur, quod ad neceſſitatis jura referri poteſt, & iſdem regulis ponderari. Jura igitur Civium naturalia, quae ad finem Civitatis aſſequendum non faciunt, ut ecce Dominium privatum, & Libertatem civilem aggredi, Principi illicitum, niſi id ſummum Reipublicae diſcrimen, aut communis Boni neceſſitas expoſcat. Inde jus Principi in bona, & perſonas Civium (1), quod tamen ſupraſcriptis limitibus definitur. X 3

(1) *Opportune Seneca de Benef. Lib. 1.*
 „ Ad Caſarem Poteſtas omnium pertinet,

Cum tamen omnes tacite in id conferint, se jura naturalia, quae illaesa in Civitatis constitutione esse debuerant, necessitate exigente publicae salutis gratia dimissuros; si medium unicum salutis publicae consulendi sit privati alicuius juris privatio, damnum illatum ab omnibus pro rata reparandum; aequum enim non est, ut singularis Civis propriis tantum impensis publicam sustentet necessitatem, cum ceteri & possint, & debeant symbolam conferre. Quaesitum est, an in praesenti discrimine, & periclitatione Reipublicae Civis alicuius vitam salutis publicae immolare Imperans possit. Cum jus omne ab obligatione descendat, ut perplexitates vitentur, sic quaestio proponatur: quaeritur, an in Societatis civilis constitutione singuli se obstringere possint ad vitam propriam immolandam, si quando accadat, ut nullo alio pacto mors

ad singulos proprietas; Caesar omnia Imperio possidet, singuli Dominio „*Plin. Jun. Panegy.*„ Cujus est quidquid est omnium, tantum ipse, quantum omnes, habet „.

universorum, atque adeo extrema Reipublicae pernicies vitari possit; & posse licite dicendum est, si licita, si generi humano utilissima, si sanctissimo, & inviolabili foedere civilis Societas est constituta. Nisi enim universis in singulos, sive Imperanti in Cives jus sit unumquemque cogendi, ut Reipublicae periturae opem praestet, cum vitae propriae vel discrimine, vel certo etiam dispendio, jam nulla Civitatis securitas, quam si facto impetu hostis aggrediatur in praeceps ruere & dissolvi omnino certum est. Vel igitur Civitatis constitutionem illicitam esse dicendum est, vel cuique permissum naturali Lege, ut obligationem, de qua agimus, licite ineat, in pacto enim socialis necessario includitur. Huc revocentur velim quae supra de jure necessitatis diximus, & memoria repetatur cuius indolis sint naturae Leges; nam quamvis in propriam necem consentire nemini in genere, & abstracte, ut Scholae aiunt, licitum sit, si tamen necessitatem quasi tibi Deus ipso obtulit, ut cum vitae tuae dispendio, vel multorum hominum, vel universi humani generis felicitati, & utilitati consulas, iam

non tantum pulcher, & decorus est consensus in tui necem, sed & ipsa mors honestissima (1). Quapropter & *Curtius*, & *Publius Decius*, & *Decii Filius*, & *Codrus* Rex Athenientium, qui magnanimitate singulari vitam Patriae suae devoverunt, in Deorum numerum quasi relati sunt, eorumque memoriam, ne Patriae quidem interitus extinxit.

Ceterum a Potestate, sive Imperio eminenti jus Belli ortum ducit: cum nempe publica securitas in discrimen adducitur de vita subditorum statuit Imperans, iubetque, ut quisque pactum, quo se obstrinxit collatis viribus commune Bonum promoturum, & vim externam propulsaturum, servet.

Militiae igitur conscriptio ad Jura Majestatis pertinet, cui securitatis publicae cura commissa est in delatione Imperii, &

(1), Hoc enim Jus, *inquit gregie* Tullius, Jupiter ipse sanxit ut omnia, quae Reipublicae salutaria sunt, legitima, & iusta habeantur,,.

quam factam tectam tueri nefas, nisi armato milite defendatur. Nullus qui validus sit in Civitate a militia exercenda excusandus, nisi utiliorem Reipublicae navet operam. Quisque Civis idem & miles necessitate emergente per pactum sociale esse debet, quisque enim spondit pro salute publica pugnaturum. Et cum nullus alius nisi Imperans jus habeat in suo territorio milites conscribendi, manifeste constat, Majestatem laedere eum, qui vel furtim, vel per vim eo jure utitur, Principe irrequisito, & inconsulto; potest enim Princeps permittere, ut subditi exteræ Genti militarem operam præstent, si id publicæ salutis expedire videatur, ut ecce: si Populi numerus ultra utilitatem & necessitatem Civitatis augeatur, si eo pacto ars militaris, quæ ob diuturnam pacem excideret, addiscitur &c.

§. 22. *Decimum Jus Maieftatis CIRCA*

SACRA.

De jure Principis circa Sacra vix loquor, cum ea omnia, quæ in præsentis Religionis statu dici possent partim potius

ad Jus Canonicum Publicum, quam ad nostram Disciplinam pertineant, partim ab juribus Maiestatis, quae hactenus exposuimus, facile deduci possint.

Ea res in causa fuit, ut etiam ab officiis hominum erga Deum exponendis abstererem. Religio quidem hominum naturalis paucis expeditur. Quisque sentit Legis naturalis conditorem Deum esse optimum, sapientissimum, qui vindex, & Judex sit eorum, quae geruntur in Terris, qui Legis vel custodes, vel violatores aut praemio, aut poena etiam post cineres afficiat.

Dei Immortalis sapientissimi, optimi, potentissimique opinione constituta, manifeste constat homines ad servandam Legem excitari debere praecipue a rationibus ab ipsius Dei voluntate deductis, in quo maxime *internus cultus* Divini Numinis consistit; atque adeo qui habitum adquisivit agendi omnia ex motivo voluntatis Divinae seu quia id agendum, vel non agendum Deus iusserit, *Pius* dicitur. *Pietas* igitur antecedentem Naturalis Legis cognitionem supponit.

Quapropter cum perfectio intellectus, & voluntatis fit comparanda, ipsa naturalis ratio, ipsa hominis natura & essentia atque adeo Lex naturalis jubet, ut & summi Numinis cognitio integra, & perfecta adquiratur, & praecipue voluntas determinetur ex praecellenti ratione a Divina voluntate deducta.

Si ad agendum impelleris una felicitatis humanae promovendae ratione, naturali, & civili virtute praeditus diceris, si & Dei iubentis, imperantis, volentis rationem habeas in agendo, virtuti *Pietatem*, & *Religionem* addis, quae obligationem tuam fortasse in quibusdam vitae conditionibus labantem, & infirmam erigit, recreat, & confirmat. Qui igitur naturali Lege iuberis, ut perpetuam, constantemque Legis servandae voluntatem compares, idem etiam iuberis, ut perpetua tibi sit in agendo Divinae voluntatis ratio, qua Iustitiae, & Virtutis habitus magnopere perficitur, & confirmatur.

Huc accedit Divinae naturae excellentia, cuius contemplatione ex ipsius na-

turae tuae necessitate interni excirantur amoris, spei, timoris, reverentiae sensus, qui utpote naturales naturali etiam Jure iubentur. Absurdum enim est, ita esse homines a Natura comparatos, ut Summi Numinis attributa, & praecipue potentia cum bonitate, & sapientia coniuncta eiusmodi adfectus in eorum animis excitent, & Naturam non imperasse ut istiusmodi sint erga Deum constantes, & perpetuae animi humani modificationes.

Hic tamen naturalis Religio subsistit, nam quamvis naturali officio quisque debeat internum cultum externis etiam actibus declarare, attamen cuique integrum relinquitur in naturali statu cultum illum externum seligere, quem magis Divino Numini acceptum fore ipsi videbitur; nemo enim est qui jus habeat alium cogendi, ut hanc potius, quam illam cultus externi rationem sequatur.

Itaque id tantum fortasse Philosopho investigandum relinquitur, quaenam scilicet cultus species sit rectae rationi conformior, & Divinae naturae accommodatior. Sed quid

ex eiusmodi investigatione utilitatis? Humana, & infirma ratio conticescat oportet inter Christianae Religionis sectatores, quibus Deus Optimus Maximus per Filium suum loquutus est, & quo pacto honorari velit expressa Lege imperavit. A Divinae igitur Legis interpretibus Religionis Theoria, & Praxis haurienda, & naturalis ratio, quam unam in Disciplina nostra sequimur, in Fidei obsequium captivanda.

Quod igitur ad nos attinet, haec sint de jure Principis circa Sacra Principia generalia.

I. Jus circa Sacra nempe circa Doctrinam publicam de Deo, & circa ceremonias, ritusque, quibus Divino Numini est exhibendus honor, ut cetera jura omnia apud Populum originarie est, & ex eo apud summum Imperantem.

II. Is statuit igitur communibus suffragiis Religionem publicam quam omnium acceptissimam Deo fore arbitratur, & quam quidem externe saltem violare nemini jus est: Externe inquam, internas enim ani-

mi modificationes Imperio publico non subesse alibi diximus.

III. Religio igitur in Civitate tamquam Lex publica, qua hominum actiones ad Cultum Dei externum diriguntur, spectari potest, & Sacerdotes a ceteris Reipublicae ministris non differunt, atque adeo eorum electio, muneris praescriptio, & commerita a ministerio, & officio depositio ad Populum ipsum, vel ad summum Imperantem spectat, in quem Populi jura translata sunt, nisi aliter Legibus fundamentalibus cautum sit.

De Religione in genere loquor, non autem de ea, quam Christus errores hominum miseratus de Coelo in Terram adduxit; Divinum enim Sacerdotium, quod in Christiana Religione peculiare omnino est, quibusdam finibus humanam circa Sacra temperat potestatem.

IV. An vero Cives ad externum cultum cogendi sint, an dissentientes publice tolerandi, ars Politica disquirat. Illud certum est a Principe tolerandam nullo pacto esse Religionem, si qua fuerit, quae directe

obieſto, & conſilio Civitatis adverſaretur (1).

(1) *Cetera Maieſtatis jura, quae ad Gentes, Populoſque exteros referuntur, in tertia Parte Juris noſtri exponentur.*

Finis Tomi II.

INDEX CAPITUM ET PARAGRA-
PHORUM, QUI IN HOC VOLU-
MINE CONTINENTUR.



CAPUT XII. *De Jure in re aliena
constituto , ubi de Pignore , Ser-
vitutibus , Emphyteusi , Censu , &
Feudo* Pag. 1

- §. 1. *De Pignore & Hypotheca . ibid.*
 2. *Consecraria ex natura Pignoris . 8*
 3. *De Servitutibus 15*
 4. *De Jure effodiendi metalla in fun-
do fructuario 17*
 5. *De Jure Domini in Fructuarium. 23*
 6. *De Emphyteusi 25*
 7. *Consecraria ex natura juris Emphy-
teutici 27*
 8. *De Jure Censuico & superficiario 30*
 9. *De Feudo 31*

CAPUT XIII. *Quibus modis con-
tractae obligationes tollantur .*

- §. 1. *De Solutionibus & Liberationibus 38*
 2. *De tempore solutionis 43*

- §. 3. *De loco solutionis* : : : : 44
 4. *Cui, & a quo solvendum* 45
 5. *De mora, & morae purgatione* . 47
 6. *De Acceptilatione, & pacto liberatorio* 51
 7. *De Confusione, & Compensatione* . 53
 8. *De Novatione* 57
 9. *Ex natura Novationis consecutaria* 59
 10. *De Delegatione* 61
 11. *Ex natura Delegationis consecutaria* ibid.

CAPUT XIV. De Interpretatione. 65

CAPUT XV. De Societate in genere, & Imperio privato.

- §. 1. *De Societatis in genere origine, natura, & Legibus* 77
 2. *De necessitate Legum in Societate* . 80
 3. *De voluntate Societatis, ubi de suffragiis, eorumque aestimatione* . 82
 6. *Consecutaria ex nostris principiis de Societate in genere* 90
 8. *De Imperio* 93
 9. *Ex Natura Imperii consecutaria* . 94

CAPUT XVI. De Societate Coniugali, Paterna, & Herili.

- §. 1. *De Societate Coniugali* 95

§. 2. *Ex natura Coniugalis Societatis*
confectaria 97

3. *De mutuis Coniugum officiis . .* 107

4. *De Matrimonio inter Propinquos .* 122

CAPUT XVII. *De Societate Paterna & Herili .*

§. 1. *De mutuis Parentum & liberorum*
officiis, & Patria Potestate . . 126

2. *Ex mutuis Parentum & Liberorum*
officiis corollaria 133

3. *De Peculio* 137

4. *Quandoniam cesset Patria Potestas .* 140

5. *De Tutela* 142

6. *De mutuis Tutorum & Pupillorum*
officiis 144

7. *De Dote* 150

8. *De Testamentis* 154

9. *De Haeredis officiis & juribus .* 159

10. *Ex haeredis natura & indole con-*
fectaria ibid.

11. *De Testatoris officiis* 162

12. *Ex Testatoris officiis confectaria .* 164

13. *De successionibus ab intestato .* 166

14. *Principium generale de successio-*
nibus ab intestato 168

§. 14. <i>Ex principiis circa testamenta positis consecraria</i>	169
15. <i>De Societate Herili</i>	173
16. <i>Ex Natura servitutis consecraria</i>	174
CAPUT XVIII. De Jure Necessitatis.	

§. 1. <i>De Officiorum collisione</i>	178
2. <i>De Officiorum collisione principia generalia</i>	190
3. <i>De Jactu mercium principium generale</i>	197
4. <i>Ex principio generali de jactu mercium consecraria</i>	198
5. <i>De Jactu dolo vel culpa facto.</i>	207

PARS. II: Quae Jus Publicum Generale, seu proprie dictum complectitur.

CAPUT I. De Origine Civitatis ubi de Imperio publico, eiusque translatione.

§. 1. <i>De Origine Civitatis</i>	211
2. <i>Ex Civitatis origine consecraria</i>	214
3. <i>De Imperio publico</i>	215
4. <i>De Libertate Civitatis</i>	217

- §. 5. *De Translatione Imperii* . . . 217
 6. *Ex Imperii translatione consecutaria* . 219
 7. *An Imperium publicum sit divisibile . De Imperio limitato, & de Legibus fundamentalibus* . . . 226
 8. *An Regnum possit esse aliquod Patrimoniale* 229

CAPUT II. *De diversis Rerumpublicarum formis.*

- §. 1. 233
 2. *De Autonomia Gentium & Libertate Civili* 236
 3. *De Publici Imperii exercitio in Democratia* 237
 4. *De eiusdem exercitio in Aristocratia* 240
 5. *De eodem in Monarchia* . . . 241
 6. *De Regno electivo, successorio, & haereditario* 243
 7. *De Successione ad jus Imperii Corollaria* 244

CAPUT III. *De Administratione Reipublicae & Juribus Maiestatis.*

- §. 1. *Consilium & obiectum generale Imperantis in administratione Rei-*

	<i>publicae, ubi de primo Maieftatis Jure.</i>	256
§. 2.	<i>De Legumlatione Principium generale</i>	259
3.	<i>De Administratione Reipublicae</i>	
	<i>Canones generales</i>	260
4.	<i>De abrogatione, mutatione, & authentica interpretatione Legum</i>	264
5.	<i>Secundum Jus Maieftatis: EXECUTIO, ET JUS PUNIENDI</i>	ibid.
6.	<i>De Obiecto, & quantitate poenarum</i>	266
7.	<i>Ex nostris Principiis corollaria.</i>	
	<i>I. De Talionis Jure</i>	274
8.	<i>Tertium Jus Maieftatis: MITIGATIO POENAE, GRATIA, ABOLITIO, ET AMNESTIA</i>	279
9.	<i>De publicatione bonorum, & perduellionis crimine</i>	281
10.	<i>Qui reus, vel delinquens dicatur</i>	286
11.	<i>Defensio omnibus naturali Jure concedenda</i>	288
12.	<i>De Quaestionis, seu torturae moralitate</i>	ibid.
13.	<i>De Captura, & custodia Rei</i>	294
14.	<i>Quartum jus Maieftatis: PRIVI-</i>	

LEGIORUM COLLATIO 298

- §. 15. *Quintum jus Maiestatis : PRAEMIORUM COLLATIO, ubi de jure Principis circa honorem, & aestimationem Civilem* 302
16. *Sextum jus Maiestatis : MUNERUM PUBLICORUM DISTRIBUTIO* 306
17. *De Judicibus, ubi de singulari certamine, sive Duello* 309
18. *De mutuis Imperantis & Subditorum officiis quod ad munera publica* 314
19. *Septimum jus Maiestatis : MONETAM CUBENDI* 315
20. *Octavum jus Maiestatis : VECTIGALIUM IMPOSITIO, UBI DE DOMINIIS* 320
21. *Nonum jus Maiestatis : POTESTAS ET DOMINIUM EMINENS* 324
22. *Decimum jus Maiestatis CIRCA SACRA* 329

F I N I S.

ERRATA. CORRIGE.

Pag. 13. v. 3 licitae = Adde = Licitas enim
eas esse aliquando diximus supra
Tom. I. Cap. XI. §. 18.

- | | | |
|------|-----------------------------|--------------------|
| 74. | 8. definisse | definiisse |
| 110. | 21. & | e |
| 112. | 18. acclu-
duntur | occluduntur |
| 141. | 3. tamen | autem |
| 144. | 14. educa-
tiones | educationis |
| 147. | 1. obligara | obligata |
| 164. | 2. hypote-
thica | hypothetico |
| 187. | 28. deturba-
tis | deturbabis |
| 220. | 20. exerci-
tium, juris | exercitium juris |
| 224. | ult. Princeps,
agit | Princeps agit, |
| 257. | 11. enume-
radis | enumerandis |
| 269. | 1. gravio-
ribus, poenis | gravioribus poenis |

Ant 1317998

